


ভীষ্ম ।

(নাটক)



শ্রী দ্বিজেন্দ্রনাথ রায়-প্রণীত ।

স্বরধাম, ২নং নন্দকুমার চৌধুরীর দ্বিতীয় লেন,

কলিকাতা ।

১৩৫৪



কলিকাতা, ২০১ নং কর্ণওয়ালিস্ ষ্ট্রীট,
বেঙ্গল মেডিকেল লাইব্রেরী হইতে
শ্রীযুক্ত শ্রীকদাস চট্টোপাধ্যায় কর্তৃক প্রকাশিত

প্রথম সংস্করণ—১ বৈশাখ, ১৩৫৪

কলিকাতা, ৬নং সিমলা ষ্ট্রীট,
“এমারেব্ল্ প্রিন্টিং ওয়ার্কস্” হইতে
শ্রীবিহারীলাল নাথ কর্তৃক মুদ্রিত।



বিজেন্দ্রলাল রায়

ত্রীগোপাল প্রেস।

উৎসর্গ।



বর্তমান যুগের
নূতন ভাবের প্রবর্তক

স্বর্গীয় মহাপুরুষ

৩ ভূদেব মুখোপাধ্যায়ের

উদ্দেশে

এই নাটকখানি উৎসর্গ হইল।



ভূমিকা ।

ভীষ্মের মত মহৎ চরিত্র আর মহাভারতে নাই বলিলেও চলে । সেই দেবচরিত্র লইয়া নাটক রচনা করা আমার পক্ষে অসমসাহসিকতা বলা কথ্য । অথচ এরূপ চরিত্র চিত্রিত করিবার প্রলোভনও সংবরণ করিতে পারি নাই । পাঠকগণ আমার ধৃষ্টতা মার্জনা করিবেন ।

আমি ভীষ্মের জীবনবৃত্তান্ত লিখিতে বসি নাই । কিংবা ভীষ্ম সম্বন্ধে মহাভারতে বর্ণিত কাব্যটুকু সঙ্কলন করিতেও বসি নাই । ভীষ্মের জন্ম-বৃত্তান্ত হইতে নাটক আবৃত্ত না করিয়া সেই জগৎ আমি তাঁহার প্রতিজ্ঞা হইতে এই নাটক আরম্ভ করিয়াছি, এবং কোন কোন স্থলে বিশুদ্ধ কল্পনার সাহায্য লইয়াছি ।

নাটকে এরূপ কাল্পনিক ব্যাপারের অবতারণা যে সম্পূর্ণ সংস্কৃত অলঙ্কারশাস্ত্রসম্মত তাহা পণ্ডিত মাত্রই অবগত আছেন । কালিদাসেব অভিজ্ঞানশকুন্তলে বর্ণিত অনেক ব্যাপারের উল্লেখমাত্র মহাভারতে নাই । ভবভূতিও তর্জিত উত্তর-রামচরিতে বর্ণিত বহু ঘটনা কল্পনা করিয়াছেন ।

সত্যবতী ধীবরনন্দিনী, ধর্মভ্রষ্টা কুমারী । তিনি ঋষির নিকট 'অনন্ত-যৌবন' বর চাহিয়া লইয়াছিলেন । কিন্তু ভীষ্মের পতন সংবাদে যে তিনি মুহূর্ত্তে শ্ববির হইয়া গিয়াছিলেন, ইহা মহাভারতে বর্ণিত উপাখ্যানে নাই । তিনি সে সময়ে বাঁচিয়াছিলেন কিনা, সন্দেহ । এ স্থলে আমি কাব্য-হিসাবে কল্পনার সাহায্য লইয়াছি ।

ভীষ্মের সহিত অশ্বার সম্প্রীতি নাটকানুসারে কল্পিত হইয়াছে।
 তাঁহার প্রতিজ্ঞার কঠোরত্ব ও চরিত্রমহত্ব তাহাতে বর্দ্ধিত হইয়াছে বলিয়াই
 আমাব বিশ্বাস।

দাশরাজের চবিত্র সম্পূর্ণ কাল্পনিক। মহাভারতে তাহাব উল্লেখ
 যাত্র আছে।

ভীষ্মের প্রতি শাশ্বেব বিদ্রোহ নাটকহিসাবে কল্পিত হইয়াছে।

মাধবের চরিত্র সম্পূর্ণ কাল্পনিক।

অন্য কুত্রাপি বোধ হয় আমি মহাভারতের উপাখ্যান লঙ্ঘন কবি
 নাই।

অন্যান্য চবিত্র সম্বন্ধে যাহাই হোক, আমাব বিশ্বাস যে আমার কল্পনা
 দ্বাবা ভীষ্মের মহৎ আদর্শ চরিত্র কুত্রাপি ক্ষুণ্ণ করি নাই। ইতি।

প্রশ্নকাল।

কুশীলবগণ ।

পুরুষ ।

শিব । শ্রীকৃষ্ণ । পরশুরাম ।

শান্তনু	হস্তিনাধিপতি ।
ভীষ্ম	}	...	শান্তনুর পুত্র ।
চিত্রাঙ্গদ			
বিচিত্রবীৰ্য্য			
মাধব	শান্তনুর বয়স্ক ।
শাৰ	সৌভাধিপতি ।

মহর্ষি ব্যাস, দাশরাজ, দাশরাজের মন্ত্রী, কাশিবাজ,
পঞ্চপাণ্ডব ও কুরুপক্ষ ।

স্ত্রী ।

উমা । গন্ধা ।

সত্যবতী	...	দাশরাজ-কন্যা (চিত্রাঙ্গদ ও বিচিত্রবীৰ্য্যের মাতা ।)	
অশ্বা	}	...	কাশিরাজকন্যা ।
অম্বিকা			
অম্বালিকা			
গান্ধারী	কৌরবমাতা ।
কুন্তী	পাণ্ডবমাতা ।



ভীষ্ম ।

প্রথম অঙ্ক

প্রথম দৃশ্য ।



স্থান—ব্যাসের আশ্রম-উদ্যান । কাল—প্রভাত ।

ব্যাস ও ভীষ্ম সেই উদ্যানে পাদচারণ কবিতেছিলেন

ব্যাস । ধর্মের পরম তত্ত্ব নিহিত গুহার ।

ভীষ্ম । কোথায় খুঁজিব তারে ?

ব্যাস । আপন অন্তরে ।

ভীষ্ম । কিরূপে পাইব তারে ?

প্রথম অঙ্ক ।]

ভীষ্ম ।

[প্রথম দৃশ্য ।

ব্যাস ।

—অবহিত মনে

উৎকর্গ হইয়া শুন—সেই সুমধুর
আচ্ছাদিত, ধ্রুব, গাঢ়, গভীর সঙ্গীত
—আপনার হৃদয়-মন্দিরে ।

ভীষ্ম ।

কৈ ! কিছু—

শুনিতে না পাই প্রভু !

ব্যাস ।

পাইবে নিশ্চয়

দেবব্রত ! তোমাবে দিয়াছি দিব্যজ্ঞান ।
এইবাব শুন দেখি ;—ঐ শুন বাজে
হৃদয়-বীণার তারে মধুর বঙ্কার ;
শুন দেবব্রত । শুনিতেছ ?

ভীষ্ম ।

শুনিতেছি

যেন এক দূরশ্রুত সমুদ্রকল্লোল ।

ব্যাস । বুঝিতেছ মর্শ্ব তার ?

ভীষ্ম । কিছুই বুঝি না ।

ব্যাস । মন দিয়া শুন পুনরায় ।

ভীষ্ম । শুনিতেছি ।

ব্যাস । শুন দেবব্রত—ঐ মহাগীত বাজে—

“সকল ধর্ম্মের মূল—ত্যাগ পরহিতে” ।

ভীষ্ম । ত্যাগ ঋষিবর ?

ব্যাস । ত্যাগ । আপনার সুখ

হাস্তমুখে বলিদান দেবতার পদে—

ইহাই পবন ধন্ব ; ধন্ব-সনাতন ;—
অপব সকল ধন্ব যাহাব সন্তান ।

ভীষ্ম । নিজ সুখ বলিদান দেবতাব পদে ?

ব্যাস । নিজ সুখ বলিদান দেবতাব পদে—
এই মহাধন্ব ।

ভীষ্ম । কে সে দেবতা ?

ব্যাস । মানব ।

ভীষ্ম । কি হেতু কবিবে নব সুখ বলিদান ?

ব্যাস । লভিতে পবন সুখ ।

ভীষ্ম । কি সে সুখ প্রভু ?

ব্যাস । বিবেকেব জয়ধ্বনি, আত্মাব সন্তোষ,
মানুষেব আশীর্বাদ । সেই মহাসুখ,
ত্যাগেব পবন শান্তি,—নিকটে যাহাব
স্বার্থেব সিদ্ধিব সুখ পাণ্ডু হ'য়ে যাব—
সূর্য্যোদয়ে চন্দ্রসম । মানুষেব জয়,
সভ্যতাব অগ্রসাব—স্বার্থ বলিদানে ।
সে মহা উদ্দেশ্যে স্বীয় কর্তব্য পালন—
মহাসুখ দেবব্রত ।

ভীষ্ম । বুঝিতেছি প্রভু ।

ব্যাস । মনঃস্থিব হ'য়ে কব এই মন্ত্রজপ ,
স্পষ্টতব স্পষ্টতব শুনিবে সঙ্গীত ;
সম্মিলিত, পৃথিবীব সব গীত-ধ্বনি,

প্রথম অঙ্ক ।]

ভীষ্ম ।

[দ্বিতীয় দৃশ্য ।


বেজে ওঠে সমস্বরে যে মহাসঙ্গীতে ;
বেণুর নিস্বনে জাগি' যেই সামগান
শৃঙ্গের উচ্ছ্বাসে গিয়া হয় অবসান ।
—মন্ত্র কর জপ ।

ভীষ্ম । যথাদেশ ঋষিবর ।

ব্যাস । সন্ধ্যা সমাগত । চল আশ্রম ভিতর ।

[উভয়ে নিষ্ক্রান্ত]

দ্বিতীয় দৃশ্য ।



স্থান—নর্মদার তীরে খেয়াঘাট ।

কাল—সন্ধ্যা ।

দাশরাজের কন্যা সত্যবতী একাকিনী
সেইখানে বেড়াইতেছিলেন ।

সত্যবতী । সূর্য্য অস্ত গেছে—ঐ ফুটিতেছে ধীরে
নীলাকাশে শত শত নক্ষত্র ভাস্বর,
প্রবাসীর চিত্তপটে বাল্যস্মৃতি সম ।

আজি মনে পড়ে সেই রঞ্জিত সন্ধ্যায়,
 বাহিতেছিলাম তরী যমুনার জলে,
 একাকিনী । এক কুম্ভ দীর্ঘকায় ঋষি
 কহিল সে তীরে আসি’, “সুন্দরি ! আমারে
 পার কর, বিনিময়ে লহ আশীর্ব্বাদ” ।
 দীর্ঘ শ্বেতশ্মশ্রু তার পবন-কম্পিত,
 করুণ কাতর স্বর । ভিড়াইয়া তরী
 লইলাম ঋষিবরে । ভাসিল আবার
 তরণী নদীর জলে । দেখিতেছিলাম
 নদীর সলিলে প্রতিবিম্বিত সন্ধ্যায়,
 শুনিতেছিলাম তার তরল কল্লোল ।
 অকস্মাৎ করম্পৃষ্ট হ’য়ে ভেঙ্গে গেল
 আমার জাগ্রত স্বপ্ন । তার পর এক—

সখীগণের প্রবেশ ।

- ১ সখী । *এই যে এখানে মৎস্যগন্ধা !
 ২ সখী । একাকিনী ।
 ৩ সখী । চল সখি ! গৃহে চল ।
 ৪ সখী । গৃহে চল সখি !
 সত্যবতী । যাইতেছি । তোমরা এগোও ।
 ১ সখী । সে কি কথা !

প্রথম অঙ্ক ।]

ভীষ্ম ।

[দ্বিতীয় দৃশ্য ।

আমরা কি যেতে পারি, হেথা একাকিনী
রাখিয়া তোমারে !

সত্যবতী । যাও, যাও বলিতেছি ।

২ সখী । ওকি ! ক্রুদ্ধ কেন সখি ! কি দোষ ক'রেছি ?

সত্যবতী । কোন দোষ কর নাই । রুদ্ধ হইয়াছি—

ক্ষমা কব প্রিয়সখী । [হাত জোড় করিলেন] ।

৩ সখী । ও আবার কি প্রকার ?

সত্যবতী । সত্য, ক্ষমা কর ।

৪ সখী । করিলাম ক্ষমা । তবে গৃহে ফিরে চল ।

সত্যবতী । তোমরা আমারে ভালোবাসো ?

১ সখী । ভালোবাসি ?

কে বলিল'—

২ সখী । ভালোবাসি ? কিছু না কিছু না ।

৩ সখী । তোমারে আমরা সব বিষ চক্ষে দেখি ।

৪ সখী । ভালোবাসি কিনা তাই করিছ জিজ্ঞাসা ?

সত্যবতী । সত্য যদি ভালোবাস, তবে ঘৃণা কর

ঘৃণা কর পাপীয়সী ধীবর-কণ্ঠায় ।

১ সখী । সে কি !

সত্যবতী । জানো কি কে আমি ?

২ সখী । জানি—সত্যবতী ।

সত্যবতী । আর কিছু ?

৩ সখী । দাশরাজ-কণ্ঠা তুমি অনন্তঘোবনা ।

৬]

সত্যবতী । আর কিছু ?

৪ সখী । কই, আর কিছুই জানি না ।

সত্যবতী । কিছুই জানো না তবে, জানিবে না কভু ।

—যাও প্রিয়সখী সব গৃহে ফিরে যাও,
আমি যাইব না ।

১ সখী । কেন ?

সত্যবতী । বলিব না ।

২ সখী । কেন ?

সত্যবতী । এ 'কেন'র সহুত্তর পাইবে না কভু ।

যাও গৃহে ফিরে যাও । আমি যাইব না ;
আমার আশ্রয় নাই ।

১ সখী । কি ? কাঁদিছ সখি ?

সত্যবতী । না না ফিরে যাও ।

২ সখী । এ কি ! কেন রুক্ষ স্বর ?

সত্যবতী নীরব রহিলেন ।

৩ সখী । নীরব যে মৎশগন্ধা ? কি ভাবিছ সখি ?

৪ সখী । সত্য, কি ভাবিছ সখি ?

সত্যবতী । কিছু না ।

৩ সখী । বল না ।

সত্যবতী । জানি না কি ভাবিতেছি ।

৩ সখী । বলিবে না সখি ?

৪ সখী । দেখিয়াছি আমি, শুভ্র সুন্দর প্রভাতে—

প্রথম অঙ্ক ।]

ভীষ্ম ।

[দ্বিতীয় দৃশ্য ।

চাহিয়া স্নদুব নীল শৈলবাজি পানে,
তুমি চেয়ে চেয়ে থাক উদাস প্রেক্ষণে
বহুক্ষণ : অকস্মাৎ চক্ষু ছুটি হ'তে
ছুটি উষ্ণ অশ্রুবিন্দু নেমে আসে ধীরে
যমজ ভগ্নীব মত, সমবেদনায় ।
শুনিয়াছি কখন বা কহিতে কহিতে
থমকি দাড়ায় বাক্য তব অন্ধপথে ;
বাদিত বীণাব তাব যেন ছিঁড়ে যায়
অকস্মাৎ । বল সখি কি ভাব নিয়ত ?

সত্যবতী । কিছু না—কিছু না—গৃহে চল সহচরী ।

কে ছিল আমাব ? কবে ? কোথায় ? কিছু না ।

[ইত্যবসবে ধনুর্ঝাণ হস্তে শান্তনু আসিয়া দূরে দাড়াইয়া এই সব
ব্যাপার দেখিতেছিলেন ও শুনিতেন । ক্রমে সত্যবতী সমস্তচরী
অপস্থিত হইলেন । শান্তনু পূর্ববৎ দাড়াইয়া রহিলেন ।]

দুইজন ধীবরের প্রবেশ ।

১ ধীবর । আজ স্নবিধে হোল না ।

২ ধীবর । কিছু না ।

১ ধীবর । চল্ বাড়ী ফিরে যাই ।

২ ধীবর । চল্ ।

৮]

প্রথম অঙ্ক ।]

ভীষ্ম ।

[দ্বিতীয় দৃশ্য ।

১ ধীবর । ওবে এটা রাত্তির না দিন ?

২ ধীবর । রাত্তিব ।

১ ধীবর । তবে অন্ধকার নেই কেন ?

২ ধীবর । ওরে চাঁদ উঠেছে রে চাঁদ উঠেছে ।

১ ধীবর । তাইত ! কিন্তু বাবা কি ভয়ানক !—যেন জ্বলে ।

২ ধীবর । তাইত বে !—ওঃ ! ওর পানে চাওয়া যাচ্ছেনা ।

১ ধীবর । আচ্ছা, বল্ দেখি ভাই, চাঁদ বেশী উপকারী না সূর্য্য বেশী উপকারী ?

২ ধীবর । সূর্য্য ।

১ ধীবর । আরে দূর্ !

২ ধীবর । কেন ?

১ ধীবর । চাঁদ বেশী উপকারী ।

২ ধীবর । কিসে ?

১ ধীবর । আরে দেখ্ ছিস্নে ভাই, চাঁদ না থাকলে কি অন্ধকারটাই জ্বোত । চাঁদ অন্ধকার রাতে আলো দেয় ।

২ ধীবর । আর সূর্য্য ?

১ ধীবর । সেত দিনে আলো দেয় । তখন সূর্য্যের দরকারই নাই ।

২ ধীবর । তুইত অনেক ভেবেছিস্ ।

১ ধীবর । ভেবে ভেবে কাহিল হ'য়ে গেলাম ।

[সে বেশ স্থূলকায় ছিল]

২ ধীবর । তাইত দেখ্ছি ।

১ ধীবর । ওরে—ও কে ?

[৯

প্রথম অঙ্ক ।]

ভীষ্ম ।

[দ্বিতীয় দৃশ্য ।

- ২ ধীবর । কৈ ?
১ ধীবর । ঐ যে !
২ ধীবর । মানুষ ।
১ ধীবর । বেঁচে আছে ?
২ ধীবর । উছঃ ! মরে' গিয়েছে ।
১ ধীবর । মর্কে কেন !
২ ধীবর । নড়্ছে না । জ্যান্ত মানুষ হ'লে নড়্বে ত ?
১ ধীবর । আব মরা মানুষ বুঝি তালগাছের মত খাড়া দাঁড়িয়ে থাকে ?
২ ধীবর । তাইত । তবে ত—ধোকায় ফেলে ।
১ ধীবর । এ বেশ একটু ছোট-খাটো রকমেব ধোকা । এর ত মীমাংসা হয় না ।
২ ধীবর । কি করে' হবে !—যদি ও বেঁচেই থাক্বে, ত নড়ে না কেন ?
১ ধীবর । কে এমন মাথার দিব্য দিয়েছিল !
২ ধীবর । আর যদি মরে'ই গিয়ে থাকে, তবে সংয়ের মত খাড়া দাঁড়িয়ে থাকে কি করে'—?—এরকম ত দেখা যায় নি ।
১ ধীবর । কৈ ! দেখেছি বলে'ত মনে হচ্ছে না ।
২ ধীবর । কি করে' মীমাংসা হবে !
১ ধীবর । কৈ আর মীমাংসা হয় ।
২ ধীবর । আচ্ছা লোকটাকে জিজ্ঞাসা ক'ল্লে' হয় না ?
১ ধীবর । [চিন্তিতভাবে] হ'—তা হয় বোধ হয় ।
২ ধীবর । তবে জিজ্ঞাসা করা যাক । [উভয়ে শান্তনুর কাছে গেল ।

১০]

প্রথম অঙ্ক ।]

ভীষ্ম ।

[দ্বিতীয় দৃশ্য ।

১ ধীবর । ওহে ! ওহে !

২ ধীবর । ওহে ভদ্রলোকটি !

১ ধীবর । কথাও কয় না যে !

২ ধীবর । তবে—মরে' গিয়েছে ।

১ ধীবর । তা—ছাই, তাই বলুক না । আমরা নিশ্চিত হুয়ে বাড়ী
চলে' যাই ।

২ ধীবর । না, এবিষয় কিছু ঠিক করা গেল না । চল্ বাড়ী
ফিরে যাই ।

[উভয়ে প্রস্থান]

শান্তনু । প্রাবৃটের ভরা নদী উঠিয়াছে ছাপি'

তার কূলে কূলে । শরতের পূর্ণশশী ।

পূর্ণ প্রস্ফুটিত পদ্ম । কোন ক্রটি নাহি ।

কিছু অপূর্ণতা নাহি । এই রূপরাশি—

মাধুরীর উৎসবের পূর্ণ আয়োজন ।

এ রূপবর্ণনারূপ নিষ্ফল প্রয়াসে

ভাষা নিরুত্তর হয় ।—এষে অপরূপ !

এষে ত্রিদিবের ছাতি, বিশ্বের বিস্ময় ।

—ধীরে ধীরে ভাবিবার শক্তি ফিরে আসে ।

কে এ বালা ? কা'র কণ্ঠা ? কোথা তা'র বাড়ী ?

—এই দিকে গেল না'সে ! কে বলিয়া দিবে

তাহার আবাস বার্তা !

[১১

প্রথম অঙ্ক ।]

ভীষ্ম ।

[দ্বিতীয় দৃশ্য ।

মহারাজ শান্তনুর বয়স্য মাধবের প্রবেশ ।

মাধব । এসো আমি দিব ।—ওকি ! আর একটু হ'লেই হ'য়েছিল
আর কি !

শান্তনু । কি ?

মাধব । মূর্ছা ! আমি কথা কইলাম, আর তোমার কাছে যেন
একটা বজ্রাঘাত হোল ।

শান্তনু । না না ।—কি সংবাদ বয়স্য ?

মাধব । মৃগ পালিয়েছে ।

শান্তনু । তা পালাক্ । কিন্তু—অপূর্বসুন্দরী !

মাধব । কে ?

শান্তনু । একটি যুবতী । এতক্ষণ আমি নির্ঝাক হ'য়ে—

মাধব । ওঃ বুঝেছি । মদন আবার বাণ মেরেছেন ।

শান্তনু । উঃ !

মাধব । বিষম যন্ত্রণা ! বিষম যন্ত্রণা ! প্রাণ যায়—বাঁচিনে—এই
রকম ত !

শান্তনু । বয়স্য !—

মাধব । সেটা কিন্তু জেলের মেয়ে ।

শান্তনু । তুমি দেখেছ ?

মাধব । দেখেছি ।

শান্তনু । আর একবার দেখাতে পারো ?

মাধব । দেখে কি হবে ?

১২]

প্রথম অঙ্ক ।]

ভীষ্ম ।

[তৃতীয় দৃশ্য ।

শাস্ত্রু । তাকে ভালো কবে' দেখা হয় নি বন্ধু!—আর একবার—
দেখবো ।

মাধব । বুঝেছি । চল, এই পথ দিয়ে ।

[উভয়ে নিষ্ক্রান্ত]

তৃতীয় দৃশ্য ।

স্থান—দাশবাজের আবাস গৃহ । কাল—প্রভাত ।

দাশরাজ অতি ক্রুদ্ধভাবে পাদচারণ করিতেছিলেন ।

তঁাহাব মন্ত্রী পশ্চাৎ পশ্চাৎ ফিরিতেছিলেন ।

দাশবাজ । আমি চটিছি—অত্যন্ত চটিছি । বাণীরই মাথা খারাপ না
হয় । কিন্তু যদি বাড়িশুদ্ধ—না এতটা—না, আমি কালই বাজ্য ছেড়ে
চলে' যাবো ।

মন্ত্রী । আজ্ঞে—

দাশরাজ । আমি 'আজ্ঞে' চাইনে, কাজ চাই । কাজ যদি না কর্তে
পারো, চলে' যাও ।

মন্ত্রী । আজ্ঞে—কাজ করব বৈ কি ?

দাশরাজ । 'বৈ কি' ।—সকলের মুখে ঐ এক কথা 'বৈ কি' ।

[১৩

প্রথম অঙ্ক ।]

ভীষ্ম ।

[তৃতীয় দৃশ্য ।

‘বৈকি’র এমন কি বিশেষ একটা গুণ আছে যে,—তা আমি জানি না । আমি—না আমি আত্মহত্যা করব ।

দাশরাজীর প্রবেশ ।

রাজ্ঞী । করবে ত করবে ।—ঈঃ আত্মহত্যা করবে ! আত্মহত্যা করা অমনি সোজা কথা কি না ।—আত্মহত্যা করবে ! রোজই ত শাসাও—আত্মহত্যা করবে । একদিনও ত কর্ত্তে দেখলাম না । আত্মহত্যা করবে । কর না । কর ।—আমার সম্মুখে আত্মহত্যা কর । আজই কর । এক্ষণি । কর ।—কি চুপ করে’ রৈলে যে ? কর আত্মহত্যা !

দাশরাজ । তবে করব ?

রাজ্ঞী । কর ।

দাশরাজ । তবে মন্ত্রী ! আত্মহত্যা করি ? করি ?

মন্ত্রী । আজ্ঞে তা কি হয় !

দাশরাজ । তা হয় না বুঝি ?—শুনলে রাণী !, মন্ত্রী বারণ কচ্ছে । নৈলে নিশ্চয় আত্মহত্যা কর্ত্তাম ।

রাজ্ঞী । কেন ! [মন্ত্রীকে] তুমি বারণ কচ্ছ কেন ? তুমি বারণ করবার কে ? আমি রাণী—আমি আজ্ঞা ক’রেছি । তার ওপর কথা !—যাও, তোমার কাজ থেকে তোমাকে ছাড়িয়ে দিলাম ।

দাশরাজ । কি রকম !—মন্ত্রী নৈলে রাজ্য চ’লবে কি রকম করে’ ?

রাণী । রাজ্য ত ভারী ! মোটে ত জেলের সর্দার । অমনি হোলেন দাশরাজ ! রাজ্যের মধ্যে ত একখানি গাঁ—আর একটা নদী ব আধখানা । রাজ-কাজ ত নদী কি পুকুরে জাল ফেলে মাছ ধরা ।

প্রথম অঙ্ক ।]

ভীষ্ম ।

[তৃতীয় দৃশ্য ।

‘রাজ্য চ’লবে কেমন করে’ ! ওঃ !—রাজ্য আমি চালাবো । তুমি আত্মহত্যা কর ।

দাশরাজ । কি ! তোমার কথায় ?—রাণী ভিতরে ষাও ।

রাজ্ঞী । ওরে পোড়াবমুখো—হতচ্ছাড়া মিস্কে ! এর সামনে নিজের বিদ্যা জাতিব কবা হচ্ছে !—আমি বাণী, আমাব উপর কথা ! ওরে ডাক্‌রা অলপ্পেয়ে—

দাশবাজ । ছি ছি ছি ! অশ্লীল । রাণী অশ্লীল ।

বাজ্ঞী । রেবো—বেবো বাড়ি থেকে । নৈলে—

দাশবাজ । নৈলে—কি ?

রাজ্ঞী । নৈলে ঝাঁটাপিটে কর্ব ।

দাশবাজ । ঝাঁটাপিটে ?

রাজ্ঞী । ঝাঁটাপিটে ।

দাশবাজ । ঝাঁটাপিটে ?

রাজ্ঞী । ঝাঁটাপিটে ।

দাশরাজ । কেউ কখন শুনেছে যে কোন দেশের বাণী সে দেশের বাজাকে ঝাঁটাপিটে ক’রেছে !—মন্ত্রী ! শুনেছ ?

মন্ত্রী । আজ্ঞে না ।

রাজ্ঞী । তবে দেখ [প্রস্থান]

মন্ত্রী । মহারাজ সরে’ পড়ুন । সময় থাকতে থাকতে সরে’ পড়ুন ।
রাণী বড় রেগেছেন ।

দাশরাজ । কি ! আমি রাজা, আমি এক নারীর ভয়ে সরে’ পড়বো ।—ওবে কে আছি—নিয়ে আয় ত আমার তীর ধনুক, আর—

প্রথম অঙ্ক ।]

ভীষ্ম ।

[তৃতীয় দৃশ্য ।

মন্ত্রী । , পার্বেন না—সরে' পড়ুন । পার্বেন না ।

দাশরাজ । তাই না কি ?

মন্ত্রী । আমি ব'লছি—সরে' পড়ুন ।

দাশরাজ । আচ্ছা—তুমি যখন ব'লছো ।—আর তুমি যখন মন্ত্রী ।

[গমনোত্তম ।]

শান্তনু ও মাধবের প্রবেশ ।

মাধব । এই বুঝি দাশরাজ !—মহাশয় আপনি কি এ দেশের রাজা ?

দাশরাজ । নৈলে কি তুমি রাজা ? দেখ—তোমরা খবর না দিয়ে—
আমার কাছে এসে উপস্থিত যে ! তা'র উপরে একেবারে “মহাশয়
আপনি কি এ দেশের রাজা ?” এ কি রকম ! আমার কাছে যা'রা আসে
তা'রা কি করে জানো ?

মাধব । আজ্ঞে না, তা ত জানিনে ।

দাশরাজ । তা'রা আগে এই মন্ত্রীর পিসতুত শালাকে ভেট
পাঠায় ।

মাধব । আজ্ঞে পিসতুত শালাকে !—

দাশরাজ । হাঁ ! পিসতুত শালাকে । তার পর মাসতুত ভাইয়ের
স্বপ্তরের কাছে হাত জোড় করে' দাঁড়ায় ।

মাধব । ও বাবা ! এতখানি আদব কাগদাঁ !

দাশরাজ । আমি রাজা ।—কি বল মন্ত্রী ?

মন্ত্রী । আজ্ঞে মহারাজ ।

মাধব । তা কে অস্বীকার কচ্ছে' !

১৬]

প্রথম অঙ্ক ।]

ভীষ্ম ।

[তৃতীয় দৃশ্য ।

দাশরাজ । স্বীকার কচ্ছ' ?

মাধব । না হয় স্বীকার কর্লাম ।

দাশরাজ । 'না হয়' কি রকম ?—মন্ত্রী !

মন্ত্রী । আজ্ঞে—'না হয়'টা আমিও বড় একটা বুঝতে পাচ্ছি নে ।

দাশরাজ । এর মধ্যে 'না হয়' টা হয় নেই । আমি রাজা ।
এখন কি ব'লতে চাও—বল ।

মাধব । এখন ব'লতে চাই এই যে—আমার প্রিয় সখা—এই ইনি—
অর্থাৎ একে মদন বাণ মেরেছেন । ইনি তাই ছট্ ফট্ কচ্ছে'ন ।

দাশরাজ । মদন কে ? মন্ত্রী ! এই মদনটা—কে ? সে এই নিরীহ
ভদ্রলোককে বাণ মারে কেন ? ধরে' নিয়ে এস তাকে—আমি বিচার
কর । বাণ মার্লে কেন ?

মাধব । শুনতে পাই—আপনাব একটা কণ্ঠা আছে । কথাটা কি
সত্য ?

দাশরাজ । তা আছে ।

মাধব । আমার প্রিয় সখা তাঁকে দেখেছেন । এই তাঁর অপরাধ !
এই অপরাধে মদন একে বাণ মেরেছেন । মহারাজ ! আপনি এর
একটা বিচার করুন ।

দাশরাজ । নিশ্চয়ই কর্ব । আমার মেরেকে দেখেছেন ত আমি
বাণ মার্বে । মদন মার্বে কেন !—মন্ত্রী !

মন্ত্রী । বটেইত মহারাজ ।

দাশরাজ । মদন কি এই রকম বাণ মেরে বেড়ান ?

মাধব । আজ্ঞে মহারাজ, এই তাঁর বাবসা ।

প্রথম অঙ্ক ।]

ভীষ্ম ।

[তৃতীয় দৃশ্য ।

দাশরাজ । ব্যবসা কি রকম ?

মাধব । এই, যদি একজনের চেহারা-খানা চলন সৈ হয়, আর গড়নটা যুৎসৈ হয় ; আর তিনি ব্যাকরণ হিসাবে স্ত্রীলিঙ্গ শ্রেণীয় হন, এঁরা— অর্থাৎ এঁদের ক্ষুধা মাটি, রাত্রে খুম হয় না, দিবারাত্র পাথার বাতাস কর্ত্তে হয়, প্রাণ আই চাই করে ।

দাশরাজ । কেন ?

মাধব । মদন বাণ মারেন ।

দাশরাজ । তাইত ! মন্ত্রী ! তুমি কি মন্ত্রণা দাও ?

মন্ত্রী । আজ্ঞে, আপনি যা উচিত বিবেচনা করেন ।

মাধব । আপনার মন্ত্রীটিত বেশ দক্ষ । এমন মোলায়েম সহজ মন্ত্রী আর কোন রাজার ভাগ্যে ঘটেছে বলে' আমি জানিনা । মন্ত্রণায় বৃহস্পতি !

দাশরাজ । খুব পুরাণ লোক কিনা !

মাধব । তাই এত বুদ্ধি ।

দাশরাজ । মন্ত্রী, এই মদনকে ধরে' নিয়ে' এস । আমি বিচার কর্ব ।

মাধব । আজ্ঞে মদনকে ধরা যায় না । ঐ, ত গোল !

দাশরাজ । ধরা যায় না !

মাধব । না ।

দাশরাজ । তবে উপায় ?

মাধব । আপনি যদি আপনার কণ্ঠাকে এঁর সঙ্গে বিবাহ দিতে স্বীকৃত হন, তা হ'লে এ যাত্রা উঁনি মদনের হাত থেকে নিষ্কৃতি পান ।

১৮]

প্রথম অঙ্ক ।]

ভীষ্ম ।

[তৃতীয় দৃশ্য ।

দাশরাজ । বিবাহ !

মাধব । তার দরকার ছিল না, কিন্তু এঁর কি রকম একটা কুসংস্কার ।
ঐ জায়গায় ঔঁর কবিত্বের একটু অভাব । আপনি বিবাহ দিতে রাজি ?

দাশরাজ । মন্ত্রী !

মন্ত্রী । আপনার প্রিয়সখার সঙ্গে মহারাজের কন্যার বিবাহ দিতে
হবে ?

মাধব । অবিকল ।

মন্ত্রী । আপনার বন্ধুটি হচ্ছেন কে ? এই হচ্ছে সমস্যা ।

[দাশরাজ মনে মনে মন্ত্রীর বুদ্ধির প্রশংসা করিতে লাগিলেন ।]

মাধব । সে সমস্যা ভঞ্জন করে' দিচ্ছি । আমার বন্ধুটি হচ্ছেন
হস্তিনার রাজা ।

মন্ত্রী । হস্তিনার রাজা !

মাধব । আজে ।

মন্ত্রী । হস্তিনার মহারাজ !

মাধব । আজে ।

মন্ত্রী । সত্রাট্ শান্তনু ?

মাধব । অবিকল ।

মন্ত্রী । [দাশরাজকে] সিংহাসন থেকে উঠুন । সিংহাসন থেকে
উঠুন ।

দাশরাজ । কেন ? কেন ? সিংহাসন থেকে উঠবো কেন ? সিংহাসন
থেকে উঠবো কেন ?

মন্ত্রী । আগে উঠুন, তারপর কথা কইবেন । নৈলে—

প্রথম অঙ্ক ।]

ভীষ্ম ।

[তৃতীয় দৃশ্য ।

দাশরাজ । নৈলে কি ?

মন্ত্রী । ' নৈলে রাজ্য গেল ।

'দাশরাজ । এঁগা ! এঁগা !—নৈলে, বাজ্য গেল নাকি ? [অন্ধ উখিত ;
রাজ্য গেল নাকি ?

মন্ত্রী । উ—ঠুন ।

[দাশরাজ সিংহাসন ত্যাগ করিলেন ।]

মন্ত্রী । মহারাজ হস্তিনাধিপতি ! আমাদের জন্ম সার্থক । এই সিংহাসন
গ্রহণ করুন ।

দাশরাজ । সে কি !

শান্তনু । প্রয়োজন নাই । দাশবাজ ! আপনি সিংহাসনে বসুন ।

দাশরাজ । [অব্যবস্থিত-ভাবে] মন্ত্রী— !

মন্ত্রী । বসুন, যখন সম্রাট অনুমতি কচ্ছেন । কিন্তু তাও জোড়
কবে' বসুন ।

[দাশবাজ উক্তবৎ করিলেন ।]

মাধব । এখন আমাদের আবেদন ?

দাশরাজ । মন্ত্রী ।

[মন্ত্রী দাশরাজের কর্ণে কি কহিলেন ।]

দাশরাজ । অবশ্য—অবশ্য । মহারাজ আস্ছি ।

[মন্ত্রী ও দাশরাজের প্রস্থান]

মাধব । দাশরাজ তার গৃহিণীর পরামর্শ নিতে গেল ;—মহারাজ
এই বর্ষরটাকে দেখে, তার মেয়েকে বিয়ে কর্তে প্রবৃত্তি হচ্ছে ?

২০]

প্রথম অঙ্ক ।]

ভীষ্ম ।

[তৃতীয় দৃশ্য ।

শান্তনু । কিন্তু আমরা যে খবর নিলাম যে—এই যুবতী দাশবাজের কন্যা নয় ।

মাধব । এম পালিত কন্যা ত । এই বন্ধুদের কাছে শিক্ষা ত !

শান্তনু । শোনা গেল যে সে—ঋষির বনে অনন্তযৌবনা বিদূষী ।

মাধব । হাঁ, এই যুবতীর একটি ইতিহাস আছে দেখছি । এ বকম অজ্ঞাতকুলশীলাকে বিবাহ করা যুক্তিসঙ্গত নয় মহাবাজ ।

শান্তনু । ও সব ভাববাব আমার অবসর নাই বন্ধু । আমি তাকে চাই ।

দাশবাজ ও তাহার মন্ত্রীর পুনঃ প্রবেশ ।

মাধব । বাণী কি স্থির করলেন ?

দাশবাজ । বাণী কেন ?

মন্ত্রী । মহাবাজের পুত্র সন্তান বর্তমান ?

মাধব । সম্পূর্ণ ।

মন্ত্রী । তাই ত ।

মাধব । ‘তাই ত’ কি ?

মন্ত্রী । মহাবাজ । ‘তাই ত’ ।

দাশবাজ । তাই ত !

মাধব । এখন ‘মহাবাজ’ এই বিবাহ দিতে কি স্বীকার ?

দাশবাজ । তাই ত ।

মাধব । তবে অস্বীকার ?

দাশবাজ । তাই ঠিক !—কি বল মন্ত্রী ?

প্রথম অঙ্ক ।]

ভীষ্ম ।

[তৃতীয় দৃশ্য ।

মন্ত্রী । তাই ত ।

দাশরাজ । তাই ত ।

মাধব । স্বীকার না অস্বীকার ?

মন্ত্রী । তাই ত ।

দাশরাজ । তাই ত ।

মাধব । একটা উত্তর দিন ?

দাশরাজ । তাই ত ।

মাধব । এই কি আপনাব শেষ উত্তর ?—‘তাই ত’ ?

দাশরাজ । মন্ত্রী !

[মন্ত্রী দাশরাজেব কাণে কাণে কি কহিলেন ।]

দাশরাজ । শোন ! আমার এই জেদ—যে আমার মেয়ের ছেলে পবে রাজা হবে, তাতে থাকে প্রাণ যায় প্রাণ । তাতে মহারাজ স্বীকার ?—সোজা কথা ।—বল মন্ত্রী বুঝিয়ে বল ।

মন্ত্রী । মহারাজ শাস্তু ! রাজার এই প্রতিজ্ঞা যে মহারাজের অবর্ত্তমানে এই কণ্ঠার গর্ভজাত সন্তান হস্তিনার রাজা হবে । এ প্রস্তাবে কি আপনি সম্মত ?

শাস্তু ! না—তা—কি রকম করে’ হবে ? জ্যেষ্ঠ পুত্র বর্ত্তমান ।

দাশরাজ । তবে এ বিয়ে হবে না । সোজা কথা । মন্ত্রী বুঝিয়ে বল ।

মন্ত্রী । মহারাজ শাস্তু ! তবে এ বিবাহ অসম্ভব ।

শাস্তু । এই কি আপনার স্থিরসংকল্প ?

দাশরাজ । হাঁ—এই আমার—কি বল মন্ত্রী—স্থির সংক—কি বল ?

মাধব । সংকল্প—চলে’ আসুন মহারাজ । কি !—ভাব্ছেন কি ?

২২]

প্রথম অঙ্ক ।]

ভীষ্ম ।

[চতুর্থ দৃশ্য ।

শান্তনু । দাশরাজ ! আপনাব ইচ্ছার বিরুদ্ধে আমি আপনার কণ্ঠ্যর
পাণিগ্রহণ কর্তে চাই না । অনুচর কণ্ঠ্যর উপর পিতার অধিকাধ ।
দাশবাজ ! বিদায় হই ।—এসো বয়স্ত্র ।

[শান্তনু ও মাধবের প্রস্থান]

দাশরাজ । মন্ত্রী !

মন্ত্রী । আজ্ঞে ।

দাশবাজ । আমায় বিছানায নিয়ে চল । শুয়ে পড়ি । নৈলে—নৈলে—

মন্ত্রী । নৈলে ?

দাশবাজ । বুঝি দাঁত-কপাটি লাগে ।

[নীত হইলেন ।]

চতুর্থ দৃশ্য ।

স্থান—হস্তিনার প্রাসাদ-কক্ষ । কাল—প্রভাত ।

ভীষ্ম একাকী একটি প্রাসাদ স্তম্ভে পৃষ্ঠদেশ রক্ষা

করিয়া দাড়াইয়া ছিলেন ।

ভীষ্ম সকল ধর্মের মূল ত্যাগ পরহিতে ।

বাজিছে ব্যাসের সেই মধুর সঙ্গীত

নিয়ত অন্তরে । আর ধীয়ে ধীরে হৃদে

[২৩

সঞ্চয় করিয়া শক্তি, নদীর কল্লোল
বহ্নার নির্ঘোষসম যেন শোনা যায় ।

বকিতে বকিতে মাধবের প্রবেশ ।

মাধব । একেই বলে ‘ঘরের খেয়ে বনের মোষ তাড়ানো’ । আরে !
সে সুন্দরী, তা তোর কি ?—

ভীষ্ম । কাকা কি বকছেন আপন মনে ?

মাধব । তার জন্ত তোর ক্ষুধা নাই, নিদ্রা নাই, অথ কোন চিন্তা
নাই, দিন দিন টিকটিকির মত দুর্বল হ’য়ে যাচ্ছি—কেন না সে সুন্দরী ।
আরে সে সুন্দরী তাতে তোর কি ?

ভীষ্ম । কে সুন্দরী ?

মাধব । সেই দিন থেকে কি রকম মুষড়ে গিয়েছে ।

ভীষ্ম । কে ?

মাধব । কে আবার ? তোমার ঐ বাবা ।—ঐ যা ! বলে’ ফেললাম ।

ভীষ্ম । হাঁ কাকা ! বাবার কি হ’য়েছে ?

মাধব । দেই বলে’ । কতদিন আর চেপে রাখি ! আগুন আর
কত দিন চাপা থাকে ! রাজ্যে অশান্তি, গৃহে অশান্তি, আর শীতকালে
বারান্দায় শুয়ে, চাঁদের পানে চেয়ে, দীর্ঘশ্বাস ফেলে, রাজার তোল
যন্ত্রাকাশ । কেন না—তার মুখখানি ভালো, আর—আর বলে’
কাজ কি !

ভীষ্ম । হাঁ কাকা, বলুন ত, বাবার কেন এ রকম হ’য়েছে ।
জানেন ?

প্রথম অঙ্ক ।]

ভীষ্ম ।

[চতুর্থ দৃশ্য ।

মাধব । আবে—জানি বৈ কি ? সব জানি ।

ভীষ্ম । তবে বলুন না । আমি তাঁকে কাবণ জিজ্ঞাসা ক'বেছি, তিনি কোন উত্তর দেন না ।

মাধব । ঐ ত । এদিকে ত হস্তিনাব বাজা, ভাবতেব সম্রাট । 'কৃষ্ণ নেহাইৎ বেচাবী,—আব বেজাষ লাজুক ।

ভীষ্ম । কি হ'য়েছে বলুন না ? বাবা ক্রমে ক্রমে পাংশু কৃশ মলিন হ'য়ে যাচ্ছেন কেন ?

মাধব । কাবণ সে সুন্দবী ।

ভীষ্ম । কে সুন্দবী ?

মাধব । কে আবাব ? এক জেলের মেয়ে । ইঁা সুন্দবী বটে—তবে তাব গায়ে মাছেব গন্ধ । তাকে বিবাহ কৰ্ব্বাব জন্ত হস্তিনাব বাজা উন্নত ।—হস্তিমূৰ্থ ।

ভীষ্ম । তা বাবা তাকে বিবাহ কবেন না কেন ?

মাধব । কুসংস্কাব । ঋত্ৰিষ মহাবাজা—একটা ইচ্ছা হ'য়েছে । তবোয়াল বেব কব । না মেয়েটাব বাপেব পায়ে ধৰ্ত্তে বাকি বেখেছে । আমি না থাকলে তাও ধৰ্ত্ত ।

ভীষ্ম । মেয়েব বাপ কে ?

মাধব । কে আবাব ?—এক জেলের সৰ্দাব ।—দাশবাজ । বাজা-খেতাব যে তাকে কে দিলে তা জানি না ।

ভীষ্ম । • তা মেয়েব বাপ কি বিবাহ দিতে স্বীকৃত নয় ?

মাধব । দেখে ত বোধ হোল না !—বলে যে যদি সেই মেয়েৰ যে ছেলে হবে (হবে কি ন্ন তাই এখন ঠিক নেই) যদি সেই ছেলেই রাজ্য

[২৫

প্রথম অঙ্ক ।]

ভীষ্ম ।

[চতুর্থ দৃশ্য ।

পাবে মহারাজ এই শপথ কর্তে পারেন, ত জেলের সর্দার মহারাজকে মেয়ে দিতে পারে ।

‘ভীষ্ম । পিতা তাতে সম্মত হ’লেন না ?

মাধব । সম্মত হবেন কেমন করে’ ? তাঁর উপযুক্ত জ্যেষ্ঠপুত্র—
তোমাকে রাজা না করে’—রাজা কর্বেন এক জেলেনীর ছেলেকে !—
গায়ে মাছের গন্ধ ! যাই কবিরাজ নিয়ে আসিগে । মহারাজ যে বেশী
দিন বাঁচেন—তা বোধ হয় না ।

[প্রস্থান]

ভীষ্ম । এই মাত্র !—হায় পিতা, আমার কারণে
তুমি দুঃখী, রুগ্ন, দীন, মলিন, কাতর !
জানোনাকি পিতা তব একটি হৃঙ্গিত
অসাধ্য সাধিতে পারি ! কেন মুখ ফুটে
বল নাই প্রিয়তম জনক আমার !
এত স্নেহ—এত স্নেহ পিতৃদেব তব
অধম পুত্রের প্রতি !—দেখাইব পিতা,
এ অগাধ স্নেহের অযোগ্য নহি আমি ।
—এ দুঃখ আমার জন্ম !—পারি যবে প্রাণ
তোমার সুখের পদে দিতে বলিদান ।

[প্রস্থান]

উপরে মহাদেব ও উমার প্রবেশ ।

মহাদেব । আরম্ভ হইল এক নূতন অধ্যায় ।

২৬]

মানবের ইতিহাসে । চেয়ে দেখ উমা—

ঐ দীর্ঘকায় গৌর সুন্দর যুবক

চিন্তামগ্ন মহীরুহতলে—ঐ যুবা

শুনাতে নূতন এক গভীর সঙ্গীত

বিশ্বতলে, যাহা পূর্বে কেহ শুনে নাই ।

উমা । কি সঙ্গীত প্রাণেশ্বর !

মহাদেব । ত্যাগেব সঙ্গীত—

এ ত্যাগ নিবন্ধ নহে শুধু তপস্রায়,

শাস্ত্রেব বিচারে, কিস্বা ধর্ম্মেব প্রচারে ;

এই ত্যাগ প্রসারিত জগতের হিতে

কর্ম্মপথ দিয়া প্রিয়তমে ! ঐ যুবা

শুনাতে ত্যাগেব তন্ত্র—বেদবাক্যে নহে,

সমস্ত জীবনব্যাপী কর্ম্মে প্রিয়তমে !

উমা । ঐ যুবা ? কি নাম উহার ?

মহাদেব । দেবশ্রুত ।

উমা । কে উহার পিতা ?

মহাদেব । রাজবাজেন্দ্র শান্তনু ।

উমা । কে উহার মাতা ?

মহাদেব । গঙ্গা—সপত্নী তোমার ।

পঞ্চম দৃশ্য ।

—०ঃঃ०—

স্থান—দাশবাজেব আবাস গৃহ । কাল—প্রভাত ।

দাশবাজ, মন্ত্রী ও ভীষ্ম দণ্ডায়মান ।

দাশবাজ । ইনি হস্তিনাব বাজার ছেলে ?

মন্ত্রী । ইনিই হস্তিনাব যুববাজ ।

দাশবাজ । তোমার নাম ?

ভীষ্ম । দেবব্রত ।

দাশবাজ । তা বেশ নাম । তা এখানে কি মনে করে' এসেছো ?

ভীষ্ম । আশ্ববলিদান দিতে ।

দাশবাজ । কি দিতে ?

ভীষ্ম । আশ্ববলিদান ।

দাশবাজ । সে আবার কি ?—মন্ত্রী ।

মন্ত্রী । হস্তিনাব যুববাজ ? আপনার প্রার্থনা সরল ভাষায় ব্যক্ত করুন । আপনি কি চান ?

ভীষ্ম । দাশবাজকন্যাকে ।

দাশবাজ । তবে যে বললে যে, কি দিতে এসেছো ?

[মন্ত্রী দাশবাজের কর্ণে কি কহিলেন ।]

দাশবাজ । তা সহজ ভাষায় বলে না কেন ? তোমার এতদিন বিষে হয় নি ?

প্রথম অঙ্ক ।]

ভীষ্ম ।

[পঞ্চম দৃশ্য ।

ভীষ্ম । আমি অনুচ ।

মন্ত্রী । অর্থাৎ আপনাব বিবাহ হয় নি । এই ত ?

ভীষ্ম । অবিকল ।

দাশবাজ । মন্ত্রী । [জনান্তিকে মন্ত্রীর সহিত পবামর্শ কবিয়া]
ওবে তোমাব সঙ্গে বিয়ে দিলে—এই সত্যবতীব ছেলেই বাজা
হবে ত ?

ভীষ্ম । আপনি ভুল কচ্ছেন দাশবাজ ? আমি দাশবাজকণ্ঠাকে
স্বধঃ বিবাহ কর্ণাব অভিপ্রায়ে এখানে আসি নাই । আমি তাঁকে
মাতৃপদে ববণ কর্তে এসেছি ।

দাশবাজ । সে আবার কি !—মন্ত্রী । তুমি এব সঙ্গে কথা কও ।
আমি ওব কথা কিছু বুঝতে পার্ছি না ।

মন্ত্রী । হস্তিনাব যুববাজ, অনুগ্রহ কবে' সবল ভাষায় আপনাব বক্তব্য
জ্ঞাপন ককন ।—'মাতৃপদে ববণ কর্তে এসেছেন' তাব অর্থ কি ?

ভীষ্ম । আমি দাশবাজকণ্ঠাকে পিতাব মহিষীরূপে প্রার্থনা কর্তে
এসেছি ।

দাশবাজ । এ লোবটা পাগল বোধ হচ্ছে ।—মন্ত্রী ।

মন্ত্রী । কিন্তু যুববাজ । মহাবাজ শান্তনুব সঙ্গে সত্যবতীব বিবাহেব
নিফল প্রস্তাব ত একবাব হ'য়ে গিযেছে ।

ভীষ্ম । তা জানি দাশবাজমন্ত্রী ।

মন্ত্রী । 'তবে ?

ভীষ্ম । আমি সেই ব্যর্থ প্রার্থনা আবার ফিবে এনেছি । পিতা এ
কণ্ঠাব ভাবী পুত্রকে বাজ্যস্বত্ত্ব দিতে অস্বীকৃত হ'য়েছিলেন না ?

[২৯

প্রথম অঙ্ক ।]

ভীষ্ম ।

[পঞ্চম দৃশ্য ।

মন্ত্রী । প্রকৃত কথা বটে ।

ভীষ্ম । ' অস্বীকৃত হ'য়েছিলেন—আমারই জন্ম । আমি মহারাজের একমাত্র পুত্র ।

মন্ত্রী । শুনেছি যুবরাজ ।

ভীষ্ম । এখন আমি সে প্রস্তাবে স্বীকৃত হচ্ছি ।

মন্ত্রী । কিন্তু মহারাজ শাস্ত্রনু স্বয়ং তাতে অস্বীকৃত ।

ভীষ্ম । তাতে কি যায় আসে ? রাজ্যস্বত্ব আমার । আমি সে স্বত্ব পরিত্যাগ করছি ।

মন্ত্রী । [সবিস্ময়ে] আপনি আপনার রাজ্যস্বত্ব ছেড়ে দিচ্ছেন ?

ভীষ্ম । ছেড়ে দিচ্ছি ।

মন্ত্রী । স্বেচ্ছায় ?

ভীষ্ম । স্বেচ্ছায় ।

দাশরাজ । উন্মাদ ! উন্মাদ !

মন্ত্রী । আশ্চর্য্য বটে ।

ভীষ্ম । জগতে কিছুই আশ্চর্য্য নয়—মন্ত্রী মহাশয় ! যা যার হৃঃসাধা, সে তাই আশ্চর্য্য মনে করে । একের পক্ষে যা দুঃস্বপ্ন, অপরের পক্ষে তা সহজ । আবার একজনের কাছে আজ যা' শত্রু, কাল তা সহজ । জগতে কিছুই আশ্চর্য্য নাই ।

মন্ত্রী । আপনি আপনার রাজ্যস্বত্ব ত্যাগ কচ্ছেন ?

ভীষ্ম । হাঁ করছি ।

মন্ত্রী । বেশ ভেবে দেখেছেন হস্তিনার যুবরাজ ? একটা মুষ্টিগত সাম্রাজ্য—যে রাজ্যের জন্ম জাতি বৃদ্ধ করে, নর নররক্তপাত করে,

৩০]

প্রথম অঙ্ক ।]

ভীষ্ম ।

[পঞ্চম দৃশ্য ।

ভ্রাতা ভ্রাতৃহত্যা কবে, পুত্রও পিতার শত্রু হয়, সেই রাজ্যস্বত্ব
আপনি ছেড়ে দিচ্ছেন ?—দেখুন ।

ভীষ্ম । ধূলিমুষ্টিব গ্নাষ ত্যাগ করছি ।

মন্ত্রী । কিসেব জগ্ন ?

ভীষ্ম । পিতাব তুষ্টিব জগ্ন ।

মন্ত্রী । এই মাত্র ?

ভীষ্ম । এই মাত্র ।

দাশবাজ্জ । যুবক । তোমাব মাথা খাবাপ ।

ভীষ্ম । না দাশবাজ্জ । আমাব নস্তিক্ত বিকৃত নষ । আমাকে
পবীক্ষা কবান । আজ আমাব চেযে স্তুস্ত্ব স্থিবসংকল্প ব্যবস্থিতচিত্ত ব্যক্তি
বিশ্বে কেউ নাই ।

দাশবাজ্জ । তুমি সত্যই বাজ্য ছেড়ে দিচ্ছ ?

ভীষ্ম । সত্যই ছেড়ে দিচ্ছি ।

দাশবাজ্জ । শপথ করছ ?

ভীষ্ম । শপথ করছি । আব এ ক্ষত্রিয়েব শপথ ।

দাশবাজ্জ মন্ত্রীব সঙ্গে পুনবায় মন্ত্রণা কবিলেন । পবে দাশবাজ্জ
কহিলেন—“উত্তম । তবে আব এ বিবাহে আমাব আপত্তি নাই ।”

দাশবাজ্জীব প্রবেশ ।

বাজ্জী । আপত্তি আছে ।

দাশবাজ্জ । সে কি বাণী !

বাজ্জী । চূপ কব । আমি বাণী । আমি ব'লছি যে এখনও আপত্তি
আছে ।

[৩১

প্রথম অঙ্ক ।]

ভীষ্ম ।

[পঞ্চম দৃশ্য ।

ভীষ্ম । কি আপত্তি ?

রাজ্ঞী । তুমি রাজ্য দাবী না কর্তে পারো, কিন্তু পরে যদি তোমার ছেলে রাজ্য দাবী করে ?

দাশরাজ । তাও ত বটে ।

ভীষ্ম । তা পারে । কিন্তু সে পক্ষে আমি কি কর্তে পারি ?

রাজ্ঞী । তুমি ত নিজে বিয়ে না কর্তে পারো ।—কি বল মন্ত্রী ?

মন্ত্রী । ঠিক ব'লেছেন রাজ্ঞী । বিবাহ না করলে ত আর পুত্র সম্ভাবনা নাই ।

ভীষ্ম । বিবাহ সংকল্প পরিত্যাগ কর্তে হবে ?

মন্ত্রী । তদ্বিন্ন অন্য উপায় নাই ।

ভীষ্ম । [অর্ধ স্বগত] আমার এতদিনেব সঞ্চিত আকাঙ্ক্ষা, আমার নিভূতে লালিত আশা,—তাও ত্যাগ কর্তে হবে ! কঠোর ত্যাগ ! তার উপরে অপিশুক হ'য়ে অনন্ত কাল ভ্রাম্যমাণ পুনাম নরকে বাস কর্তে হবে !—এ যে বড় কঠোর ! বড় কঠোর !

মন্ত্রী । তবে যুবরাজ তাতে অসম্মত ?

ভীষ্ম । বড় কঠোর !—কিন্তু আমার ত্যাগের মহাত্মত কি তবে এই : প্রথম পরীক্ষার সজ্বাতেই চূর্ণ হ'য়ে যাবে ? আমি কি মনুষ্য নই ?

দাশরাজ । তবে তুমি অস্বীকৃত ?

ভীষ্ম । [জাহ্নু পাতিয়া উর্ধ্ব করজোড়ে] স্বর্গে দেবগণ !

এ হৃদয়ে বল দাও । আমি তুচ্ছ নর—

আসক্ত দুর্বল আমি । শক্তিহীন আমি

৩২]

অসহায় । বল দাও দেবগণ ! তবে
 বাসনাবে চূর্ণ কব, নিষ্পেষিত কব
 নির্দয় নিষ্ঠুর ভাবে । সর্ব অহঙ্কার
 দূব কব । সর্বস্বার্থ ভস্ম কবে' দাও ।
 ব্যাপ্ত কব মর্মান্বল গাঢ় অন্ধকারে—
 যাব মধ্যে আলোকেব রেখা নাহি থাকে ।
 শক্তি দাও দেবগণ—

বাজ্ঞী । উন্মাদ ! উন্মাদ !

মন্ত্রী । হস্তিনাব যুববাজ কি করিলে স্থিব ?

ভীষ্ম । [উঠিয়া] মার্জনা করিও এই দৌর্বল্য কণিক,
 দাশবাজ !—মন্ত্রীবব ! করিয়াছি স্থিব ।
 কবিলাম পবিহাব বিবাহ-বাসনা ।

বাজ্ঞী । করিবে না বিবাহ কদাপি ?

ভীষ্ম । করিব না

বিবাহ কদাপি ।

মন্ত্রী । ইহ স্থিব ?

ভীষ্ম । ইহা স্থির ।

ইহকাল পরকাল একসঙ্গে তবে

করিলাম বিসর্জন কর্তব্যেব পদে ।

আজি হ'তে দেবব্রত প্রকৃত সন্ন্যাসী ;

বাসনার নিম্নোকনিম্নুক্ত । সন্দেহের

কালো মেঘ কেটে গেছে । ঝড় থেমে গেছে ।

প্রথম অঙ্ক ।]

ভীষ্ম ।

[ষষ্ঠ দৃশ্য ।

উর্দ্ধে শুধু দেখিতেছি নীলাকাশ স্থির,
চরণে জলধি তার গরজে গস্তীর ।

রাজ্ঞী । করিছ শপথ তবে ?

ভীষ্ম । সাক্ষী দেবগণ !

রাজ্ঞী । আমি বলি নাই মন্ত্রী—উন্মাদ যুবক ।

ভীষ্ম । না উন্মাদ নহি আমি । করিলাম প্রীত
পিতারে করিয়া তুষ্ট সর্ব দেবতায় ।

পিতা ধর্মঃ পিতা স্বর্গঃ পিতা-হি পরমস্তুপঃ ।

পিতরি প্রীতিমাপনৈ প্রীয়ন্তে সর্বদেবতাঃ ॥

ষষ্ঠ দৃশ্য ।

—*—

স্থান—হস্তিনার প্রাসাদ-কক্ষ । , কাল—সন্ধ্যা ।

মহারাজ শান্তনু ও তাঁহার বয়শ্র মাধব ।

শান্তনু । আমার জন্ম দেবব্রত সন্ন্যাসী হ'য়েছে ?

মাধব । তাইত দেখ্ছি !

শান্তনু । আশ্চর্য্য বটে !

মাধব । আশ্চর্য্য বটে !

৩৪]

প্রথম অঙ্ক ।]

ভীষ্ম ।

[ষষ্ঠ দৃশ্য ।

শান্তনু । এত মহৎ পুত্র । পুত্রগর্বে আমার যে বক্ষ স্ফীত হচ্ছে বয়স ।

মাধব । কিন্তু নিজের জন্য গর্ব করবার আর কিছু রৈল না ।

শান্তনু । আমার জন্ত আমার পুত্র ব্রহ্মচারী ?

মাধব । মহারাজ ! এ সত্যপাশ থেকে নিজের পুত্রকে মুক্ত করুন ।

শান্তনু । কিরূপে ?

মাধব । আপনি এই ধীবর-কন্যাকে বিবাহ করবেন না ।

শান্তনু । সে ধর্মচ্যুত হবে ।

মাধব । কেন, সে কিছু আপনাকে মনে মনে পতিত্বে বরণ করে
নাই ।

শান্তনু । দেবব্রত স্কন্ধ হবে ।

মাধব । কিছু হবে না । আপনার এই বৃদ্ধ বয়সে এই যুবতী
সুন্দরী ভার্য্যা নিয়ে আপনি কি করবেন মহারাজ ! তাকে ছেড়ে দেন ।

শান্তনু । কিন্তু এ বৃদ্ধবয়সে আমার একটা স্ত্রী দরকার ত ? অসুখে
বিসুখে আমার পরিচর্যা করে কে ?

মাধব । দাসদাসী আছে ।

শান্তনু । তাদের সেবার স্নেহ নাই ।

মাধব । আর এই স্ত্রীই • আপনাকে স্নেহ করবে মনে ক'রেছেন ?
আপনি বৃদ্ধ, সে শুন্তে পাই ঋষি-বরে অনন্তযৌবনা । এ কলম ষোড়া
লাগবে না ।

শান্তনু । তা কেন হবে না । স্বয়ং মহাদেবের—

মাধব । মহারাজ ! ইচ্ছার অনুকূল বহুযুক্তি চিরদিনই আছে ।
মহারাজ এ বিবাহ করবেন না ! সর্বনাশ হবে ।

[৩৫

প্রথম অঙ্ক ।]

ভীষ্ম ।

[ষষ্ঠ দৃশ্য ।

শান্তনু । বয়শ্চ ! তুমি আমার বিদূষক । মন্ত্রী নও ।

মাধব । ইচ্ছার বিরুদ্ধে মহারাজকে সফল যুক্তি দিতে পারে এ
হেন মন্ত্রী জগতে জন্মায় নি । বিদূষক ত বিদূষক !—মহারাজ, এর জন্য
পরে অনুতাপ ক'র্ত্তে হবে ।

শান্তনু । ক'র্ত্তে হয় করা যাবে ।

মাধব । তবে যান । উচ্ছন্ন যাবার পথ সুপ্রশস্ত, উচ্ছন্ন যান ।

[সরোষে প্রস্থান]

শান্তনু । সুন্দরী ! অপূর্ব সুন্দরী ! তাকে মুঠোর মধ্যে পেয়ে কি
ত্যাগ ক'র্ত্তে পারি ! মাধব ! তুমি নীরস ব্রাহ্মণ । তুমি কি বুঝবে !

ভীষ্মের প্রবেশ ।

শান্তনু । এই যে বৎস ! তুমি আমার জন্য চিরব্রহ্মচর্য্য ব্রত
অবলম্বন ক'রেছো ?

ভীষ্ম । পিতার ইচ্ছায়ই আমার ইচ্ছা ।

শান্তনু । তোমার এই ভীষ্ম প্রতিজ্ঞার জন্য 'দেবতার' তোমায় ভীষ্ম
নাম দিয়েছেন । আর আমিও বৎস ! তোমার অপূর্ব পিতৃভক্তির পুরস্কার
স্বরূপ তোমায় ইচ্ছামৃত্যু বর দিলাম ।

ভীষ্ম । পিতার আশীর্ব্বাদ শিরোধার্য্য ।

শান্তনু । আচ্ছা এখন এসো বৎস ।

[ভীষ্মের প্রস্থান । বিপরীত দিকে চিন্তিত মনে শান্তনুর প্রস্থান ।]

সপ্তম দৃশ্য।

—o:*o—

স্থান—কাশীরাজের প্রমোদ-উদ্যান। কাল—প্রভাত।

কাশী-রাজকন্যা এক তরুতলে তরুকাণ্ডে হেলান দিয়া বসিয়াছিলেন।

অম্বা। আজি এ প্রভাতে শুদ্ধ মনে পড়ে তাঁরে,
এই স্নিগ্ধ বটচ্ছায়ে জাহ্নবীর তীরে,
মুকুলিত প্রকৃতির বসন্ত উৎসবে,
মনে পড়ে তাঁর সেই সৌম্য মুখখানি।
এই কুঞ্জবনে শুদ্ধ নির্জনে, প্রথম
উদিয়াছিলে—হে বিশ্বে সৌন্দর্যের সার,
প্রাতঃ-সূর্যাসম তুমি মম দৃষ্টিপথে।
—গৈরিক বসনে ঢাকা গৌর বরতনু,
—সেই নীল নেত্র দুটি নির্নিমেষে চাহি’
একদৃষ্টি আমার গনন পানে। আমি
চমকিয়া করিলাম জিজ্ঞাসা তাঁহারে
“কে তুমি সন্ন্যাসী?”—সেই, মনে পড়ে তাঁর
নত চক্ষু দুটি, আর সে নম্র উত্তর—
“তোমার রূপের দ্বারে ভিখারী সুন্দরী”।
—কে জানিত তিনি ভাবী ভারত সত্রাট্।

—আশ্চর্য্য ! সন্দেহ কভু হয় নাই মনে !
 সেই কান্ত প্রশান্ত মুরতি ; সৌম্য স্মিত
 বদনমণ্ডল, সেই বিন্মিত প্রেক্ষণ,
 মম্বুর চরণ-ক্ষেপ, সে গম্ভীর স্বর ।
 সে ভঙ্গিমা—যা'র তা'র গৃহে কি সম্ভবে ?
 উদিত কি হয় চন্দ্র কভু ধরাতলে ?

সখীদ্বয়ের প্রবেশ ।

১ সখী । তুমি এখানে বসে' ?

২ সখী । আমরা এদিকে তোমায় খুঁজে খুঁজে হায়রাণ ।

অম্বা । কেন আমায় কি প্রয়োজন ?

১ সখী । খবর আছে ।

অম্বা । কি খবর ?

২ সখী । শুন্লে খুসী হবে ।

অম্বা । তবে বল ।

১ সখী । ব'ল্বো কেন !

২ সখী । আগে কি দেবে বল ।

অম্বা । জিনিষ বুঝে তার দাম হয় ।

১ সখী । তবে বলি ?

২ সখী । বলি ?

অম্বা । বল না ।

১ সখী । খবরটা হ'চ্ছে এই যে তোমার তিনি—

প্রথম অঙ্ক ।]

ভীষ্ম ।

[সপ্তম দৃশ্য ।

২ সখী । চূপ্—আজ এই পর্য্যন্ত । আর বলিস্ না ।

অম্বা । তিনি কে ?

১ সখী । বলি ?

২ সখী । আস্তে ! শুনে সখী মূচ্ছা না যায় ।

অম্বা । কে শুনি ?

১ সখী । তোমার প্রাণেশ্বর !

২ সখী । হস্তিনার যুবরাজ—

১ সখী । এসে আমাদের জিজ্ঞাসা কর্নে—-রাজকন্যা কোথায় ?

২ সখী । আমরা বললাম “বহিরুদ্যানে” ।

১ সখী । তারপর তোমার বল্লভ আমাব পানে .৮য়ে বল্লেন ‘তঁারে
বলগে আমি একবার তঁার সাক্ষাৎ চাই’ ।

২ সখী । তার পর আমরা চলে’ এলাম ।

১ সখী । তবে আর কি ! আমরা এখন মঙ্গলাচরণ করি ?

২ সখী । বেশ কথা ।

উভয়ে গান ধরিল

নৃত্যগীত ।

আইল ঋতুরাজ সজনী, জ্যোৎস্নাময় মধুর রজনী,

বিপিনে কলতান মুরলি উঠিল মধুর বাজি’ ।

মৃদুমন্দহৃৎকপবনশিহরিত তব কুঞ্জভবন,

কুহ কুহ কুহ ললিততানমুখরিত বনরাজি ।

[৩৯

পর সখি পর নীলাশ্বর, পর সখি ফুলমালা ;
 চল সখি চল কুঞ্জে চল, বিরহবিধুরা বালা ।
 করি গে' চল কুম্ভ চয়ন, রচিতগে চল পুষ্পশয়ন,
 ফিরিবে তব নাথ সজনী, হৃদয়ে তব আজি !

অম্বা । ঐ বুঝি ।

১ সখী । ঐ বটে ।

অম্বা । কই ? না ।

২ সখী । কোথায় ?

অম্বা । তবে কার পদধ্বনি ?

১ সখী । কই পদধ্বনি ?

অম্বা । দলিত পত্রের মৃদু নহে কি মর্শ্বর ।

২ সখী । শুনি নাই, সত্য কথা বলি যদি সখি !

অম্বা । উঠিয়াছিল এ বক্ষ দূর দূর করি' ।

১ সখী । সম্ভব ।

২ সখী । সঙ্গত ।

১ সখী । সখি দেখ চেয়ে দেখ

পূরব গগনে হাসে শারদ চন্দ্রমা ।

২ সখী । আজি কি পূর্ণিমা ?

১ সখী । আজি শারদ পূর্ণিমা ।

২ সখী । বহিছে সমীর স্নিগ্ধ ।

প্রথম অঙ্ক ।]

ভীষ্ম ।

[সপ্তম দৃশ্য ।

অম্বা ।

তথাপি শিরায়

তপ্ত রক্ত-স্রোত বহে । অগ্নি সখীগণ—

কোথা তারা ?

১ সখী । প্রয়োজন ?

২ সখী । প্রেমিক প্রেমিকা

সন্মিলনে বন্ধুসঙ্গ ভালো নাহি বাসে ।

১ সখী । ভালো নাহি বাসে শুদ্ধ ? তাহার আপদ

যেন তারা ।

২ সখী । যেন তারা কাড়িয়া লইবে

তাদের স্মৃতির ভাগ ।

২ সখী । চল, যাই চল ।

অম্বা । না না যাইও না সখি !

১ সখী । না না যাইব না,

দেখিব কিরূপে নামে স্নিগ্ধ শতধারে

—শীতল চুম্বন ধারা তৃষিত অধরে ।

২ সখী । কি হবে দেখিয়া যবে আমরা বঞ্চিত ?

[সখীদ্বয়ের প্রস্থান]

অম্বা । কাঁপে পদ কেন ? আমি এত শিশু নহি—

কেন বিকম্পিত বক্ষ আন্দোলিত আজি

ভয়ে ও সংশয়ে ?

অলঙ্কিতে ভীষ্মের প্রবেশ ।

ভীষ্ম । এই যে এখানে ।—দেখি ক্ষণকাল তরে
এ স্বর্ণ প্রতিমা, পরে বিসর্জিব তারে
বিস্মৃতি সলিলে ।—একি অপূর্ব গরিমা !
উষাসম নীলাকাশে নিশ্চেষ্ট নিদাঘে
কিংবা যেন দূরশ্রুত সমুদ্রসঙ্গীত ।
এরে বিসর্জিতে হবে !—স্বর্গে দেবগণ !
এ হৃদয়ে বল দাও । সন্দেহে দ্বিধায়
কম্পিত ব্যাকুল চিত্ত শান্ত কর আজি ।
লয়ে যাও দেবগণ আমারে অক্ষত
এই অগ্নি পরীক্ষার মধ্য দিয়া তবে ।
চূর্ণ কর অহঙ্কার । নিষ্পেশিত কর
প্রলোভন । ‘প্রতিকূল সর্ব প্রবৃত্তির
কণ্ঠ রোধ কর আসি’—

[অশ্বার নিকটে গিয়া নিম্নস্বরে]

—দেবি ! আসিয়াছি

তোমার নিকটে আজি ।

অশ্বা । এস দেবব্রত !

এই স্থানে এতক্ষণ তোমারি অপেক্ষা
করিতেছিলাম আমি । এস প্রিয়তম !

ভীষ্ম । দেবি ! আসিয়াছে আজি তব সন্নিধানে
ভিখারী তোমার—

ভীষ্ম । দেবি ! ভুলে যাও আজি
 'সেই দেবব্রতে—নত চরণে তোমার,
 প্রেমের সন্ন্যাসী তব, উদ্গ্রীব, আতুর,
 সশঙ্ক, কল্পিতবক্ষ বিগুঞ্চ-অধর ;
 ভুলে যাও সেই দেবব্রতে, ছিল যেই
 রূপের মন্দিরে দেবী উপাসক তব,
 ক্ষুধিত তৃষিত তপ্ত প্রেমিক তোমার ;
 ছিল স্বার্থ ধর্ম যা'র, কৃষ্ণ রাহু সম,
 জ্বালাময় বহ্নিসম, অন্ধ ঝঙ্কাসম ;—
 সেই দেবব্রতে—আজি ভুলে যাও দেবী ।
 আর চেয়ে দেখ আজ পরিবর্তে তা'র
 নূতন সন্ন্যাসী দেবব্রতে—ধর্ম যা'র
 ত্যাগ, কার্য যা'র চিরজীবন সাধনা,
 ব্রত যা'র শুধু চিরজীবনসন্ন্যাস ;
 যা'র প্রেম বাসনায় নহে উদ্বেলিত,
 কামনায় উগ্র নয়, স্বার্থে অন্ধ নয়,
 কামে অপবিত্র নয়, সুখ লালসায়
 তীব্র নয় ; যেই প্রেম উন্মুক্ত উদার
 —আকাশের মত ব্যাপ্ত, সমুদ্রের মত
 স্বচ্ছ ; ধরণীর মত সহিষ্ণু ; ভাস্বর
 প্রভাত ভানুর মত ; শান্ত নিরপেক্ষ
 মাতার স্নেহের মত—স্বচ্ছ অব্যাহত ।

না উঠিতে থেমে গেছে ; চরণের তলে
একটি সোনার স্বপ্ন ভেঙ্গে প'ড়ে আছে ।

অম্বা । কেন ? কেন প্রিয়তম ?

ভীষ্ম । তোমার আমার
মধ্যে প্রস্থাসিছে এক অনল উদধি—

অম্বা । কেন ? বল ! বল !

ভীষ্ম । আমি ধরিয়াছি ব্রত
—চির ব্রহ্মচর্য্য ব্রত—ভগিনী আমার ।

অম্বা । কি হেতু ?

ভীষ্ম । পিতার মম তুষ্টির কারণে
সত্যপাশ বদ্ধ আমি । ইহজন্মে আর
বিবাহ করিতে মম নাহি অধিকার—

অম্বা । নিষ্ঠুর ! নিষ্ঠুর ! আর ভালো নাহি বাসো,
তাই বল, যাহা সত্য কথা ।

ভীষ্ম । ভালোবাসি ।
বড় ভালোবাসি । নিজের প্রাণের চেয়ে.
ভালোবাসি । কিন্তু নহে কর্তব্যের চেয়ে ।
—ভগিনী বিদায় দাও আজি ।

অম্বা । দেবব্রত ! [ক্রন্দন]

ভীষ্ম । ভাসায়ে দিওনা দেবী, কর্তব্য আমার,
তোমার নয়নজলে । ভাসাইয়ে দাও
চির জীবনের শাস্তি । ভাসাইয়া দাও

প্রথম অঙ্ক ।]

ভীষ্ম ।

[সপ্তম দৃশ্য ।

অতীতের সুখস্মৃতি । ভাসাইয়া দাও
ইহকাল পরকাল তব অশ্রুজলে ।
ভাসায়ে দিও না শুদ্ধ প্রতিজ্ঞা আমার ।
—সমুদ্রেব জলোচ্ছ্বাসে সব ভেঙ্গে চূরে
ডুবে ভেসে যাক, শুধু পর্বতের মত
দাঁড়ায়ে থাকুক গর্বে কর্তব্য আমার ।
—তবে আজি প্রাণাধিকা ভগিনী আমার,
আমারে বিদায় দাও ।

অম্বা । —না না—যাইওনা !

ভীষ্ম । দেবব্রত ! দৃঢ় হও !—ভগিনী—বিদায় ।

অম্বা । যাইও না প্রিয়তম !

ভীষ্ম । গাঢ় অন্ধকার
ছেয়ে আসে সৃষ্টি ।—কিছু দেখিতে পাই না !
—কর্তব্য দেখাও পথ । এই ঝটিকায়
যেন নাহি নিভে যায় আলোক তোমার ।
—পালাও পালাও দেবব্রত ।—দেবি ! তবে
এই শেষ দেখা !

অম্বা । যাইও না ! যাইও না !

ভীষ্ম । বিদায় ভগিনী তবে ।

অম্বা । অনুন্নয় করি !

ভীষ্ম । বিদায় ভগিনী—

অম্বা । •ধরি চরণে তোমার—

[৪৭

প্রথম অঙ্ক ।]

ভীষ্ম ।

[সপ্তম দৃশ্য

ভীষ্ম । বিদায়—

অম্বা । হৃদয়েশ্বর আমার ! [আলিঙ্গন করিতে অগ্রসর হইলেন]

ভীষ্ম । বিদায় ।

[প্রস্থান]

[অম্বা মূচ্ছিত হইয়া পড়িয়া গেলেন]

দ্বিতীয় অঙ্ক ।

প্রথম দৃশ্য ।

স্থান—শান্তনুর শয়ন-কক্ষ । কাল—রাত্রি ।

শান্তনু আসীন ও সত্যবতী দণ্ডায়মানা ।

শান্তনু । বিংশতি বৎসর ধরি' ক'রেছি সন্তোষ,
তথাপি তয় নি তৃপ্তি । বিংশতি বৎসর
অবারিত ঢালি' গম তৃষিত নয়নে
দিয়াছ যৌবন সুধা ; পূর্ণপাত্র তবু ।

সত্যবতী । মুমূর্ষু! মিটেনি তৃষ্ণা ? পান কর তবে,
পান কর আমরণ—আর কয় দিন !

শান্তনু । সত্য কহিয়াছ প্রিয়ে, আর কয় দিন !
দিনে দিনে দ্রুততর গড়াইয়া যাই ;
বুঝিতেছি সন্নিকট জীবন গহ্বর-
তলদেশ ! আর কয়দিন ! সত্য কথা
বলিয়াছ সত্যবতী ! আর কয়দিন !

সত্যবতী । যেই কর দিন বাঁচ, সুখে পান কর ।

শান্তনু । সুখে ? সুখে নয় প্রিয়ে । সৌন্দর্য্য তোমার
নহে সে অমৃত, তাহা সুতীব্র মদিরা !

সত্যবতী । তবে পান কর কেন ?

শান্তনু । অভ্যাস, সুন্দরী !

লোকে সুরা পান করে, কেন প্রিয়তমে ?

এই দেখ 'প্রিয়তমে' এই সম্বোধন

তোমাতে যে করিতেছি, তাহাও অভ্যাস ।

সত্যবতী । কে চাহে তোমার এই প্রেম সম্বোধন ?

শান্তনু । চাহ না তা জানি প্রিয়ে, তথাপি—অভ্যাস ।

ঐ অপরূপ রূপ অনন্ত যৌবন,—

জানি সে গরল, আমি তবু পান করি ।

ঐ দেহখানি, জানি সে আমার নহে,

তথাপি চাপিয়া ধরি ব্যগ্র আলিঙ্গনে

—ঐ এক প্রাণহীন পাষণপ্রতিমা ।

সত্যবতী । বৃথা নিন্দ মহারাজ ! কঠিন নিশ্চয়

তোমরা পুরুষ । যদি দেখ কোন খানে

সুন্দরী রমণী, অন্ধ লালসার বশে

ধেয়ে আস তার পানে ; ছিনিয়া তাহারে

আনো মাতৃবন্ধ হ'তে, আর আশা কর,

যার প্রতি কর তুমি কাম দৃষ্টিপাত,

তোমাতে তাহার ভালোবাসিতে হইবে,

—এমন সুন্দর তুমি, হেন গুণবান,
এত শ্রেয় প্রেয় তুমি!—যেন রমণীর
নাহিক হৃদয়, ইচ্ছা, প্রবৃত্তি স্বাধীন ;
যেন নারী ক্রীতদাসী চরণে তোমার ।
নারী—সে ‘রমণী’, নারী ‘কামিনী’ তোমার ;
বিনিময়ে সে তোমার ‘ভার্য্যা’ শুধু, প্রভু ।

—করিয়াছ ক্রয় তুমি শরীর আমার,
অর্থবলে । কিন্তু ক্রয় কর নি হৃদয় ।

শাস্ত্র । জানিতাম আমি, পতি পত্নীর মিলন
পূর্বজন্মসিদ্ধ ; নহে গঠিত কাহার ।
—ইহা শাস্ত্র ।

সত্যবতী । শতাধিক পত্নী তব পদে
বাখিয়াছ বাধি’ তবে পূর্ব জন্ম হ’তে ?
মহারাজ, ইহজন্ম পাপহেতু যদি
লহ পশুজন্ম, তবু শত পত্নী তব ?
লহ যদি তরুজন্ম ?—না না মহারাজ !
জন্ম জন্ম পুরুষের ক্রীতদাসী করে’
গঠেন নি নারীজাতি—বিধাতা নিশ্চয় ।
শাস্ত্র ? কাহার গঠিত শাস্ত্র মহারাজ ?
পুরুষ গ’ড়েছে শাস্ত্র পুরুষের সুখ,
পুরুষের সুবিধা, স্বচ্ছন্দ, শান্তিহেতু ।
যদি এই শাস্ত্রকার হইত রমণী,

অপ্তরূপ হইত এ শাস্ত্রের বিধান ।
 ক্রীত এই দেহ ল'য়ে তুষ্টি রহ তুমি ;
 এ হৃদয় পাও নাই, পাইবে না কভু ।

শান্তনু । জানি প্রিয়ে, করিয়াছি তাহা অনুভব
 বিমুখ অধরে তব, হিম দৃষ্টিপাতে,
 অবশ জীবনহীন শ্লথ আলিঙ্গনে ।

জানি আমি ।—হায় যদি পূর্বে জানিতাম !

সত্যবতী । জানিতে প্রয়াস কভু ক'রেছিলে প্রভু !

মত্ত অহঙ্কারে, অন্ধ বাসনায়, তুমি
 জিজ্ঞাসাও কর নাই কখন কাহাবে
 কে আমি ? স্বভাবে মম কি অভাব আছে ?

কাহারে দিয়াছি পূর্বে এ হৃদয় কিনা ?

পরভুক্তা কিনা আমি ?—যেই দেখিয়াছ

এই অপরূপ রূপ, যৌবনতরঙ্গ

অঙ্গে অঙ্গে উছলিছে—আর রক্ষা নাই !

উন্মত্ত, অধীর, অন্ধ কামে জর জর ;—

এই ত পুরুষ । ধিক্—শত ধিক্ তারে ।

শান্তনু । সত্য বলিয়াছ সত্যবতী, তিক্ত যদি,

কি করিব প্রিয়তমে !—রোগীর ঔষধ

স্বাদু হয় কদাচিৎ । রূপ ক্রয় করা যায়

অর্থবলে,—প্রেম ক্রয় করা নাহি যায় ।

তোমার অগ্ৰায় নহে, অগ্ৰায় আমারি ।

দ্বিতীয় অঙ্ক ।]

ভীষ্ম ।

[প্রথম দৃশ্য ।

সত্যবতী । বুঝিয়াছ এতদিনে ?

শান্তনু । করিয়াছি ভ্রম ।

সত্যবতী । করিতেছ ফল ভোগ । আমি কি করিব !

আমায় গঞ্জনা বৃথা ।

শান্তনু । [অন্তমনে] যদি জানিতাম—

সত্যবতী । ‘যদি জানিতাম,’ তার চেয়ে সমধিক

এই দুঃখ, এখনো জান না কিছু ।

শান্তনু । জানি ।

সত্যবতী । কিছুই জানো না । ধীবরের কণ্ঠা আমি,

রূপবতী অপরূপ অনন্তযৌবনা,

বিদূষী ঋষিব বরে, এই মাত্র জানো ।

ধরিয়াছি গর্ভে মম তোমার ঔরসে

দুই পুত্র সুকুমার, এই মাত্র জানো ।

জানো কি আমার পূর্ব গাঢ় ইতিহাস ?

জানিতে সে কথা যদি, অগ্নির শিখায়

নিষ্কিপ্ত পত্রের মত বিশীর্ণ কুঞ্চিত

দগ্ধ কৃষ্ণবর্ণ হায়ে যেতে—

শান্তনু । সে কি প্রিয়ে !

কি সে পূর্ব ইতিহাস ?

সত্যবতী । জানিও না । কভু

চাহিও না জানিতে !—যে কয় দিন বাঁচ,

রহ অন্ধকারে । বৃদ্ধ ভূমি । জানিও না ।

[৫৩

শাস্ত্রনু । হউক, জানিব ।

সত্যবতী । —না না বলিতে পারি না ।

উচ্চারিতে সেই বাণী তব সন্নিকটে
যাই যদি মহারাজ, জিহ্বা নড়ে নাক ;
কহে যদি জিহ্বা, ভয়ে বিবর্ণ অধর
দ্রুত আসি সে বাক্যের কণ্ঠরোধ করে ;
চক্ষে অন্ধকার দেখি, শুনিতে পাই না
বিশ্বে আর কিছু, এক আর্তনাদ বিনা ।
ক্ষান্ত হও মহারাজ ! সেই উচ্চারণে
পুত্রকুল উঠিবে করিয়া আর্তনাদ,
মাতৃকুল একসঙ্গে উঠিবে কাঁপিয়া ।

[দ্রুত প্রস্থান]

শাস্ত্রনু । কি সে গাঢ় ইতিহাস ! এ গূঢ় সঙ্কেত—

তার চেয়ে ছিল ভালো সরল প্রচার ।

—কি ভীষণ স্নেহহীন সুন্দরী রমণী !

প্রলয় আনিতে পারে, পলকে সংসারে ।

চিত্রাঙ্গদ ও বিচিত্রবীর্যের প্রবেশ ।

উভয়ে । বাবা বাবা !—আজ—

শাস্ত্রনু । যাও, ত্যক্ত করিও না ।

[উভয়ের প্রস্থান]

শাস্ত্রনু । ইহারা কি !—ইহারা কি আমার সন্তান ?

—এ কি এক কুস্মাটিকা সৃষ্টি ছেয়ে আসে ।

অর বাত বিস্ফটিকা যক্ষ্মা ভয়ঙ্করী,
 আছে যাহা নিত্য এক মৃত্যুসৈন্তসম
 মানুষের স্বাস্থ্যদুর্গ অবরোধ করি' ।
 কিন্তু অত্র বহুবিধ ব্যাধি বাস করে
 নরদেহে, যার নাম আয়ুর্ক্বেদে নাই,
 যাহার চিকিৎসা নাই, যাহা ক্ষয় করে
 ধীরে জীবনের ভিত্তি গোপনে নিভূতে,
 যাহা টানে দীর্ঘরেখা মঙ্গল ললাটে,
 অপাঙ্গে অঙ্কিত করে প্রগাঢ় কালিমা ।
 যাক্ সেই সব কথা ।—শোন তুমি, শুধু
 আমার বয়স্ক নহ—

মাধব । আমি বিদূষক ।

শান্তনু । কর ব্যঙ্গ যত পারো, কর কুবচন,
 আনত করিয়া শির লইব ভৎসনা ।
 —এখন মাধব ! আমি করি এ মিনতি—
 আমার মৃত্যুর পরে, শিশু পুত্রদ্বয়ে
 দেখিও—না কহিও না কথা ! শোন আর—
 দেবব্রতে ডেকে দাও নিকটে আমার ।
 —কোন কথা নহে বন্ধু ! আর এক দিন ।
 কথা শুনিবার নহে অবস্থা আমার ।
 —যাও বন্ধু !

[মাধবের প্রস্থান]

দ্বিতীয় অঙ্ক ।]

ভীষ্ম ।

[প্রথম দৃশ্য ।

শান্তনু । স্বীয় পুত্রে করিয়া সন্ন্যাসী
পিতার সম্ভোগ—একি—হেন অত্যাচার,
স্বেচ্ছাচার, প্রকৃতি কি নয় ? ঘুচিয়াছে
শৃঙ্খলার ব্যতিক্রম । পাইয়াছে ফিরে
প্রকৃতি আপন দুর্গ ।

শাব্বের প্রবেশ ।

শান্তনু । সৌভ-নরপতি ?

শাব্ব । মহারাজ !—

শান্তনু । কথা কহিও না । আর—আর—
সুস্থ সৌভ-নরপতি ?

শাব্ব । আমি ?—সুস্থ আমি ।

শান্তনু । প্রীত সৌভরাজ ?

শাব্ব । প্রীত !

শান্তনু । অতিথি-সংকার

হইয়াছে ষথোচিত তব ?

শাব্ব । বিলক্ষণ !

শান্তনু । বিলক্ষণ করিয়াছ তার প্রতিদান
সৌভরাজ ! বিনিময়ে এক ভিক্ষা চাহি ।

শাব্ব । কি শান্তনু ?

শান্তনু । দূর হও আমার সম্মুখ হ'তে ।

আর আসিও না । যাও, যাও সৌভপতি !

[শাব্বের প্রস্থান]

শান্তনু । সমুচিত হইয়াছে । ভোগলালসার
পাইয়াছি শান্তি সমুচিত । দুঃখ নাই
সন্তানে বঞ্চিত করি'—কোন দুঃখ নাই ;
—না না কোন দুঃখ নাই ।—ভগবান্ ! তুমি
আছ । অতি চমৎকার নিয়ম তোমার ।
পিতার কর্তব্য নিজস্বথবিসর্জন
পুল্লেব কল্যাণকামনায় । আর আমি
সন্তানের সুখ—[রুদ্ধস্বরে] না না কোন দুঃখ নাই ।

ভীষ্মের প্রবেশ ও প্রণাম ।

শান্তনু । আসিয়াছ দেবব্রত ?

ভীষ্ম । আসিয়াছি তাত ।

শরীর কিরূপ আছে ?

শান্তনু । সুস্থ দেবব্রত ।

তোমার নিকটে, বৎস, এক ভিক্ষা আছে ।

দিবে দেবব্রত ?

ভীষ্ম । সে কি ! পিতার আজ্ঞায়

প্রাণ দিতে পারি আমি—

শান্তনু । জানি প্রিয়তম ।

তবে শুন—মরিবার পূর্বে, প্রাণাধিক,

এক অনুরোধ করে' যাই দেবব্রত,

একমাত্র অনুরোধ—বিবাহ করিও ।

দ্বিতীয় অঙ্ক ।]

ভীষ্ম ।

[দ্বিতীয় দৃশ্য ।

ইহকাল দিয়াছ ত জলে বিসর্জন,
পরকাল রক্ষা কর ।—না না দেবব্রত,
শুনিতে চাহি না আমি কোন প্রতিবাদ—
বিবাহ করিও । আর—বলিব কি বৎস !

• আমার মৃত্যুর পরে মার্জনা করিও ।

ভীষ্ম । সে কি পিতা !

শান্তনু । না না কোন প্রতিবাদ নহে ।

ভেঙ্গে যাবে, ভেঙ্গে যাবে, বুক ভেঙ্গে যাবে ।

যাও দেবব্রত যাও—যাও প্রাণাধিক—

আর এক কথা—বৎস—যতদূর পারো,

আমার মৃত্যুর পরে—পারো যতদূর—

আমারে সদয় ভাবে করিও বিচার ।

—যাও । ঘুমাইব আমি । রুদ্ধ কর দ্বার ।

[কাতরোক্তি করিয়া গুইয়া পড়িলেন ।]

দ্বিতীয় দৃশ্য ।

—*~*~*—

স্থান—হস্তিনার রাজপ্রাসাদের একটা ক্ষুদ্র কক্ষের প্রাঙ্গণ ।

কাল—প্রভাত । দাশরাজ ও তাঁহার মন্ত্রী ।

দাশরাজ । জামাই বাড়ী এলাম, তা কৈ কেউ বড় একটা খোঁজ খবর
নিচ্ছে না ।—নিচ্ছে মন্ত্রী ?

[৫৯

দ্বিতীয় অঙ্ক ।]

ভীষ্ম ।

[দ্বিতীয় দৃশ্য ।

মন্ত্রী । কৈ ?

দাশরাজ । অথচ আমি একটি রাজা ।

মন্ত্রী । এ রাজবাড়ীর কেউ সেটা বড় একটা স্বীকার কচ্ছে না ।

দাশরাজ । স্বীকার কর্তেই হবে । তার উপরে আমার নাড়িঃ
পরে এ রাজ্যের রাজা হবে । হবে না মন্ত্রী ?

মন্ত্রী । তা ত হবে ।

দাশরাজ । কিন্তু সে কথা কেউ বড় একটা মান্ছে না ।

মন্ত্রী । কৈ আর মান্ছে !

দাশরাজ । কথাটা উড়িয়ে দেবার চেষ্টায় আছে ।

মন্ত্রী । তাইত দেখ্ছি ।

দাশরাজ । কিন্তু তা হ'চ্ছে না । আমি এবাব দাবী করে'
ব'স্বো ।

মন্ত্রী । মান্লে ত ।

দাশরাজ । মান্বে না ? আমি মহারাজার স্বশুর । এ কথা
মান্বে না ?

মন্ত্রী । মান্ছে কৈ ?

দাশরাজ । মান্ছে না বুঝি ?

মন্ত্রী । আজ্ঞে, মোটেই না ।

দাশরাজ । কেন ? এ ত খুব সোজা কথা । মহারাজ আমার
মেয়েকে বিয়ে ক'রেছেন—এতে স্বশুর হয় না ত কি হয় ? এ ত
সোজা কথা ।

মন্ত্রী । অত্যন্ত সোজা ।

৬০]

দ্বিতীয় অঙ্ক ।]

ভীষ্ম ।

[দ্বিতীয় দৃশ্য ।

দাশরাজ । কিন্তু এটা বুঝতে এদের এত সময় লাগছে ?

মন্ত্রী । বড্ড বেশী সময় লাগছে মহারাজ ।

দাশরাজ । হুঁ [গৌফে তা দিতে লাগিলেন] কিন্তু, কেমন সেজেছি

মন্ত্রী !—চেহারাখানা ভদ্র লোকের মত করে' তুলেছি কি না ?

সানুচর বালক বিচিত্রবীর্যের প্রবেশ ।

দাশরাজ । এই যে । এই যে আমার নাতি । এসো ভাই ।

বিচিত্রবীর্য । [অনুচরকে] এ কে ?

অনুচর । ও এক বর্ষর !

দাশরাজ । [সক্রোধে] কি ?—'বর্ষর' ?

অনুচর । চলে' এসো রাজকুমার !

[সানুচর বিচিত্রবীর্যের প্রস্থান]

দাশরাজ । [সাশ্চর্য্যে]—এঁগা ! চিনে ফেলেছে । মন্ত্রী ! ঠিক চিনেছ ত । এত সাজসজ্জা করান । সব রুথা !

মন্ত্রী । মহারাজ বড় সুবিধা বোধ হ'চ্ছে না ।

দাশরাজ । হ'চ্ছে না না'কি !

মন্ত্রী । সরে' পড়ুন মহারাজ, সময় থাকতে সরে' পড়ুন ।

দাশরাজ । এঁগা ! এঁগা ! সরে' পড়বো ! সরে' পড়বো কেন ?

মন্ত্রী । নৈলে গলাধাক্কা দিয়ে বের করে' দেবে ।

দাশরাজ । এঁগা ! এঁগা ! গলাধাক্কা ! গলাধাক্কা ! বল কি ?

মন্ত্রী । যে স্ত্রীর ভয়ে বিনা নিমন্ত্রণে জামাই বাড়ী পালিয়ে আসে
তাব অভ্যর্থনা জামাই বাড়ীতে এই রকমই হ'য়ে থাকে মহারাজ ।

[৬১

দ্বিতীয় অঙ্ক ।]

ভীষ্ম ।

[দ্বিতীয় দৃশ্য ।

দাশরাজ । তার বুঝি এই রকম অভ্যর্থনা হয় ?

মন্ত্রী । আমি ত তাই বরাবর দেখে আসছি ।

দাশরাজ । তাই দেখে আসছি নাকি ?

মন্ত্রী । গতক বড় ভালো বুঝছি না । মহারাজ ! সরে' পড়ুন !

দাশরাজ । আমি যাবো না । আমি রাজার স্বপুত্র । আমায় জার্মা

দিতে তা'রা বাধ্য ।

মন্ত্রী । তা এরা দিয়েছে—এই আস্তাবলে ।

দাশরাজ । কি ! আস্তাবল ! কি বললে মন্ত্রী ? এটা কি আস্তাবল ?

মন্ত্রী । আজ্ঞে হাঁ আস্তাবল ?

দাশরাজ । আস্তাবল ?

মন্ত্রী । আস্তাবল ।

দাশরাজ । মন্ত্রী, তুমি শুস্তে ভুলেছ । আমি রাজা । আমি রাজার স্বপুত্র । এখন কিনা আমার বাসের জগ্ন—

মন্ত্রী । আস্তাবল ।

সানুচর ও সপার্বচর চিত্রাঙ্গদের প্রবেশ ।

দাশরাজ । এই ত আমার বড় নাতি ?

অনুচর । তোমার নাতি !

মন্ত্রী । বলি, এই ত মহারাজ শাস্ত্রমুর বড় ছেলে ?

অনুচর । হাঁ, তাই কি ?

দাশরাজ । তা হ'লেই ত আমার নাতি হোল ।

অনুচর । তোমার নাতি !—হাঃ হাঃ হাঃ হোঃ হোঃ হোঃ ।

৬২]

দ্বিতীয় অঙ্ক ।]

ভীষ্ম ।

[দ্বিতীয় দৃশ্য ।

দাশরাজ । হাসো কেন ?—মন্ত্রী ?

মন্ত্রী । আজ্ঞে মহারাজ ! আমিও সেটা ঠিক বুঝতে পারছি না—
তোমাদের রাজা কে ?

দাশরাজ । হাঁ রাজা কে ?

অনুচর ।, মহারাজ শান্তনু ।

দাশরাজ । আমি তাঁরই স্বশুর ।

অনুচর পুনরায় অটুহাস্য করিল ।

চিত্রাঙ্গদ । [অনুচরকে] কে এ ?

অনুচর । এক উন্মাদ ।

চিত্রাঙ্গদ । রাজবাড়ীতে উন্মাদ কেন ? তাড়িয়ে দাও ।

দাশরাজ । কি ! তাড়িয়ে দেবে কি রকম !

চিত্রাঙ্গদ । [পার্শ্বচরকে] তাড়িয়ে দাও ।

[সানুচর প্রস্থান]

দাশরাজ । কি রকম !—মন্ত্রী ।

পার্শ্বচর । বেরিয়ে যাও ।

দাশরাজ । বেরিয়ে যাবো কেন ? আমি মহারাজের স্বশুর ।
রাজা কোথায় ?

পার্শ্বচর । বেরিয়ে যাও । নৈলে গলাধাক্কা দিয়ে বের কোরে দেবো ।

দাশরাজ । কি ?—আমি রাজার স্বশুর । আমার গলাধাক্কা !
[ধনুকে তীর সংযোজনা করিয়া] যুদ্ধ কর্ব, যুদ্ধ কর্ব ।

পার্শ্বচর । আরে ! [তরবারি নিষ্কাশিত করিল]

দাশরাজ । ও বাবা । [পিছাইল]

[৬৩

পার্শ্বচর । বেরিয়ে যাও [গলদেশ ধারণ]

দাশরাজ । এই যাচ্ছি ।

মাধবের প্রবেশ ।

মাধব । এই ! এই ! কচ্ছ' কি ! কচ্ছ' কি !

পার্শ্বচর । বের করে' দিচ্ছি ।

মাধব । কেন ?

পার্শ্বচর । রাজকুমারের হুকুম ।

মাধব । না না কচ্ছ' কি ।—ইনি যে মহারাজের স্বশুর ।

পার্শ্বচর । সে কি ! আমি ভেবেছিলাম এক উন্মাদ ।

মাধব । উন্মাদ হ'লে কি স্বশুর হয় না ! আত্মন মহাশয় । কিছু মনে কর্কেন না ।

দাশরাজ । মনে কর্কেনা ? খুব কর্ক । আমার অপমান ! আমি যুদ্ধ কর্ক । আমি রাজা তা জানো !—মন্ত্রী ?

মন্ত্রী । মহারাজ চেপে যান । চেপে যান ।

দাশরাজ । হ্যাঁ ! চেপে যাবো না কি ? চেপে যাবো না কি ?

[মন্ত্রী সঙ্কেত করিলেন ।]

দাশরাজ । আচ্ছা এবার ক্ষমা কর্লাম । এখন রাজা কোথায় ?

মাধব । তিনি অত্যন্ত পীড়িত । কারো সঙ্গে সাক্ষাৎ কর্কার অবস্থা তাঁর নয় ।

দাশরাজ । কিন্তু তাই বলে' রাজার স্বশুর আমি—আমার থাক্বার জায়গা হ'য়েছে এক ঘোড়ার আস্তাবল ?

দ্বিতীয় অঙ্ক ।]

ভীষ্ম ।

[দ্বিতীয় দৃশ্য ।

মাধব । ভুল হ'য়ে গিয়েছে । আপনার থাকবার জায়গা আমি ঠিক করে' রেখেছি । আসুন ।

দাশরাজ । কোথায় ?

মাধব । পাগলা গারদ ।

দাশরাজ । পাগলা গারদ কি রকম !

মাধব । এই দেখুন আপনি আর রাজার নূতন মৃগয়ার ঘোড়া এক সঙ্গেই রাজদ্বারে এসে উপস্থিত হ'ল । আমি হুকুম দিলাম যে তা'রা আপনাকে পাগলা গারদে, আর ঘোড়াটাকে আস্তাবলে রাখুক । তা এরা ভুলক্রমে আপনাকে আস্তাবলে পূরে ঘোড়াটাকে পাগলা গারদে রেখে এসেছে ।—সৈনিক, একে পাগলা গারদে রেখে এসো ।

দাশরাজ । কি আমাকে ?

মাধব । [পার্শ্বচরকে] নিয়ে যাও ।

[প্রস্থান]

মন্ত্রী । চলুন মহারাজ, দ্বিরুক্তি করবেন না ।

দাশরাজ । কেন ?

মন্ত্রী । বড় সুবিধে নয়—

দাশরাজ । 'নয় না কি !

দাশরাজ্ঞীর প্রবেশ ।

দাশরাজ্ঞী । এই যে !

দাশরাজ । ও বাবা ! [কম্পিত]

দাশরাজ্ঞী । এখানে পালিয়ে এসেছ পোড়ারমুখো ? যা ভেবেছি তাই ! এসো বাড়ী এসো ।

দ্বিতীয় অঙ্ক ।]

ভীষ্ম ।

[তৃতীয় দৃশ্য ।

দাশরাজ । আমি যাবো না । কেন যাবো !—মন্ত্রী !

মন্ত্রী । মহারাজ ! বাড়ি ফিরে চলুন । আর বিরক্তি করবেন না ।

এখানকার অভ্যর্থনার সরঞ্জাম দেখছেন ত !

দাশরাজ । তা হোক । কিন্তু আমি বাড়ি ফিরে যাবো না ।

দাশরাজ্ঞী । যাবে না বটে ! [কর্ণধারণ]

দাশরাজ । না না চল যাচ্ছি ।

দাশরাজ্ঞী । চল ।

[নিষ্ক্রান্ত]

তৃতীয় দৃশ্য ।

—••*••—

স্থান—হস্তিনার রাজ-অন্তঃপুর ; প্রাসাদমঞ্চ । কাল—রাত্রি ।

চিন্তিতভাবে ভীষ্ম পাদচারণ করিতেছিলেন ।

ভীষ্ম । এই কয় দিন ধরি' আকাশ অবনী

নানা অমঙ্গল চিহ্নে করিছে সূচনা

ভাবী কোন্ অকল্যাণ । নিত্য ধূমকেতু

অগ্নিকোণে দেখা যায় ; শিবা ডেকে ওঠে

দীপ্ত দিবা দ্বিপ্রহরে । বসি' গৃহচূড়ে

চীৎকারে বায়সকুল । কয়দিন ধরি'

দ্বিতীয় অঙ্ক ।]

ভীষ্ম ।

[তৃতীয় দৃশ্য ।

শয়ান, কাতর, রোগশয্যায় ভূপতি ।
জানি না কি ঘটে ।—জগদীশ রক্ষা কর
পিতায় ; আমার প্রাণ লও বিনিময়ে ।

[প্রস্থান]

চিত্রাঙ্গদ ও বিচিত্রবীৰ্য্যের প্রবেশ ।

চিত্রাঙ্গদ । কৈ দাদা ?

বিচিত্র । এইখানেই ত ছিলেন ।

চিত্রাঙ্গদ । তবে বোধ হয় তিনি বাবার ঘরে । তিনি ত অষ্টপ্রহরই
বাবার শিওরে বসে' আছেন ।

বিচিত্র । মাঝে মাঝে এইখানে আসেন ।

চিত্রাঙ্গদ । এ কয়দিন তিনি অত্যন্ত চিন্তিত ।

বিচিত্র । আমাদের আর তেমন আদর করেন না ।

চিত্রাঙ্গদ । তাঁর সময় কোথায় !

বিচিত্র । তুমি দাদাকে ভালোবাসো ?

চিত্রাঙ্গদ । বাসি ।

বিচিত্র । খুব ?

চিত্রাঙ্গদ । খুব ।

বিচিত্র । আমার মত ?

চিত্রাঙ্গদ ।, তোর চেয়েও ।

বিচিত্র । ঈস্ ! তা আর হ'তে হয় না ।

চিত্রাঙ্গদ । চল, তিনি কোথায় গেলেন দেখি ।

[নিষ্ক্রান্ত]

[৬৭

চিন্তিতা সত্যবতীর প্রবেশ ।

সত্যবতী । বর বটে ঋষিবর । অনন্ত যৌবন
 বার্কক্যের গোশালায় বদ্ধ আমরণ ।
 অথবা মহর্ষি, তাহে তুমি কি করিবে ?
 লইয়াছিলাম বাছি' আমি এই বর—
 বিলাসিনী মৃত্তা আমি । ভাবিয়াছিলাম
 “অনন্ত যৌবন”—অর্থ—“অনন্ত সন্তোগ” ।
 এই বর—যাহা যুগতৃষ্ণিকার মত
 উন্মেষিত করে মম সন্তোগবাসনা,
 তথাপি কদাপি তৃপ্ত করে না তাহারে ;
 যাহা নিয়তির মত লেপিয়া ললাটে
 ক'রেছে আমারে দাস ; আছে নিত্য মোর
 ব্যাধিকীটাণুর মত মিশিয়া শোণিতে ।
 —কি করিলে ঋষিবর ! বর ফিরে লও,
 অথবা আমারে কর স্বতন্ত্র স্বাধীন ।

মাধবের প্রবেশ ।

মাধব । তাহাই হোক নারী । এইক্ষণ হু'তে
 স্বতন্ত্র স্বাধীন তুমি । অনন্ত যৌবন
 ভোগ কর নিরাপদে । মৃত মহারাজ ।

সত্যবতী । সে কি ! মৃত মহারাজ ?

মাধব । মৃত মহারাজ ।

এখন সন্তোগ কর অনন্ত যৌবন ।—

দ্বিতীয় অঙ্ক ।]

ভীষ্ম ।

[তৃতীয় দৃশ্য

সর্বৈব আপদ্ শাস্তি—ভাবিতেছ নাকি
পতিহত্নী ?

সত্যবতী । আমি ?

মাধব । তুমি ।

সত্যবতী । পতিহত্নী আমি ?

মাধব । স্বহস্তে ছুরিকাঘাত করা পৃষ্ঠদেশে,
বিষাক্ত মদিরা ধরা সরল অধরে—
শুধু এক তাহাকেই হত্যা বলে নাক ।
ছুরি চেয়ে তীক্ষ্ণ মর্মে নিশ্চয়তা বাজে,
সর্প হতে ভয়ঙ্করী কৃতঘ্নতা আসি'
তির্য্যকনিঃশব্দগতি—করে সে দংশন ।
তব হয় স্বেচ্ছাচারে, তব ব্যভিচারে,
পতিহত্যা করিয়াছ তুমি পাতকিনী ।

সত্যবতী । কি প্রলাপ বকিতেছ বৃদ্ধ বিদূষক ?
বৃদ্ধ তুমি, তাই আমি হস্তিনা-মহিষী
ক্ষমা করিলাম ।—যাঁও ।

মাধব । পিশাচী শ্বেয়িনী !

[প্রস্থান]

সত্যবতী । স্পর্ধা !—বৃদ্ধ বিদূষক ! নমিত করিব
তোমার উদ্ধত শির ।—‘পিশাচী শ্বেয়িনী’ !
তাই যদি সত্য হয়, কি আক্ষেপ তাহে !
সে দৌষ আমার ?—যদি স্বার্থাক পুরুষ

[৬২

দ্বিতীয় অঙ্ক ।]

ভীষ্ম ।

[তৃতীয় দৃশ্য ।

কর্ষিতললাট, লোলগণ্ড, দন্তহীন,
বিজীর্ণ, বিশীর্ণ, পঙ্গু, কুঞ্চিত জরায়—
সে যদি কামনা করে উদ্ভিন্ন যৌবন,
ব্যগ্র আলিঙ্গন, উষ্ণ উত্তত চুম্বন—
সে আমার দোষ ?—যাক্ ! মৃত মহারাজ !
—আর পরাধীন নহি । আজ মুক্ত আমি ।
আজ স্বৈচ্ছাধীন আমি—ওহো কি উল্লাস !
—হাঁ, লইব প্রতিশোধ—করিব সন্তোষ ;
কিসের সঙ্কোচ ? ধর্ম্য দিয়াছি শৈশবে ;
ধীবরনন্দিনী আমি—অনন্তযৌবনা ।

অলক্ষিতে শাষের প্রবেশ ।

শাষ । রাজ্ঞী !

সত্যবতী । [চমকিয়া] সৌভনরপতি ?

শাষ । মৃত মহারাজ ।

সত্যবতী । গুনিয়াছি !

শাষ । আজি হ'তে—

সত্যবতী । কি বলিতেছিলে ?

শাষ । আজি হ'তে মহারাজ্ঞী স্বতন্ত্র স্বাধীন !

সত্যবতী । জানি মহারাজ ।

শাষ । তবে—[অগ্রসর হইলেন]

সত্যবতী । দাঁড়াও লম্পট !

হস্তিনা-সম্রাজ্ঞী আমি, রাখিও স্বরণে ।

দ্বিতীয় অঙ্ক ।]

ভীষ্ম ।

[তৃতীয় দৃশ্য ।

শাব্ব । হস্তিনা-মহিষী ! আর কেন এ ছলনা !
আছি আমি হস্তিনার মন্দিরপ্রাসাদে,
মাসাধিক কাল ধরি' অতিথি, ভিক্ষুক
তোমার রূপের দ্বারে ।—আজি মুক্ত তুমি !

সত্যবতী । বিবেচনা করিবার অবসর দাও ।

শাব্ব । অতীত প্রহর তার ।

সত্যবতী । —কেন ঋষিবর

দিয়াছিলে এই বর এই 'অভিশাপ ?

—না না, যাও চলে' যাও নিজরাজ্যে ফিরে ।

শাব্ব । কেন এ সঙ্কোচ আর ; এসো—[অগ্রসর হইলেন]

সত্যবতী । সাবধান !

দীপ্তশ্বেতবহ্নিমান্ তপ্ত লালসায়

তপ্ত করিও না আর ।—এ আশ্রয়ে গিরি !

যাও, সরে' যাও, ক্রুদ্ধ করিও না আর

এ হৃদয়ে শৃঙ্খলিত কামের শার্দূলে ।

শাব্ব । কেন—[হস্তধারণ]

সত্যবতী । সরে' যাও—তোমার এ কামস্পর্শ

আজি রোমাঞ্চিত করে সর্বত্র আমার ।—

সরে' যাও । [হস্ত ছাড়াইয়া লইলেন]

শাব্ব । এ কি মূর্ত্তি ! [পিছিয়া দাঁড়াইলেন]

সত্যবতী । —না না প্রিয়তম ।

ডুব্বিতে ব'সেছি যবে, ডুব্বিব এ জলে ।

দ্বিতীয় অঙ্ক ।]

ভীষ্ম ।

[তৃতীয় দৃশ্য ।

মিলিয়াছে অনলে অনিলে—ছারথার
হ'য়ে যাক্ জীবন আমার । তবে আজি—
তবে আজি ঢেকে আয় এ শূন্য জীবনে
প্রলয়ের অন্ধকার । সেই অন্ধকার
প্রদীপ্ত করিবে আজি, দুটি জ্ঞানাময়
মহাশূন্যে ভ্রাম্যমান পৃথিবীর মত,
দুটি অভিশপ্ত আত্মা ;—এসো প্রিয়তম—

[হস্তধারণ]

ভীষ্মেব প্রবেশ ।

ভীষ্ম । দাঁড়াও রমণী ।—উঃ কি ঘৃণ্য ! ভয়ানক !
কি বীভৎস ! এও বিশ্বে আছে ?—দয়াময় !
এও কি তোমার সৃষ্টি ?—যা'র সৃষ্টি এই
শাস্ত জ্যোৎস্না, এই শ্যামা পুষ্পিতা ধরণী,
নক্ষত্রখচিত ঐ নীলাকাশ, ঐ
স্বচ্ছ তরঙ্গিনী, ঐ বিহঙ্গসঙ্গীত,
এ সুগন্ধ, এ সুমন্দ পবনহিল্লোল ;—
এও কি তাঁহারই সৃষ্টি !—আর স্নেহময়ী
রমণী ! এও কি শেষে সম্ভবে তোমার ?
যা'র বক্ষে ছায়া দেয় ভগিনীর প্রীতি,
সুগন্ধে পুষ্পিত হয় স্নেহ ছহিতার,
যা'র বক্ষ হ'তে ধীরে লতাইয়া উঠে

দ্বিতীয় অঙ্ক ।]

ভীষ্ম ।

[তৃতীয় দৃশ্য ।

বনিতার প্রেম আলিঙ্গন, বক্ষে যা'র
সুস্নিগ্ধ পীযুষ-ধারা ঝরে জননীর ;
যেই খানে বহে' যায় স্নেহমন্দাকিনী,
যেই খানে আলো দেয় আত্মবলিদান ;
সেইখানে এও কি সম্ভবে!—পার্পায়সি !
এখনও পিতার শব হয় নি সৎকার ;
এখনও পিতার শেষ কবোঞ্চ নিশ্বাস-
জড়িত প্রাসাদবায়ু । এখনও পিতার আত্মা
তোমা'রে ঘেরিয়া আছে । নারী, সাবধান ।
করিও না কলুষিত পিতার স্মৃতির
অক্ষয় পবিত্র তীর্থ ।—[শাবকে] আর মহারাজ !
আজি এ কালিমারাশি, লম্পট, তোমার
শোণিতে করিব ধৌত । নিষ্কাশিত কর অসি ।

[স্বীয় তরবারি খুলিলেন]

সত্যবতী । দেবব্রত !

ভীষ্ম ।

সুদূর হও পাপীয়সী । আজি

অন্ধ আমি । জানি না কি করিতেছি আমি—

[শাবকে]—নিষ্কাশিত কর অসি, কিম্বা দূর হও

এ মুহূর্তে এ প্রাসাদ হ'তে, ব্যভিচারী ।

সত্যবতী । তুমি কে করিতে আজ্ঞা শুনি দেবব্রত ?

ভীষ্ম । আমি ভীষ্ম ।

সত্যবতী ।

দেবব্রত ! কর পরিত্যাগ

[৭৩

দ্বিতীয় অঙ্ক ।]

ভীষ্ম ।

[চতুর্থ দৃশ্য ।

এই দণ্ডে এ প্রাসাদ, করি আজ্ঞা আমি
হস্তিনা-সম্রাজ্ঞী ।

ভীষ্ম । যাইব । তাহার পূর্বে

দিব দূর করি' এই পথের কুকুরে ।—

[শাবকে] নিষ্কাশিত কর অসি ।

শাবক । যাইতেছি আমি ।

[প্রস্থান]

ভীষ্ম । যাও । আর পুনরায় হস্তিনায় যদি

কর পদার্পণ কভু, যাইবে ফিরিয়া

শাবকের কবন্ধ গৃহে—জানিও নিশ্চয় ।

—জয় হোক মহারানী !—চলিলাম আমি ।

[প্রস্থান]

[সত্যবতী ক্রোধে ওষ্ঠ দংশন করিতে করিতে চলিয়া গেলেন ।]

চতুর্থ দৃশ্য ।

—o:*:o—

স্থান—গন্ধর্ষরাজ চিত্রাঙ্গদের প্রমোদ-ভবন । কাল—রাত্রি

গন্ধর্ষরাজ চিত্রাঙ্গদ, তাঁহার বন্ধু চিত্রসেন ও

পারিষদবর্গ । সম্মুখে নর্ত্তকীগণ ।

চিত্রসেন । শুনিয়াছ বন্ধুবর ! প্রবলপ্রতাপ

হস্তিনার অধিপতি গতানু শাস্ত্রু—

অনন্তযৌবনা যা'র মহিষী সুন্দরী !

দ্বিতীয় অঙ্ক ।]

ভীষ্ম ।

[চতুর্থ দৃশ্য ।

চিত্রাঙ্গদ । অনন্তর্যোবনা ?

চিত্রসেন । শোন নাই বন্ধুবর ?

অনন্তর্যোবনা তিনি মহর্ষির বরে ।

চিত্রাঙ্গদ । কোন্ ঋষি চিত্রসেন ?

চিত্রসেন । ঋষি পরাশর !

চিত্রাঙ্গদ । সত্রাট্ শাস্ত্রমু যত ? তাঁর পুত্র আছে ?

চিত্রসেন । জ্যেষ্ঠপুত্র দেবব্রত, খ্যাত ভীষ্ম নামে,

অজেয় জগতে ।

চিত্রাঙ্গদ । ভীষ্ম অজেয় জগতে !

চিত্রসেন । শুনিয়াছি বন্ধু ! কিন্তু ভীষ্ম বনবাসী ।

চিত্রাঙ্গদ । কি হেতু ?

চিত্রসেন । জানি না ।

চিত্রাঙ্গদ । তবে শূন্য সিংহাসন

হস্তিনার ?

চিত্রসেন । কে বলিল শূন্য সিংহাসন !

এ অনন্তর্যোবনার জ্যেষ্ঠ পুত্র আজি

হস্তিনার অধিপতি ।

চিত্রাঙ্গদ । কি নাম তাহার ?

চিত্রসেন । চিত্রাঙ্গদ ।

চিত্রাঙ্গদ । কি বলিলে নাম ?

চিত্রসেন । চিত্রাঙ্গদ ।

চিত্রাঙ্গদ । আমার যে নাম চিত্রাঙ্গদ, চিত্রসেন !

[৭৫

দ্বিতীয় অঙ্ক ।]

ভীষ্ম ।

[চতুর্থ দৃশ্য ।

চিত্রসেন । বিচিত্র কি তাহে ?

চিত্রাঙ্গদ । তার নাম চিত্রাঙ্গদ ?

সত্য বলিতেছ বন্ধু !

চিত্রসেন । নিশ্চিত, যেমতি

চিত্রসেন নাম মম ।

চিত্রাঙ্গদ । আক্রমণ কর,

আক্রমণ কর ।—সেনাপতি !

সেনাপতির প্রবেশ ।

চিত্রাঙ্গদ । সেনাপতি !

হস্তিনাধিপতি—নাম চিত্রাঙ্গদ তাব,

বাধিয়ে আনিবে তারে ।

চিত্রসেন । কি হেতু স্মরণ ?

চিত্রাঙ্গদ । তাহার কিরূপ মূর্তি—দেখিব ।

চিত্রসেন । কি হেতু ?

চিত্রাঙ্গদ । কোতূহল মাত্র ।

চিত্রসেন । বন্ধু ! উন্মাদ কি তুমি

চিত্রাঙ্গদ ?

চিত্রাঙ্গদ । কি বলিলে ?

চিত্রসেন । তুমি কি উন্মাদ ?

চিত্রাঙ্গদ । তার পর !

চিত্রসেন । তার পর কি আবার !

৭৬]

চিত্রাঙ্গদ । কি বলিয়া ডাকিলে আমারে ?

চিত্রসেন । চিত্রাঙ্গদ ।

তোমার যা নাম ।

চিত্রাঙ্গদ । উঠ, আলিঙ্গন করি [উঠিলেন] ।

চিত্রসেন । কেন ?

চিত্রাঙ্গদ । আলিঙ্গন কবি, এসো বন্ধু ।

চিত্রসেন । [আলিঙ্গিত হইয়া] কেন ?

চিত্রাঙ্গদ । স্ববণ করার দিলে যে আমার নাম

চিত্রাঙ্গদ । বন্ধুবব শুন, ভূমণ্ডলে

চিত্রাঙ্গদ একা আমি । অশ্রু কেহ যদি

লয় সেই নাম—চুরি । তাহাব সহিত

আমাব বিরোধ ।—সেনাপতি !

সেনাপতি । মহারাজ !

চিত্রাঙ্গদ । আমার প্রধান শত্রু হস্তিনাধিপতি—

সমবে প্রস্তুত হও ।

সেনাপতি । যথা আজ্ঞা প্রভু ।

[প্রস্থান]

চিত্রসেন । চিত্রাঙ্গদ ! বন্ধু, তব মস্তিষ্ক বিকৃত !

নাম যার চিত্রাঙ্গদ সে শত্রু তোমার ?

চিত্রাঙ্গদ । অবশ্য । মুছিয়া দিক্ তাহার সে নাম,

আর নাহি বিসম্বাদ । সে বন্ধু আমার,

আমার পরম মিত্র । —গাও—একা আমি

মহারাজ চিত্রাঙ্গদ এ বিশ্ব ভিতর ।
—পূর্ণ কর পানপাত্র প্রিয় বন্ধুবর ।
—নাচ গাও ।

নৃত্যগীত ।

ঢালো, অমিয়া ঢালো, কিশোর সুধাকর,
আকুল ত্বা অতি অধীরা ।

উঠুক শিহরিয়া তপ্ত ধমনীর রক্ত ঢেউ—ঢালো মদিয়া ।

চুলাও চামর, বসন্ত সিঞ্চ সুগন্ধ চঞ্চল পবনে,

বাজো সুললিত মৃদঙ্গ মন্দিরা মুরলী নন্দন ভবনে ;

গাও, বিকল্পিত করি দিগন্ত, বিমুক্ত অপ্সরা রমণী ;

নৃত্য কর মদমত্ত মগ্নথ, হৃদয়ে বিঁধ শর অমনি ।

‘ পঞ্চম দৃশ্য ।

—*—

স্থান—ব্যাসের আশ্রম । কাল—প্রভাত ।

ব্যাস ও ভীষ্ম ।

ব্যাস । ‘সুখ সুখ করি’ নিত্য ফিরিছে মানব,
অন্বেষণ করে তারে আহারে, শয়নে,
যানে, মানে, মহামূল্য বসনে, ব্যসনে ।
অথচ সে সুখ এত সহজ সরল,
এত অনায়াসলভ্য—নিজ সৃষ্টিগত ।

ভীষ্ম । সে কিরূপ ?

ব্যাস । সুখের বিবিধ আয়োজন
আমার আয়ত্ত নহে । কিন্তু প্রয়োজন
সংক্ষিপ্ত করিতে পারি আমি ত আপনি ।
আয় নাহি বাড়ে, ব্যয় কমাইতে পারি ।
লাভ সে সুলভ নহে । ক্ষতি ত সহজ ।
এই দেখ আমার এ নিরীহ কুটীর,
আসন অজিন, বৃক্ষ-বকুল বসন,
খাদ্য ফলমূল, পেষ্য নির্বারের বারি ;
তথাপি আমার কৈ—কিসের অভাব ?
তথাপি সম্রাট আমি কুশের কুটীরে ।

ভীষ্ম । সম্রাটের উপরে মহর্ষি তুমি প্রভু ।
কুশের কুটীরে বসি' শাসিছ ভারত ।
তাই আমি হস্তিনার যুবরাজ, বীর
পরশুরামের শিষ্য, আমি ভীষ্ম, আজি
তোমার জ্ঞানের দ্বারে কৃপার ভিখারী ।

ব্যাস । মিটে নাই তোমার কৈ জ্ঞানের পিপাসা,
দেবব্রত ?

ভীষ্ম । এ পিপাসা মিটে কি কখন ?

ব্যাস । বিষ পান করিয়াছ তুমি দেবব্রত,
ঔষধ সেবন কর ।

ভীষ্ম । সে কি ঋষিবর ?

দ্বিতীয় অঙ্ক ।]

ভীষ্ম ।

[পঞ্চম দৃশ্য ।

ব্যাস । ঋত্রিয়ের ধর্ম নহে জ্ঞানের বিচার ।
রণক্ষেত্র ঋত্রিয়ের কর্মভূমি ।—যাও ।
চিন্তা করিও না । কর্ম কর । ভাবিবার
জন্ম আমি আছি । যাও, গৃহে ফিরে যাও ।

[প্রস্থান]

মাধবের প্রবেশ ।

ভীষ্ম । এই যে কাকা । কাকা, কাকা ! [তাঁহার দিকে ছুটিলেন]

মাধব । বৎস দেবব্রত ! [আলিঙ্গন] বেঁচে আছি !

ভীষ্ম । আমি যে ইচ্ছামৃত্যু কাকা ! তাই আমার মরণ নেই ।

আমার চিত্রাঙ্গদ বিচিত্রবীর্যের কুশল ত ?

মাধব । চিত্রাঙ্গদ বিচিত্রবীর্য এখনও বেঁচে আছে । কিন্তু ফিরে
গিয়ে তাদিগে দেখতে পারবো কিনা সন্দেহ ।

ভীষ্ম । সে কি কাকা ?

মাধব । গন্ধর্্বরাজ চিত্রাঙ্গদ রাজ্য আক্রমণ করেছে । তুমি নাই ।
রাজ্য রক্ষা করে কে ?

ভীষ্ম । সে কি !

মাধব । তাই আমি ছুটে তোমার কাছে এসেছি । এসো দেবব্রত,
রাজ্যে ফিরে এসো ।

ভীষ্ম । সে কি কাকা ! হস্তিনার ফিরে যাবার আমার 'অধিকার
কি !—আমি যে সম্রাজ্ঞী কর্তৃক নির্বাসিত হয়েছি ।

মাধব । কে সম্রাজ্ঞী ? মহারাজ শান্তনুর মৃত্যুর পর রাজ্যের রাজা

৮০]

দ্বিতীয় অঙ্ক ।]

ভীষ্ম ।

[পঞ্চম দৃশ্য ।

ভূমি । এসো দেবব্রত, এসো । রাজদণ্ড নাও, সিংহাসন অধিকার কর,
আর দ্বিতীয় রামচন্দ্রের মত সাম্রাজ্য শাসন কর ।

ভীষ্ম । না কাকা, আমার অধিকার আমি জন্মের মত ত্যাগ
করেছি ।

ব্যাসের পুনঃ প্রবেশ ।

ব্যাস । তথাপি ক্ষত্রিয় ভূমি ! যাও দেবব্রত ।
রাজ্য রক্ষা কব । কর আর্ন্তের উদ্ধাব ।
ঘুমাবে কি ক্ষত্র যবে আসে বৈরিদল
উদ্ধত স্পর্ধায় দেশ করিতে ধ্বংস !
ছাড়িবে ক্ষত্রিয় যবে ধর্ম আপনার
এ স্বর্ণভারত ভূমি যাবে রসাতলে ।

ভীষ্ম । যথাদেশ ঋষিবর ! প্রণামি চরণে । [প্রণাম]

ব্যাস । তাপসের আশীর্ব্বাদে সর্ব্ববিঘ্ন তব
হোক দূর ! যাও ভীষ্ম !

মাধব ও ভীষ্ম কিছুদূর অগ্রসর হইলেন ।

মাধব । [দূরে সহসা থামিয়া] এ কি দেবব্রত !
এ কি ?—এ কি ? আচম্বিতে আচ্ছন্ন অশ্বর
ঘন ঘোর মেঘসঙ্ঘে । চমকে বিছাৎ ।
বহিছে প্রবল ঝঞ্জা । বজ্র কড় কড়ে ।

ভীষ্ম । [দূরে] এ কি ! কিছু দেখিতে পাই না ।—ঋষিবর !

ব্যাস । ভয় নাই দেবব্রত ! ব্রাহ্মণের কাজ

দ্বিতীয় অঙ্ক ।]

ভীষ্ম ।

[পঞ্চম দৃশ্য ।

সাধিবে ব্রাহ্মণ !—কেটে যা'ক্ মেঘরাশি ।
থেমে যা'ক্ ঝঞ্জা । দূর হোক অন্ধকার ।

[পুনরায় আলোক হইল]

ভীষ্ম । [দূরে] অলঙ্ঘ্য পর্বত এক রোধিয়াছে বহু
হস্তিনার ।

ব্যাস । চূর্ণ হ'য়ে যাউক পর্বত,
যতপি ব্যাসের থাকে তপস্কার বল ।

[পর্বত চূর্ণ হইয়া পড়িল]

ব্যাস । চলে' যাও দেবব্রত । কোন ভয় নাই ।

[মাধব ও ভীষ্ম নিষ্ক্রান্ত]

মহাদেব ও উমার প্রবেশ ।

মহাদেব । তপস্কার মহাশক্তি দেখিছ পার্বতী ।

[অগ্রসর হইয়া] বৎস ব্যাস !

ব্যাস । কে তুমি ?

মহাদেব । শঙ্কর ।—তুষ্ট আমি ।

বর চাহো ঋষিবর ।

ব্যাস । যেন পারি দেব,

সাধিতে মানবহিত তপস্কার বলে ।

মহাদেব । তথাস্তু । তোমার কীর্তি হউক অমর ।

[সকলে নিষ্ক্রান্ত]

ষষ্ঠ দৃশ্য ।



স্থান—কাশিরাজের বহিরুদ্যান । কাল—সন্ধ্যা ।

অস্থিকা ও অস্থালিকা ।

গীত ।

যাচ্ছে ভেসে সাদা সাদা নীরদ সাঁঝের কিরণমাথা ।
উড়ছে যেন বিশ্বশোভার গুত্রঙ্গিন জয়পতাকা ।
আয় লো মোরা সঙ্গে ভেসে, চলে' বাই ঐ পরীর দেশে ;
মলয় হাওয়ায় গা ঢেলে দেই, নীল আকাশে মেলিয়ে পাখা ।
দেখনা কেমন দেখতে মানুষ, দেখনা কেমন দেখতে ধরা ।
জীবনটা কি শুধুই ভাবা, শুধুই নীরস কার্য্য করা ?
কি হবে রে মে সব জেনে, নে রে জীবন ভোগ করে নে,
নৈলে জগৎ শুধুই ধুলো, জীবন শুধুই বেঁচে থাকা ।

অস্থিকা । বেশ গান ।

অস্থালিকা । সুন্দর !

অস্থিকা । আমরা নিজেই গান তৈরি করে' নিজেই গেয়ে—

অস্থালিকা । নিজেই বিভোর !

অস্থিকা । এ রকম বড় একটা দেখা যায় না ; [সুরে]

‘যাচ্ছে ভেসে সাদা সাদা—

অস্থালিকা । [সুরে] ‘নীরদ সাঁঝের কিরণমাথা ।’

অস্থিকা । আমার ভাষ খুব মনে আসে ।

দ্বিতীয় অঙ্ক ।]

ভীষ্ম ।

[ষষ্ঠ দৃশ্য ।

অস্থালিকা । আর মিল আমার ওষ্ঠাগ্রে । 'জেনে'র সঙ্গে মিল, ভাব
বজায় রেখে, ভারি শক্ত হ'য়ে দাঁড়িয়েছিল ।

অস্থিকা । আমরা দুটি জুড়ি মিলেছিলাম ভালো ।

অস্থালিকা । তুই রত্ন !

অস্থিকা । কিন্তু দিদি আর এক রকমের ! গান গাইতেও
পারে না ।

অস্থালিকা । কবিতা মেলাতেও পারে না ।

অস্থিকা । সর্বদাই মলিন ।

অস্থালিকা । এতদিন বিয়ে হয় নি কিনা !

অস্থিকা । আচ্ছা, দিদি এতদিন বিয়ে করল না কেন ?

অস্থালিকা । আমিও ঠিক তাই ভাবছিলাম ।

অস্থিকা । তুই বিয়ে করি ?

অস্থালিকা । করব বৈকি !

অস্থিকা । তোর বর কি রকম হবে জানিস্ ?

অস্থালিকা । কি রকম হবে বল্ দিখি ?

অস্থিকা । কি রকম বর জানিস্ ?—রোস্, তোর বরের মূর্তি চোখ
বুঁজে ধ্যান করি । [বদিয়া চোখ বুজিল]

অস্থালিকা । আমিও তদ্রূপ । [তদ্রূপ]

অস্থিকা । তোর বর দেখছি ।

অস্থালিকা । দেখছিন্ ? কি রকম দেখছিন্ ?

অস্থিকা । বায়ে সিঁথি ।

অস্থালিকা । লম্বা নাক ।

দ্বিতীয় অঙ্ক ।]

ভীষ্ম ।

[ষষ্ঠ দৃশ্য ।

অশ্বিকা । হু কান কাটা ।

অশ্বালিকা । মাথায় ঢাক ।

অশ্বিকা । নেইক বিণ্ডে ।

অশ্বালিকা । মুখে জাঁক ।

অশ্বিকা । মাথার মধ্যে—

অশ্বালিকা । শুধুই ফাঁক ।

অশ্বিকা । কর্ণ ছুটি—

অশ্বালিকা । মধুর চাক ।

অশ্বিকা । পীঠের উপর—

অশ্বালিকা । জয়ঢাক ।

অশ্বিকা । বেঁচে থাক্ ! বেঁচে থাক্ !

—আহা আমরা যদি ছুই সতীন হ'তাম !

অশ্বালিকা । বেশ হোত । না ?

অশ্বিকা । কেবল ঝগড়া কর্তাম ।

অশ্বালিকা । আর ভাব কর্তাম ।

অশ্বিকা । তাই যেন হই ।, আমরা সতীনই যেন হই ।

অশ্বালিকা । জীবনে আমাদের যেন ছাড়াছাড়ি না হয় ।

অশ্বিকা । [স্নেহে] অশ্বালিকা !

অশ্বালিকা । [স্নেহে] অশ্বিকা !

[জড়াইয়া ধরিয়া চুমন]

অশ্বিকা । ওরে ! দিদিরে দিদি ।

অশ্বালিকা ।, সঙ্গে স্নাননা ।

[৮৫

দ্বিতীয় অঙ্ক ।]

ভীষ্ম ।

[ষষ্ঠ দৃশ্য ।

অম্বিকা । লুকোরে লুকো ।

অম্বালিকা । লুকো লুকো ।

[উভয়ে লুকাইলেন ।]

কথা কহিতে কহিতে অম্বা ও তাঁহার সখী সুনন্দার প্রবেশ ।

সুনন্দা । এই নিম্নে রাণীর সঙ্গে রাজার তুমুল বিবাদ । রাজা যত বলেন রাণী তত উষ্ণ হন, আর রাণী যত বলেন রাজা তত উষ্ণ হন ।

অম্বা । তা আমার বিবাহ নাইবা হোল ।

সুনন্দা । না হ'লে ছোট ছুটির বিবাহ হয় কেমন করে' ?—তুমি বোঝত ! তুমি ত আর এখন বালিকাটি নও । [অম্বা ভাবিতে লাগিলেন]

সুনন্দা । ছোট ভগ্নী দুইটির বিবাহে প্রতিবন্ধক হ'য়ে, পিতামাতার অশান্তির হেতু হ'য়ে, জগতের বিদ্রূপস্থল হ'য়ে থাকা কি ভালো' ?

অম্বা । 'জগতের বিদ্রূপ' কি রকম ?

সুনন্দা । জগৎ তোমাকে দেখিয়ে ব'লবে—এই রাজকন্যা এক রাজপুত্রের উপেক্ষিতা । হস্তিনার যুবরাজ গর্ভ কর্কে—“এই কামিনী এত আমার প্রেমযুক্তা যে, আমাকে ছাড়া আর কাউকে বিবাহই কর্লে না ।”

অম্বা । [চিন্তা] তুমি ঠিক ব'লেছ সুনন্দা ।—যাও মাকে বলগে' যে আমি বিবাহ কর্বে ।

সুনন্দা । এই ত কাশিরাজকন্যা । আমি যাই, রাণী মাকে বলিগে ।

[প্রস্থান]

অম্বা । হাঁ বিবাহ কর্বে ।—কাকে ?—সে ভাবনার প্রয়োজন

দ্বিতীয় অঙ্ক ।]

ভীষ্ম ।

[ষষ্ঠ দৃশ্য ।

কি ! বিষ খেয়ে মরি কি জলে ডুবে মরি, মৃত্যুর প্রকারভেদে
কি যায় আসে ! আমি বিবাহ করব, আর তাকে বিবাহ করব,
যাকে সর্বাপেক্ষা ঘৃণা করি ।

[প্রস্থান]

অম্বিকা ও অম্বালিকা পা টিপিয়া বাহির হইয়া আসিলেন ।

অম্বিকা । শুনলি !

অম্বালিকা । [প্রস্থিতা অম্বার প্রতি তর্জনী নির্দেশ করিয়া] হুস্ ।

অম্বিকা । দিদি ত গিয়েছে ।

অম্বালিকা । আবার ফিরেছিল ।—এখন গিয়েছে ।

অম্বিকা । বলেছিলাম না ?

অম্বালিকা । অবিকল ।

অম্বিকা । দিদি বিয়ে করবে !

অম্বালিকা । তাইত ।

অম্বিকা । বোঝা গেল না ।

অম্বালিকা । কিছু মা ।

[অম্বিকা একটু সুর ভাঁজিতে ভাঁজিতে পরিক্রমণ করিতে লাগিলেন ।

অম্বালিকা তাহার অন্তরা ভাঁজিতে লাগিলেন ।]

অম্বিকা । [সহসা থামিয়া] আচ্ছা মেয়েমানুষ বিয়ে করে কেন ?

অম্বালিকা । আর এই গৌফওয়াল পুরুষ মানুষকে ।

অম্বিকা । আমরা বিয়ে করব না, কেমন ভাই !

অম্বালিকা । —বেশ !

[উভয়ে গান ধরিয়া দিল ।]

[৮৭

গীত ।

আমরা—মনয় বাতাসে ভেসে যাবো শুধু কুহুমের মধু করিব পান ;
 ঘুমাবো কেতকীস্বাসশরনে, চাঁদের কিরণে করিব স্নান ।
 কবিতা করিবে আমাকে বীজন, প্রেম করিবে—স্বপ্নসৃজন,
 স্বর্গের পরী হবে সহচরী, দেবতা করিবে হৃদয় দান ।
 সন্ধ্যার মেঘে করিব ছুকুল, ইন্দ্রধনুরে চল্লহার ;
 তারায় করিব কর্ণের ছল, জড়াবো গায়েতে অঙ্ককার ;
 বাষ্পের সনে আকাশে উঠিব, বৃষ্টির সনে ধরায় লুঠিব,
 সিঙ্কুর সনে সাগরে ছুটিব, ঝঞ্ঝার সনে গাহিব গান ।

সপ্তম দৃশ্য ।

—ঃ*ঃ—

যুধ্যমান হস্তিনারাজ চিত্রাঙ্গদ ও গন্ধর্বরাজ চিত্রাঙ্গদ
 নিষ্কাশিত অসি হস্তে দণ্ডায়মান ।

গন্ধর্বরাজ । এসেছ সমরে কেন মাতৃ হৃৎক ছাড়ি'
 ক্ষুদ্র শিশু ? রাখো অস্ত্র, প্রাণে মারিব না ।
 শুদ্ধ মম রথচূড়ে শৃঙ্খলিত করি'
 লয়ে যাবো রাজ্যে মম বিজয় গৌরবে ।

হস্তিনারাজ । নির্মূল আমার সৈন্ত, তথাপি কদাপি
 ছাড়িব না অস্ত্র আমি থাকিতে জীবন ।
 মানিব না পরাজয় ; জননীর বরে

দ্বিতীয় অঙ্ক ।]

ভীষ্ম ।

[সপ্তম দৃশ্য ।

এ যুদ্ধে অমর আমি । কহিলেন তিনি
দিয়া শিরে পদধূলি—কহিলেন মাতা—
“আমি যদি সতী হই, পুত্র চিত্রাঙ্গদ,
ফিরে এসো যুদ্ধ হ’তে রণজয়ী তুমি ।”
এখনও শ্রবণে বাজে সে আশীষ বাণী ।

গন্ধর্করাজ । তবে কি করিব বীর । কর, যুদ্ধ কর ।

ধর অস্ত্র । আপনারে রক্ষা কর বীর ।

[উভয়ের যুদ্ধ । হস্তিনারাজের পতন ।]

গন্ধর্করাজ । করিয়াছি জয় ।

প্রবেশ করিব তবে হস্তিনানগরে

এখন বিজয় গর্বে ।—সেনাপতি ! সেনাপতি !

[প্রস্থান]

মাধবের সহিত ভীষ্মের প্রবেশ ।

মাধব । এই যে এখানে বৎস ! যা ভেবেছি তাই ।

ঐ দেখ চিত্রাঙ্গদ ভূমিতলে পড়ে’—

ভীষ্ম । [সাগ্রহে] জীবিত না মৃত ?

মাধব । [পরীক্ষা করিয়া] মৃত ! মৃতপিণ্ডসম

অনড় অসাড় হিম !—বৎস ! চিত্রাঙ্গদ !

ভীষ্ম । [ভগ্নস্বরে] পিতৃব্য ! এ স্থান শোক করিবার নহে ।

গন্ধর্করাজের পুনঃ প্রবেশ ।

ভীষ্ম । তুমি কি গন্ধর্করাজ বীর চিত্রাঙ্গদ ?

গন্ধর্করাজ । হাঁ সত্য ।—কে তুমি ?

[৮৯]

দ্বিতীয় অঙ্ক ।]

ভীষ্ম ।

[সপ্তম দৃশ্য ।

শুনেছি সম্রাজ্ঞী তার অনন্তযৌবনামু
কিরূপ, দেখিব । দেখি যদি—

ভীষ্ম । সাবধান !

সম্রাজ্ঞীর প্রতি কোন অবজ্ঞার বাণী
কর উচ্চারণ আর একটি যত্নপি,
খণ্ডিবে গন্ধর্ব নাম ব্রহ্মাণ্ডে তোমার,
লোটাতে উদ্ধত মুণ্ড নিমিষে চরণে ।

গন্ধর্বরাজ । উদ্ধত যুবক ! পথ ছাড় হস্তিনার ।

ভীষ্ম । হস্তিনায় প্রবেশের নাহি অধিকার ।

গন্ধর্বরাজ । কে রোধে আমার বহু ?

ভীষ্ম । আমি ভীষ্ম ।

গন্ধর্বরাজ । যাও ।

পথ ছাড় হস্তিনার ।

ভীষ্ম । রাজ্যে ফিরে যাও ।

করিবে না হস্তিনায় প্রবেশ অরাতি
জীবিত থাকিতে ভীষ্ম ।

গন্ধর্বরাজ । তবে যুদ্ধ কর ।

ভীষ্ম । যুদ্ধ কার সনে ?

[ভীষ্ম সবলে গন্ধর্বরাজের হস্ত ধরিয়া তরবারি কাড়িয়া
লইয়া ফেলিয়া দিলেন]

ভীষ্ম । যাও রাজ্যে ফিরে যাও ।

আরু শুন উপদেশ ।—হৃর্বলের প্রতি

[৯১]

করিও না অত্যাচার । দস্ত করিও না ।
 যত বড় হও তুমি, তোমার চেয়েও
 বড় আছে বিশ্বতলে । যদি নাহি থাকে,
 —সহিবে না প্রকৃতি তোমার স্বেচ্ছাচার ।
 তুমিও এ ব্রহ্মাণ্ডের নিয়মের দাস ।

[গন্ধর্বরাজের প্রস্থান]

ভীষ্ম । ঠিক বলিয়াছ তুমি ঋষি দ্বৈপায়ন—
 “ঋত্রিয়ের ধর্ম—বুদ্ধ, শাস্ত্রালাপ নহে” ।
 ঋত্রধর্ম ছাড়ি’ আমি মূঢ় অভিমানে,
 করিয়াছি সর্বনাশ !—মার্জনা করিও
 স্বর্গে দেবগণ !—

মাধব । চিত্রাঙ্গদ ! চিত্রাঙ্গদ !
 কেন শুয়ে রুধিরাক্ত কর্দমশয়নে
 আছিস্ ফিরায়ে মুখ ?—বৎস ! প্রাণাধিক !—

ভীষ্ম । —না, তুই ঋত্রিয় শিশু ! এই তোরে সাজে !
 জীবন দেশের জন্ত, মৃত্যু দেশহিতে,—
 এই ত ঋত্রিয় বীর ! এই তোরে সাজে ।
 আমি যেন পাই হেন শয়ন অস্তিমে ।—
 উন্মুক্ত সমরক্ষেত্রে নীলাকাশ তলে
 বিস্তৃত অস্তিম শয্যা ; সন্মুখে উচ্ছ্বসে
 মরণের রক্তসিঁদু ; উঠে তার রোল—
 চারিধারে সমুখিত সমরকল্লোল ।

তৃতীয় অঙ্ক ।

প্রথম দৃশ্য ।

স্থান—গঙ্গাতটে কাশিরাজের বাহিরদ্যান ।

কাল—সন্ধ্যা । স-তরবারি ভীষ্ম একাকী ।

ভীষ্ম । সেই কুঞ্জবন ; সেই দূরবিসর্পিনী
হিল্লোলকল্লোলময়ী পবিত্রা জাহ্নবী ।
সেই শান্ত সন্ধ্যা ; বহে তেমতি সুধীরে
সুমনদ মৃদু লম্বিঞ্চ সুঁরতি সমীর ।
ঠিক এই স্থানে, এই সন্ধ্যাকাল, ঐ
বটুচ্ছায়ে ।—সেই দিন আর এই দিন !
মধ্যে ব্যবধান তার বিংশতি বৎসর !
—বসি বৃক্ষমূলে ঐ জাহ্নবীর তীরে ।

[প্রস্থান]

[৯৩]

তৃতীয় অঙ্ক ।]

ভীষ্ম ।

[প্রথম দৃশ্য ।

মাধবের প্রবেশ ।

মাধব । এখানে এসে পর্যন্ত দেবব্রত এত স্নান—এত কাতর ।
আমার সঙ্গেও কথা কৈতে চায় না । কেন ? কে জানে !—ঐ যে
বৃক্ষকাণ্ডে তরবারি হেলিয়ে রেখে, ভূমিশ্যায় শুয়ে একদৃষ্টে চেয়ে আছে ।
—না ! একা থাকতে দেওয়া হবে না ।

[প্রস্থান]

অম্বিকা ও অম্বালিকার প্রবেশ ।

অম্বিকা । যে রকম দেখা যাচ্ছে—এরা শেষে আমাদের বিয়েটা না
দিয়ে ছাড়লে না !

অম্বালিকা । নৈলে যেন এদের ঘুম হচ্ছিল না ।

অম্বিকা । তা আমাদের—আপত্তি বিশেষ নাই । কি বলিস্ তাই ?

অম্বালিকা । হাঁ । আর আমাদের বিয়ের বয়সও হ'য়েছে ;

অম্বিকা । তা—হ'লো বৈ কি ।

অম্বালিকা । একেই বলে স্বয়ংবরা !

অম্বিকা । নিজেই বর বেছে নিতে হয় কি না, তাই এর নাম
স্বয়ংবরা ।

অম্বালিকা । ও মা !

অম্বিকা । কি হবে !

অম্বালিকা । রাজারা সব এসেছে ?

অম্বিকা । কোন্ কালে !—তা'রা কেবল রাত পোহাবার অপেক্ষায়
আছে ।

অম্বালিকা । রাতে তাদের ঘুম হবে না বোধ হয় ।

৯৪]

তৃতীয় অঙ্ক ।]

ভীষ্ম ।

[প্রথম দৃশ্য ।

অম্বিকা । কেবল হাঁ করে', পূর্বদিকে চেয়ে থাকবে !

অম্বালিকা । আচ্ছা দিদিও এই সঙ্গে স্বয়ংবরা হবে ?

অম্বিকা । তা—হবে বৈকি ।

অম্বালিকা । কিন্তু বয়স বেশী হ'য়েছে ।

অম্বিকা । তা হোক—কিন্তু দেখায় না ।

অম্বালিকা । বরং আমাদের চেয়ে ছেলেমানুষ দেখায় ।

অম্বিকা । বেজায় একহারা কি না !

অম্বালিকা । বাবা দিদির বয়স ভাঁড়িয়ে বিয়ে দিচ্ছেন নিশ্চয় ।

অম্বিকা । দিচ্ছেন—দিচ্ছেন । তোর তাতে কি !—তুই এই রাজাদের কাউকে দেখিছিস্ ?

অম্বালিকা । ওমা ! তা আর দেখিনি !

অম্বিকা । বলি, কাউকে পছন্দ হ'য়েছে ?

অম্বালিকা । হ'য়েছে বৈ কি !

অম্বিকা । কাকে ?

অম্বালিকা । তবে গুন্বি ? [কাণে কাণে কি কহিল]

অম্বিকা । ছর বেহায়া !

অম্বালিকা । ছর পোড়ার মুখি !

[ছুজনে অটুহাস্ত করিল ।]

অম্বিকা । ঐ দিদিরে, দিদি ।

অম্বালিকা । দিদি ! দিদি !

অম্বিকা । আমাদের দেখতে পাচ্ছে না ।

অম্বালিকা । নিজের মনে বক্ছে ।

[১৫

তৃতীয় অঙ্ক ।]

ভীষ্ম ।

[প্রথম দৃশ্য ।

অম্বিকা । চুপ্ !

অম্বালিকা । হুস্ !

[উভয়ে লুকাইলেন]

চিন্তিতভাবে অম্বার প্রবেশ ।

অম্বা । রঞ্জিতপতাকা-পরিশোভিত নগরী ।

বাজিছে তোরণমঞ্চে আনন্দকম্পিত

প্রবল মঙ্গল বাণ্ড ।—কিন্তু মনে হয়

ও পীত পতাকা মম রুধিররঞ্জিত ;

আর ঐ বাজে ঘন প্রাসাদশিখরে

আমার বলির বাণ্ড ।—কাঁপে বক্ষঃস্থল ।

মুহমূর্ছঃ বামেতর স্পন্দিছে নয়ন !

—কে এ কুঞ্জবনে ?—[সহাস্ত্রে] অম্বিকা ও অম্বালিকা !

যুগলকপোতীসম বিহরে নির্ভয়ে ।

[প্রস্থান]

অম্বিকা ও অম্বালিকা বাহির হইয়া আসিল ।'

অম্বিকা । শুন্নি ?

অম্বালিকা । কি ?

অম্বিকা । দিদি তোকে পায়রা ব'লে গেল ?

অম্বালিকা । ব'লেছে, বেশ ক'রেছে ।

[এই বলিয়াই অম্বালিকা গান ধরিয়া দিল । অম্বিকু তাহাতে যোগ দিল ।]

৯৬]

তৃতীয় অঙ্ক ।]

ভীষ্ম ।

[প্রথম দৃশ্য ।

গীত ।

কি বিষম মরুভূমি হোত জীবন, বৃথাই হোত তবে আসা—
যদি না রৈত হেথার ঞাণের ভিতর ভুবন ভরা ভালোবাসা ।
প্রকৃতি, কুঞ্জে গাছে, লতার পাতায় ছড়িয়ে আছে,
শুধু এক, নানা বর্ণে, নানা গন্ধে ফুটে আছে ভালোবাসা ।
ও শুধু, চিন্তা করা, হিসাব করা, অঙ্ক কসা, টাকা গোণা ;
এ শুধু, চক্ষু মুদে হেলান দিয়ে বিভোর হয়ে বাঁশি শোনা ।
ও শুধু, তর্ক করা, এ গলা জড়িয়ে ধরা,
এ শুধু, বৃকে রাখা, চেয়ে থাকি—শুধু হাসা, শুধু হাসা ।
ও শুধু তুট্ট করে, পুট্ট করে—কুধার শুধু খেতে পাওয়া ;
এ শুধু, মধু খাওয়া, মধু খাওয়া, চক্ষু মুদে মধু খাওয়া ।
ও শুধু, ধূলায় কাঁটাঘ শুধু তাড়ার শুধু হাঁটার ;
এ শুধু, জ্যোৎস্নালোকে মুহূল হাওয়ার নৌকা করে' জলে ভাসা ।

অম্বিকা । ও আবাব কে ।

অম্বালিকা । তাইত ভাই ।

অম্বিকা । এই মাটি ক'বেছে ।

অম্বালিকা । এঃ !

অম্বিকা । এবাব আব গালাচ্ছি না !

অম্বালিকা । না । এবাব বিপদেব সঙ্গে লড়তে হবে ।

অম্বিকা । -চুপ্ ।

অম্বালিকা । হুম্ !

চিন্তিত ভাবে ভীষ্মেব প্রবেশ ।

অম্বিকা । কোন দিকে চাইছে না ।

তৃতীয় অঙ্ক ।]

ভীষ্ম ।

[প্রথম দৃশ্য ।

অম্বালিকা । ভাব্ছে ।

অম্বিকা । বোধ হয় প্রেমে প'ড়েছে ।

অম্বালিকা । জিজ্ঞাসা করা যাক্ !

অম্বিকা । [অগ্রসর হইয়া] বলি—[কাসি] বলি—মহাশয় !

অম্বালিকা অগ্রসর হইয়া কাসিলেন । ভীষ্ম চমকিয়া দাঁড়াইলেন ।

অম্বিকা । আপনি কে ?

অম্বালিকা । কোন্ শ্রেণী ?

অম্বিকা । কি জাতি ?

অম্বালিকা । দেব ?

অম্বিকা । না দৈত্য ?

অম্বালিকা । না গন্ধৰ্ব্ব ?

অম্বিকা । না কিন্নর ?

অম্বালিকা । না যক্ষ ?

অম্বিকা । না রক্ষ ?

অম্বালিকা । না—

ভীষ্ম । [ত্রস্তভাবে] আ—আমি—

অম্বিকা । ওঃ ! আপনি !—আগে ব'লতে হয় ।

অম্বালিকা । আর ব'লতে হবে না, চেনা গিয়েছে ।—তা এখানে ?

অম্বিকা । এ সময়ে ?

অম্বালিকা । কি মনে করে' ?

ভীষ্ম । আজে । আমি—তা—

অম্বিকা । না, ও রকম ঞ্চাকামি কর্লে চ'ল্ছে না ।

তৃতীয় অঙ্ক ।]

ভীষ্ম ।

[প্রথম দৃশ্য ।

অস্থালিকা । আমবাও ওসব ভালবাসি না ।

অস্থিকা । আগে উত্তর দিন যে আপনি এখানে কি কিছু মনে কবে' !

অস্থালিকা । না পথ ভুলে !

অস্থিকা । এই হ'চ্ছে প্রশ্ন ।

অস্থালিকা । সোজা কথা ।

ভীষ্ম । আমাব এখানে—

অস্থিকা । আমাব কথাব আগে জবাব দিন ।

অস্থালিকা । না আমাব কথাব আগে জবাব দিন ।

অস্থিকা । [কৃত্রিম ক্রোধে] অস্থালিকা ।

অস্থালিকা । [তদ্রূপ] অস্থিকা !

ভীষ্ম । আ—আমি জান্তাম না যে—

অস্থিকা । তা খুব সম্ভব । না জানা খুব সম্ভব ।

ভীষ্ম । আমি ভেবেছিলাম যে—

অস্থালিকা । তা ভাববেন বৈ কি !

অস্থিকা । তা বেশ ! আপনি যখন জান্তেন না যে—

অস্থালিকা । আব যখন ভেবেছিলেন যে—

অস্থিকা । তখন ত আব কথাই নেই ।

অস্থালিকা । চুকেই গেল ।

অস্থিকা । তাব পবে প্রশ্ন হ'চ্ছে যে আপনি—

অস্থালিকা । হ'চ্ছেন কে ?—এই হ'চ্ছে প্রশ্ন ।

ভীষ্ম । আমি হস্তিনা—

অস্থিকা । কে ব'লেছে যে আপনি হস্তী ?

তৃতীয় অঙ্ক ।]

ভীষ্ম ।

[প্রথম দৃশ্য ।

অম্বালিকা । আপনি হস্তী না, কি অশ্ব না, তা ত প্রশ্ন নয় ।

অম্বিকা । প্রশ্ন হ'চ্ছে আপনি কে ?

অম্বালিকা । সোজা কথা ।

ভীষ্ম । আমি—

অম্বিকা । ভেবে জবাব দেবেন ।

অম্বালিকা । সংক্ষেপে ।

ভীষ্ম । আমি ভীষ্ম—

বালিকাদ্বয় । ও বাবা [পিছাইলেন]

অম্বিকা । আপনি হ'ছেন—হ'ছেন—হ'ছেন—

অম্বালিকা । ভীষ্ম । আশ্চর্য্য ত ।

ভীষ্ম । এর মধ্যে আশ্চর্য্যটী কি দেখলেন ?

অম্বিকা । আশ্চর্য্য নয় ?

অম্বালিকা । ও বাবা !

ভীষ্ম । এখন আপনারা কে ?

অম্বিকা । আমরা ?—আমরা কে ? ওলো ! [উচ্চ হাসিলেন]

অম্বালিকা । আমরা ? ও ভাই ! [উচ্চ হাসিলেন]

অম্বিকা । আমরা—হচ্ছি আমরা ।

অম্বালিকা । বাস্ !

ভীষ্ম । আপনারা কি কাশিরাজকণ্ঠা ?

অম্বিকা । ওরে চিনেছে রে—চিনেছে !

অম্বালিকা । ঠিক ধরেছে ।—

অম্বিকা । মহাশয় ভীষ্ম ! কি করে' জানলেন যে—

১০০]

অম্বালিকা । যে আমরা কাশিরাজকণ্ঠা ?

অম্বিকা । দেখলে কি বোধ হয় ?

অম্বালিকা । কপালে লেখা আছে ?

অম্বিকা । তা যখন ধরে'ই ফেলেছেন, তখন স্বীকার করা ভালো ।

অম্বালিকা । তা বৈ কি ।

অম্বিকা । হাঁ মহাশয়—

অম্বালিকা । আমরা কাশিরাজার মেয়ে । ইনি বড়—

অম্বিকা । আর ইনি ছোট ।

অম্বালিকা । ‘বয়সেতে বিজ্ঞ নয় বিজ্ঞ হয় জ্ঞানে ।’

ভীষ্ম । আপনারা তাঁর সহোদরা ?

অম্বিকা । ‘তাঁর’ ? কার ?

অম্বালিকা । এই ‘তাঁর’ তাঁর ভিতর—‘তিনিটা’ হ’চ্ছেন কে ?

ভীষ্ম । অর্থাৎ—

অম্বিকা । ‘অর্থাৎ’ চাইনে, ‘তিনি’টা কে ?

অম্বালিকা । বুঝতে পাচ্ছিন্স নে ?

অম্বিকা । ও বুঝেছি ।

অম্বালিকা । মহাশয় আর-ব’লতে হবে না ।

অম্বিকা । আপনি যখন— [ইঙ্গিত]

অম্বালিকা । আর তিনি যখন [ইঙ্গিত]

অম্বিকা । ও! তা বেশ ।

অম্বালিকা । মানাবে ভালো ।

অম্বিকা । কিন্তু আপনার চেহারাখানা—

তৃতীয় অঙ্ক ।]

ভীষ্ম ।

[প্রথম দৃশ্য ।

অম্বালিকা । দেখি ।

অম্বিকা । তাইত—

অম্বালিকা । এ ত বেশ একটু খট্কার ফেলেন ।

ভীষ্ম । কেন ?

অম্বিকা । আপনি হ'চ্ছেন ভীষ্ম ।

অম্বালিকা । সেই নামই বলেন না ?

ভীষ্ম । হাঁ দেবী ।

অম্বিকা । তাই ত ।

অম্বালিকা । হুঁ । ভাবিয়ে দিলেন ।

ভীষ্ম । কেন ?

অম্বিকা । আপনার চেহারা ত ভীষ্মের মত নয় ।

অম্বালিকা । মোটেই না ।

ভীষ্ম । আপনারা কি পূর্বে তাঁকে দেখেছেন ?

অম্বিকা । না । তবে—দেখে বোধ হয় যে আপনার নাম চন্দ্রকান্ত ।

অম্বালিকা । কি ঐ রকম একটা কিছু ।

ভীষ্ম । কেন ?

অম্বিকা । কেন তা জানিনে, তবে—

অম্বালিকা । সেই রকম বোধ হয় ।

অম্বিকা । আপনার চেহারা একটু—গম্ভীর বটে ।

অম্বালিকা । তবে ভীষ্ম নয় ।

অম্বিকা । এ রকম চেহারায় আমি ত বিয়ে কর্তাম না ।

অম্বালিকা । আর নামটাও একটু বেজায় রকম অকবি !

তৃতীয় অঙ্ক ।]

ভীষ্ম ।

[প্রথম দৃশ্য ।

অম্বিকা । তবে মহাশয় ভীষ্ম ! আমরা যাই ।

অম্বালিকা । আমাদের বিয়ে কিনা ! হাতে অনেক কাজ ।

[উভয়ে গমনোচ্ছত]

অম্বিকা । [ফিরিয়া] মহাশয় কিছু মনে কর্বেন না ।

অম্বালিকা । [ফিরিয়া] মনে ধরো না, কি কর্ব ।

অম্বিকা । তবে দিদির সঙ্গে—

অম্বালিকা । তা মানাবে ভালো ।

[উভয়ে হাস্য করিতে করিতে প্রস্থান]

ভীষ্ম । দুইটি আনন্দময়ী সুন্দরী বালিকা ।

দুইটি নদীর যেন নির্জন সঙ্গম ।

—কোন কার্য নাই, শুধু হাস্য আর গীতি ;

শুধু বক্ষে খেলা করে নিশ্চল নীলিমা,

শুধু তটে লাগে এসে তারই অব্যবহিত

সঙ্গীতমুখর স্বচ্ছ উচ্ছ্বসিত বারি ।

দুইটি কিশোর কান্ত চম্পককলিকা,

আপন সুগন্ধে অন্ধ, কোন কার্য নাহি,

শুধু পরস্পর গাত্রে নিত্য ঢলে পড়ে,—

উষার কিরণে মৃদু সমীরহিল্লোলে ।

শান্ত শৈল নির্ঝরের ঝর্ঝরঝঙ্কত

সুমধুর ধ্বনি আর তার প্রতিধ্বনি ।

—ওকি শব্দ ?

তৃতীয় অঙ্ক ।]

ভীষ্ম ।

[প্রথম দৃশ্য ।

দশজন সশস্ত্র সৈনিকের সহিত শাষের প্রবেশ ।

শাষ । খবর ঠিক বটে ! ঐ ভীষ্ম !—যাও সৈনিকগণ ! বন্দী কর ।

সৈনিকগণ তরবারি বাহির করিল ।

ভীষ্ম । [সশ্চর্য্যে] কে ! সৌভ-নরপতি ?

শাষ । অগ্রসর হও । সঙের মত খাড়া দাঁড়িয়ে রৈলে যে সব !—
আক্রমণ কর, দেখছ না বীর নিরস্ত্র ?

ভীষ্ম । সে কি সৌভরাজ ?

শাষ । এ হস্তিনার প্রাসাদ নয় ভীষ্ম । এ উন্মুক্ত ক্ষেত্র । এখানে
তোমার বীর্য্য পরীক্ষা হবে ।

ভীষ্ম । ও বুঝেছি । উত্তম । [তরবারি নিষ্কাশন করিতে উত্তত]
একি ! তরবারি !—ঐ যা ! ফেলে এসেছি !

শাষ । বন্দী কর—

ভীষ্মকে সৈনিকগণ আক্রমণ করিল ।

ভীষ্ম রিক্তহস্তে যুদ্ধ করিতে করিতে দু'চারিজন সৈনিককে পাতিত
করিয়া ভূপতিত হইলেন ।

শাষ । বন্ধন কর ।

সৈনিকগণ ভীষ্মকে বন্ধন করিল ।

শাষ । তবে আর কি ! বধ কর ।—কিন্তু তার পূর্বে, ভীষ্ম,
হস্তিনার অপমানের এই প্রতিশোধ । [পদাঘাত]

ভীষ্ম । আমার তরবারি ! আমার তরবারি !

শাষ । এই যে দিচ্ছি [পদাঘাত]

তরবারি হস্তে মাধবের প্রবেশ ।

মাধব । একি দেবব্রত ভূমিতলে পড়ে,—চারিদিকে সৈন্ত ! এ যে
সৌভরাজ শাব্ব । ব্যাপাব খানাটা কি ?

শাব্ব । সরে' দাঁড়াও ব্রাহ্মণ !

ভীষ্ম । তরবারি ! কাকা, আমার তরবারি—এক মুহূর্তের জন্ত ।—

শাব্ব । বধ কর । শীঘ্র বধ কর ।

সৈনিকগণ তাঁহার প্রতি ভুল্ল নিষ্ক্ষেপ করিতে উত্তত হইলে মাধব
কহিলেন—“নিরস্ত্র বন্দীর হত্যাব পূর্বে ব্রাহ্মহত্যা হউক—” এই বলিয়া
ভীষ্মকে নিজের শরীর দ্বারা আবৃত করিলেন ।

সসৈনিক দাশরাজের প্রবেশ ।

দাশরাজ । কার সাধ্য ! [সৈনিকগণের সম্মুখে বর্ষা লইয়া দণ্ডায়মান]

শাব্ব । বধ কর—বধ কর—এই মুহূর্তে—

দাশরাজ । আমি দাঁড়িয়ে থাকতে !—কোন ভয় নাই ভাই ।
—লাঠিয়ালসব !

শাব্ব । কে তুমি !

দাশরাজ । আমি দাশরাজ ।

শাব্ব । জেলের সর্দার ?

দাশরাজ । হাঁ আমি জেলের সর্দার বটে ! কিন্তু জেলের সর্দারও
এটুকু জানে যে যার হাতে বর্ষা নেই—তাকে বর্ষা মার্তে নাই ।

মাধব । সাধু, দাশরাজ ।

শাব্ব । সরে' দাঁড়াও ।

তৃতীয় অঙ্ক ।]

ভীষ্ম ।

[প্রথম দৃশ্য ।

দাশরাজ । কখন না । প্রাণ দেব । কিন্তু ভাইয়ের গায়ে কুটোটি লাগতে দেব না—আমি বেঁচে থাকতে ।—লাঠিয়ালসব । একবার সার বেঁধে দাঁড়া ত রে ভাই ! একবার—ক্ষত্রিয় কি রকম দেখি ! [অর্ধ ঘুরাইলেন]

মাধব এতক্ষণ ভীষ্মের বন্ধন কর্তন করিতেছিলেন । ভীষ্ম মুক্ত হইয়া তরবারি হস্তে দাঁড়াইয়া কহিলেন—“আর তার প্রয়োজন নাই ।—এসো সৌভরাজ ।”

শাৰ্ব সৈনিক পলায়নোত্ত হইলে দাশরাজ কহিলেন—“তা হ’চ্ছে না চাঁদ !”—

দাশরাজ লাঠিয়াল সহ শাৰ্বের পলায়নপথ অবরোধ করিয়া দাঁড়াইলেন ।

ভীষ্ম । যুদ্ধ কর—ক্ষত্রকুলাঙ্গার !

শাৰ্ব । [তরবারি ভীষ্মের পদতলে রাখিয়া করজোড়ে নত জানু হইয়া] ক্ষমা কর ভীষ্ম ।

দাশরাজ । [তাহাকে পদাঘাত করিয়া পাতিত করিয়া বক্ষের উপর বসিয়া] এই কর্ছি ।—“দিই বর্ষা বিধিয়ে” [ভল্ল উত্তোলন]

শাৰ্ব প্রার্থনাপূর্ণ নেত্রে ভীষ্মের দিকে চাহিলেন । তখন ভীষ্ম কহিলেন—“ছেড়ে দাও । তোমার তরবারি, লও মহারাজ !” বলিয়া শাৰ্বের তরবারি শাৰ্বকে দিলেন ।

দাশরাজ । আচ্ছা ভাই যখন ব’ল্ছে—ছেড়ে দিলাম । কিন্তু জেলের সর্দারকে যেন মনে থাকে ক্ষত্র মহারাজ !

শাৰ্ব প্রস্থানোত্ত হইলে ভীষ্ম তাহাকে কহিলেন—“দাঁড়াও সৌভপতি ।” [শাৰ্ব দাঁড়াইলেন]

১০৬]

তৃতীয় অঙ্ক ।]

ভীষ্ম ।

[প্রথম দৃশ্য ।

ভীষ্ম । শোন সৌভবাজ ! নিরস্ত্র বন্দী'ব হত্যা ক্ষত্র ধর্ম নয় । মনে
বেথো । এমন কি, যে পদাঘাত ক'বেছে সেও ক্ষমা চাইলে পদাঘাতেরও
প্রত্যাশোধেব প্রয়োজন হয় না ।—যাও ।

[সৈনিক শাস্ত্রের প্রস্থান]

মাধব । ব্যাপার খানা কি দেবব্রত ।

ভীষ্ম । এরাও ক্ষত্রিয় ।

দাশরাজ । ছেড়ে দিলে ভাই ?

ভীষ্ম । দাশবাজ ! তুমি সাহসী পুরুষ ।

দাশবাজ । খোলা মাঠে একবার বেবিয়ে প'ড়তে পারলে আ'ব কাউকে
ডবাই না ।—কেবল বাড়ীতে আমা'ব পবিবাবকে ভয় করি ।

ভীষ্ম । ক্ষত্রিয় এ বকম হয় !—সাধে কি পবশুবাম—যাক্ ।

[প্রস্থান । মাধব ও দাশবাজ অনুগামী হইলেন]

মাধব । তুমি এখানে যে !

দাশরাজ । . বিয়ে কর্তে ।

মাধব । . কেন ! তোমা'ব স্ত্রী ?

দাশরাজ । বড় ঝগড়া করে ।

[নিষ্ক্রান্ত]

দ্বিতীয় দৃশ্য ।

—o:*:o—

স্থান—কাশিরাজপ্রাসাদ । কাল—প্রভাত ।

কাশিরাজ ও কাশিরাজপুত্র ।

কাশিরাজ । কি আশ্চর্য্য ! রাত্রিকালে আমার বহিরুদ্যানে—
কাশিরাজপুত্র । মৃত সৈনিকগণ যে সৌভরাজ শাশুর, তার প্রমাণ
পাওয়া গিয়েছে ।

কাশিরাজ । কিন্তু—তাদের গায়ে অস্ত্রের চিহ্ন নাই ?

কাশিরাজপুত্র । না পিতা !

কাশিরাজ । অধিকা আর অস্থানিকার সঙ্গে কাল সন্ধ্যায় ভীষ্মের
দেখা হ'য়েছিল ?

কাশিরাজপুত্র । হ'য়েছিল ।

কাশিরাজ । তাইত !—কিন্তু ভীষ্ম এ কাজ করবে ! উদ্দেশ্য কি !—
কিছুই বুঝতে পারছি না । আচ্ছা যাও স্বয়ংবরের আয়োজন করগে যাও ।

কাশিরাজপুত্র । যে আজ্ঞা পিতা ।

['প্রস্থান]

কাশিরাজ । তাইত ! বিবাহের ঠিক পূর্বে—

মাধবের প্রবেশ ।

মাধব । আপনি কাশিরাজ !

সৌভপ । কাশিরাজ । হাঁ ।—ব্রাহ্মণ !—[প্রণাম] আপনাকে চিন্তে পারছি না ।

তৃতীয় অঙ্ক ।]

ভীষ্ম ।

[দ্বিতীয় দৃশ্য ।

মাধব । আমি পূর্বে মৃত মহারাজ শান্তনুর বয়স ছিলাম । এখন তাঁর পুত্রগণের অভিভাবক ।—হস্তিনার যুবরাজ দেবব্রত-ভীষ্ম হস্তিনার মহারাজ বিচিত্রবীর্যের জন্তু আপনার কনিষ্ঠা কন্যাদ্বয়কে প্রার্থনা কর্তে আমায় পাঠিয়েছেন ।

কাশিরাজ । সে কি ব্রাহ্মণ ! এ স্বয়ংবর সভা !

মাধব । তবে মহারাজ অস্বীকৃত ?

কাশিরাজ । নিশ্চয় !

মাধব । আমিও তাই ভেবেছিলাম ।—জয়োস্তু । [প্রস্থান]

কাশিবাজ । এ কি রকম !

সুনন্দার প্রবেশ ।

সুনন্দা । মহারাণী একবার মহারাজকে অন্তঃপুরে ডাকছেন ।

কাশিরাজ । কেন !

সুনন্দা । বড় রাজকণ্ঠা ভয়ানক কাঁদছেন ।

কাশিরাজ । কাঁদছে ?—কেন ?

সুনন্দা । জানি না ।

কাশিরাজ । যাচ্ছি ! যাও ।

[সুনন্দার প্রস্থান]

কাশিরাজ । এ সব ব্যাপার নিশ্চয় কোন ভাবী অমঙ্গলের সূচনা ক'চ্ছে ।—বুঝতে পাচ্ছি না !

[নিষ্ক্রান্ত]

তৃতীয় দৃশ্য ।

—o:*o—

স্থান—কাশিতে স্বয়ংবর সভা । কাল—প্রভাত ।

ক্ষত্রিয় রাজগণ ও সমস্তী দাশরাজ আসীন ।

পার্শ্বে কাশিরাজপুত্র ও ভট্টগণ ইত্যাদি ।

শাব্ব । কাশিরাজ কোথায় ?

কাশিরাজপুত্র । তিনি কন্যাদের নিয়ে আসছেন ।

একজন রাজা । এ কে ?

কাশিরাজপুত্র । তাইত ! এ কে ? তুমি কে হে ?

দাশরাজ । আমি দাশরাজ ।

কাশিরাজপুত্র । সে আবার কি !—এখানে কি অভিপ্রায়ে ?

দাশরাজ । আমি একজন স্ত্রীর উমেদার ।

কাশিরাজপুত্র । উমেদার কি রকম ?

দাশরাজ । আমি বিয়ে করব ।

কাশিরাজপুত্র । তুমি ! তুমি কি জাত ?

দাশরাজ । ধীবর ।

কাশিরাজপুত্র । জেলে ?

দাশরাজ । না, ধীবর ।

কাশিরাজপুত্র । বলি ব্যবসা ত মাছ ধরা ?

তৃতীয় অঙ্ক ।]

ভীষ্ম ।

[তৃতীয় দৃশ্য ।

দাশবাজ । হলোই বা ! ব্যবসা কি মন্দ ? জামাই ধরার চেয়ে মাছ ধরার চেয়ে ভালো ।

কাশিরাজপুত্র । জামাই ধরা কি রকম ?

দাশবাজ । নয়ত কি ! জন কতক নিরীহ ভদ্রলোকের ছেলেকে নিমন্ত্রণ করে' এনে তাদের ঘাড়ের উপর চিরজন্মের মত এক একটা গাধার মোট চাপিয়ে দেওয়া—এর চেয়ে মাছ ধরা অনেক ভালো । তার উপরে মাছ খাওয়া যায়, জামাই খাওয়া যায় না ।

কাশিরাজপুত্র । এ বলে কি !

শাষ । একে বার করে' দিন বুবরাজ ।

দাশবাজ । বার করে' দেবে ! দাও দেখি !

কাশিরাজপুত্র । এ ক্ষত্রিয়ের সভা । এখানে ধীবরের প্রবেশের অধিকার নাই ।

দাশবাজ । আমি রাজা ।

শাষ । ধীবরের আবার রাজা কি ?

দাশবাজ । আমি হস্তিনার মহারাজের স্বশুর ।

কাশিরাজপুত্র । স্বশুর কি রকম ?

দাশবাজ । মহারাজ শান্তিনু আমার মেয়ে মৎস্যগন্ধাকে যেচে এসে বিয়ে ক'রেছেন ।

কাশিরাজপুত্র । সত্য নাকি ?

দাশবাজ । মুষড়ে গিয়েছে । দেখছ মন্ত্রী ?—সম্পূর্ণ রকম মুষড়ে গিয়েছে । দেখছ ?

মন্ত্রী । আঙ্কে হাঁ ।

তৃতীয় অঙ্ক ।]

ভীষ্ম ।

[তৃতীয় দৃশ্য ।

দাশরাজ । ‘আজ্ঞে হাঁ’ কি ।—বল ‘হাঁ মহারাজ’ । আমি রাজা সেটা সদা সর্বদা মনে রেখো ।

কাশিরাজপুত্র । ঋত্রিয় নীচজাতীয় ব্যক্তির কণ্ঠা গ্রহণ কর্তে পাঠ্য, কিন্তু নীচজাতীয় কাহাকে কণ্ঠা দান করে না ।

দাশরাজ । সেটা একটা কুপ্রথা ।—কি বল মন্ত্রী !

মন্ত্রী । মহারাজের বংশ এখানে উপস্থিত কোন রাজার বংশের চেয়ে কম নয় ।

কাশিরাজপুত্র । ধীবরের আবার বংশ ।—সে কঞ্চি—বাকারী ।

দাশরাজ । মন্ত্রী ! এরা আমার অপমান কচ্ছে । দেখছ ?

মন্ত্রী । আজ্ঞে তা দেখছি ।

দাশরাজ । আবার “আজ্ঞে” ! বল “দেখছি মহারাজ ।”

কাশিরাজপুত্র । উঠে যাও ।

দাশরাজ । কেন ?

শাব্ব । তুমি এখানে কি করবে ?

দাশরাজ । বিয়ে করব ।

কাশিরাজপুত্র । সহজে না উঠলে, প্রহরী গলাধাক্কা দিয়ে বিদায় করে’ দেবে ।

দাশরাজ । কি ! গলাধাক্কা দিয়ে ?

কাশিরাজপুত্র । হাঁ ।

দাশরাজ । গলাধাক্কা ?

কাশিরাজপুত্র । গলাধাক্কা ।

দাশরাজ । মন্ত্রী !—

তৃতীয় অঙ্ক ।]

ভীষ্ম ।

[তৃতীয় দৃশ্য ।

কাশিরাজপুত্র । ওঠো আসন থেকে । নৈলে এই—

দাশরাজ । কেন ! উঠবো কেন !—মন্ত্রী !

মন্ত্রী । [কর্ণে] মহারাজ আসন থেকে উঠে পড়ুন ।

দাশরাজ । কেন ? কেন ? আসন থেকে উঠবো কেন ? আসন থেকে—

মন্ত্রী । আগে উঠুন । তার পর কথা । নৈলে—

দাশরাজ । নৈলে কি ?

মন্ত্রী । নৈলে গেলেন ।

দাশরাজ । নৈলে গেলাম নাকি ?

মন্ত্রী । এই গেলেন ।

দাশরাজ । এঁগা—এঁগা—

মন্ত্রী । উ—ঠুন । নৈলে সৰ্বনাশ !

দাশরাজ । এঁগা [উঠিলেন]

মন্ত্রী । এখন বাইরে বেরিয়ে আসুন ।

দাশরাজ । বেরিয়ে যাবো কেন ?

মন্ত্রী । আসুন আগে । নৈলে—

দাশরাজ । গেলাম নাকি ?

মন্ত্রী । গিয়েছেন ।

দাশরাজ । ওরে বাবা !—চল চল [ঘাইতে ঘাইতে ফিরিয়া আসিয়া] কিন্তু—

মন্ত্রী । আবার 'কিন্তু'—চলে' আসুন ।

[হাত ধরিয়া টানিয়া লইয়া গেলেন]

তৃতীয় অঙ্ক ।]

ভীষ্ম ।

[তৃতীয় দৃশ্য ।

শাব্ব । একে এখানে আস্তে দিলে কে ?—এই যে মহারাজ আসছেন ।

শঙ্খধ্বনিসহকারে কাশিরাজ ও তাঁহার ভূষিতা
অবগুষ্ঠিতা কণ্ঠ্যত্রয়ের প্রবেশ ।

প্রতীহারী । মহারাজের জয় হোক !

[বাণ্যযন্ত্র]

কাশিরাজ । মহারাজবৃন্দ ! আপনাদের আগমনে আমার রাজ্য,
আমার প্রাসাদ, আমার সভা ধ্বংস হোল ।

বন্দীদিগের গীত ।

বন্দে রত্নপ্রভবমধিপং রাজবংশপ্রদীপং
শক্রক্রাসং প্রবলমতিশঃ ক্ষেমমৌলিং বরেণ্যম্ ।
ধন্বা কাশি স্বয়ি সমুদিতে ধন্বমেতৎ কুটীরং
আগচ্ছ স্বঃপ্রতিমনগরীং স্বাগতং তে ক্ষিতীশ ॥

কাশিরাজ । রাজগণ সকলেই সমাগত ?

কাশিরাজপুত্র । হাঁ পিতা ।

কাশিরাজ । আমার প্রিয়তম জ্যেষ্ঠ কণ্ঠ্য অম্বা ! তবে এখন তোমার
মনোনীত পতি বরণ কর ।

অম্বা সখী সুনন্দার সহিত একেবারে গিয়া শাব্বরাজের গলদেশে
বরমাল্য পরাইতে উদ্যত হইলে, মাধবের সহিত ভীষ্ম প্রবেশ করিয়া
কহিলেন,—“দাঁড়াও” ।

সকলে স্তম্ভিত হইয়া থমকিয়া দাঁড়াইলেন । কাশিরাজ অগ্রসর হইয়া
কহিলেন “মহামতি ভীষ্ম ! আসন পরিগ্রহ করুন ।”

১১৪]

তৃতীয় অঙ্ক ।]

ভীষ্ম ।

[তৃতীয় দৃশ্য ।

ভীষ্ম । প্রয়োজন নাই কাশিমহারাজ । আমি এখানে নিমন্ত্রিত হ'য়ে আসি নাই । আমি বিবাহপ্রার্থী নই । আমার জন্ম আসন এখানে প্রস্তুতও হয় নাই ।

কাশিরাজ । তবে হস্তিনার রাজপুত্রের এখানে অকস্মাৎ আগমনের হেতু জিজ্ঞাসা কর্তে পারি কি ?

ভীষ্ম । আমি কাশিরাজের কন্যাদ্বয়কে হস্তিনাধিপতি বিচিত্রবীৰ্য্যের পত্নীভাবে প্রার্থনা করি ।

কাশিরাজ । সে কিরূপ যুববাজ ! এ স্বয়ংবর সভা ।

ভীষ্ম । তা জানি কাশিরাজ । তথাপি আমি কাশিরাজের এই কন্যাদ্বয়কে চাই । মহারাজ যদি এ প্রস্তাবে সম্মত না হন, তবে আমি সবলে তাদের হরণ করে' নিয়ে যাবো ।

কাশিরাজ । কুমার ! এ অসম্ভব ।

ভীষ্ম । * তবে মহারাজ ক্ষমা কর্ণেন ! আমি এ কন্যাদ্বয়কে হরণ কবে' নিয়ে যাচ্ছি । ঋার সাধ্য আমার গতিরোধ করুন । আসুন—
[অশ্বার হস্ত ধরিলেন]

শাব্ব । স্পর্ধা বটে । [তরবারি খুলিলেন]

কাশিরাজ । * কুমারের মস্তিষ্ক বিকৃত হ'য়েছে নিশ্চয় । নইলে এ স্বয়ংবর সভার অনাহূত হ'য়ে ঐসে—

ভীষ্ম । জানি মহারাজ ! এ যজ্ঞে হস্তিনাধিপতির নিমন্ত্রণ হয় নাই কেন । কারণ, বর্তমান হস্তিনাধিপতির মাতা ধীবরনন্দিনী । আপনারা ইতিপূর্বেই মহারাজ শাস্তনুর ঋগুর দাশরাজকে এ সভা থেকে বহিষ্কৃত করে' দিয়েছেন । কিন্তু ভীষ্ম জীবিত থাকতে তার পিতার মর্যাদাকে ক্ষুণ্ণ

[১১৫

তৃতীয় অঙ্ক ।]

ভীষ্ম ।

[তৃতীয় দৃশ্য ।

হ'তে দেবে না জান্বেন । এ কণ্ঠাদের হস্তিনাধিপতির পত্নীস্বরূপ আমি
গ্রহণ কর্লাম । যাঁর সাধ্য প্রতিরোধ করুন ।

শাব্ব । মহারাজগণ !

মহারাজগণ একত্রে সিংহাসন হইতে উঠিয়া
তরবারি বাহির করিলেন ।

ভীষ্ম । সৈনিকগণ !

দশজন সশস্ত্র সৈনিকের প্রবেশ ।

ভীষ্ম । এই কণ্ঠাদের ঘিরে নিষে গিয়ে আমার রথে উঠাও ।
কেহ গতিরোধ কর্লে অস্ত্র ব্যবহার কর্ত্তে দ্বিধা কোরো না । কাকা,
আপনি এদের সঙ্গে যান ।

সৈনিকগণ কণ্ঠাত্রয়কে ঘিরিয়া লইয়া গেল, সঙ্গে মাধব ।

ভীষ্ম । এখন মহারাজগণ ! যদি আপনারা একে একে বা একত্রে
হস্তিনাধিপতির বিপক্ষে দাঁড়াতে চান, একা ভীষ্ম তাদের যুদ্ধে আহ্বান
কর্চ্ছ ।

শাব্ব । আক্রমণ কর ।

সকলে ভীষ্মকে আক্রমণ করিলেন ।

ভীষ্ম । তবে বাহিরে আসুন । এ বিবাহসভা আপনাদের রক্তে
কলুষিত কর্ৰ না । [অস্ত্রদ্বারা আপনার শরীর রক্ষা করিতে লাগিলেন]

শাব্ব । এইখানেই বধ কর । [পথরোধ করিলেন]

১১৬]

তৃতীয় অঙ্ক ।]

ভীষ্ম ।

[চতুর্থ দৃশ্য ।

ভীষ্ম । তবে এইখানেই হত্যার ক্রিয়া আরম্ভ হোক ! [রাজাদিগকে
আক্রমণ কবিলেন]

পাঁচ ছয়জন রাজা ভীষ্মের অসিৰ আঘাতে ভূপতিত হইলেন ।
শব্দ আহত হইয়া পড়িয়া গেলেন ।

চতুর্থ দৃশ্য ।

—o:*o—

স্থান—হস্তিনার প্রাসাদকক্ষ । কাল—প্রাহ্ন ।

সত্যবতী একাকিনী ।

সত্যবতী । আমার পুত্র আমার অজ্ঞাতে বিবাহিত । আমার
সম্মতিব প্রয়োজন হয় নি ! এতই যুগিত আমি—আপন প্রাসাদে ?

বিচিত্রবীৰ্য্যের প্রবেশ ।

বিচিত্রবীৰ্য্য । মা মা শুনেছ ? [কাসি]

সত্যবতী । কি বাবা !

বিচিত্রবীৰ্য্য । সমস্ত রাজা একদিকে আর দাদা অন্যদিকে ; তবু
[কাসি] এই যুদ্ধে দাদা জিতেছে ! শুনেছ মা ?

সত্যবতী । শুনেছি বাবা !

বিচিত্রবীৰ্য্য । দাদার মত বীর ত্রিভুবনে নেই । [কাসি]

সত্যবতী । তোর বৌ পছন্দ হ'য়েছে ?

[১১৭

তৃতীয় অঙ্ক ।]

ভীষ্ম ।

[চতুর্থ দৃশ্য ।

বিচিত্রবীৰ্য্য । [নতমুখে] না মা ।

সত্যবতী । সে কি বৎস ! তারা সুন্দরী নয় ?

বিচিত্রবীৰ্য্য । সুন্দরী ! কিন্তু [কাসি] আমার প্রকৃতি তাদের প্রকৃতির সঙ্গে যেন খাপ খাচ্ছে না ।

সত্যবতী । কেন, বৎস !

বিচিত্রবীৰ্য্য । তারা চপল, তারা নিত্য প্রফুল্ল, তারা সজীব । আব আমি রুগ্ন, আমি বিষণ্ণ, [কাসি] আমার মনে তেজ নাই ।

সত্যবতী । কেন বাবা !

বিচিত্রবীৰ্য্য । কি জানি । আমার মনে হয় যেন আমি কে ! [কাসি] কোথা থেকে এসেছি ! পৃথিবীর সঙ্গে যেন খাপ খাচ্ছি না ! [কাসি] আমি বেঁচে আছি তা অনুভব করবার শক্তিও যেন আমার নাই । অনেক সময় সন্দেহ হয় যে আমি বেঁচে আছি কিনা [কাসি] মা, এই বৃদ্ধদের কখন ভালোবাসতে পারি না । তবে [কাসি] তাদের দেখতে ভালো লাগে—কারণ [কাসি] তারা সুন্দরী ; তাদের গান শুনে ভালো লাগে [কাসি] কারণ তাদের স্বর মিষ্ট । নৈলে—

সত্যবতী । বৎস বিচিত্রবীৰ্য্য ! 'কিসের দুঃখ তোর ? রাজপুত্র তুই—কিসের অভাব তোর । কেন সর্বদাই তোর এ ম্লানমুখ ।

বিচিত্রবীৰ্য্য । আমার যে কোন অভাব নাই, সেইটেই বেশী দুঃখ মা । যদি অভাব অনুভব কর্তাম, ত বোধ হয় তা পূর্ণ করে' সুখ হোত । আমি রাজপুত্র । আমার কিছু কর্তে হ'চ্ছে না । আমার করবার যা কিছু—তা সব অন্তে করে' দিচ্ছে । আমি সবারই স্নেহের পুতুল । আমি যেন একটা খেলনা ; জীবিত মানুষ নহি । তাই বুঝি আমার

১১৮]

তৃতীয় অঙ্ক ।]

ভীষ্ম ।

[চতুর্থ দৃশ্য ।

জীবন একটা মহাশূণ্ড, মহা অবসাদ । যাই—দাদা কোথায় দেখিগে’
যাই ।

[প্রস্থান]

সত্যবতী । কি আশ্চর্য্য ! বিয়েব পবে যেন আবণ্ড মিয়মাণ, আবণ্ড
নিজ্জীব । [মস্তক নত কবিষা চিন্তা কবিত্তে কবিত্তে নিজ্জাস্ত]

চিন্তিত ভীষ্মেব প্রবেশ ।

ভীষ্ম । সে দিন বালিকা, আজি সে পূর্ণ যুবতী ।
সেই মুখ, সেই ভঙ্গী সেই দৃষ্টিপাত ;
শুদ্ধ এক অভিনব স্মৃবিত বিহ্বাৎ
খেলিছে কটাক্ষে, যাহা পূর্বে দেখি নাই ।
ক্লশতবা ; পবিপাণ্ড ; সে দেহবল্লবী
ছাপিয়া প’ড়েছে যেন যৌবন মাধুবী,
পুস্পিত পল্লবসম বসন্ত উদগমে ।
—একি পুনবায় কেন চঞ্চল হৃদয় !—
বাখিয়াছি প্রলোভনে পদতলে দলি’,
তথাপি তাহার গাচ আচ্ছাদিত স্বব
ম্মবে মাঝে বেজে ওঠে ভগ্নভেরী সম ।—
এতই দুর্বল কি এ মানুষের মন !

অস্বাব প্রবেশ ।

ভীষ্ম । [চমকিয়া] কে তুমি !

[১১৯

অম্বা । কাশির রাজকণ্ঠা অম্বা নাম,
 —দেখ দেখি চিনিতে কি পারো যুবরাজ ?
 নীরব যে !—ঠিক বুঝি হয় না স্মরণ !
 স্মরণ করায় দেই ।—একদিন সেই
 কাশির গঙ্গার তটে, প্রাসাদউজানে,
 বটচ্ছায়ে, জানু পাতি' চরণে যাহার—
 দিয়াছিলে পরিচয় সৌখীন সন্ন্যাসী,
 “তোমার রূপের দ্বারে ভিখারী সুন্দরী ।”
 আমি সেই জন । মনে পড়ে যুবরাজ ?

ভীষ্ম । [নতমুখে] মনে পড়ে !

অম্বা । ‘মনে পড়ে’ ! আশ্চর্য্য পুরুষ !
 নীরস নিষ্কম্পস্বরে কহিলে এ বাণী
 গণিতের সত্যসম !—আশ্চর্য্য পুরুষ !
 একদিন ছিলে যা'র পিতার অতিথি,
 ছিল নিত্য যে তোমার নন্দসহচরী,
 প্রভাতে সঙ্কায় ; যা'র পদতলে ‘বসি’,
 করে কর রাখি’, নিত্য শুনিতে যাহার
 অবোধ উদ্ভ্রাস্ত বাণী মন্ত্রমুগ্ধ সম,
 যেন বিশ্ব আর কিছু নাই শুনিবার ;
 রহিতে চাহিয়া নিত্য যা'র মুখপানে
 যেন বিশ্ব আর কিছু নাহি দেখিবার ।
 একদিন যা'র সঙ্গে—

তৃতীয় অঙ্ক ।]

ভীষ্ম ।

[চতুর্থ দৃশ্য ।

ভীষ্ম । ক্ষমা কর দেবি !

কি কাজ স্মরিয়। আর সে ভূত-কাহিনী ।
তোমার আমার মধ্যে এক পারাবার
যায় কল্লোলিয়া আজি ।

অম্বা । জানি যুববাজ !

আসি নাই প্রেমভিক্ষা কবিত্তে তোমাব !
তুমি আনিয়াছ মোরে হরিয়। সবলে ।
আমি আসি নাই । সত্য কহিয়াছ তুমি—
“তোমার আমার মধ্যে এক পারাবাব
যায় কল্লোলিয়া আজি” কিম্বা ততোধিক ;—
তুমি আমি এক মর্ত্যে করি নাক বাস ।
তুমি যদি মর্ত্যবাসী যুববাজ, আমি—
স্বর্গ নাহি পাই যদি, যাইব নরকে,
মর্ত্যভূমে পদাঘাত করি’ ।

ভীষ্ম । কেন দেবি !

অম্বা । যাক্ ।—এখন জিজ্ঞাসা করি—

আমাকে এখানে কেন এনেছ সবলে ?

ভীষ্ম । চিনি নাই স্বয়ংবর সভা কোলাহলে ।

অম্বা । চিনি নাই কোলাহলে ?—মিথ্যাবাদী শঠ

আমারে ছাড়িয়া দাও ।

ভীষ্ম । আসিতেছি রাখি’

পিতৃগৃহে, আঞ্জা কর দেবি ।

তৃতীয় অঙ্ক ।]

ভীষ্ম ।

[চতুর্থ দৃশ্য ।

অম্বা ।

সদাশয়—

অতি সদাশয় তুমি । অতখানি শ্রম
সহিবে কি যুবরাজ ?—প্রয়োজন নাই ।
যাইব না পিতৃগৃহে । যাইব এক্ষণে
পতির সকাশে ।—আমারে ছাড়িয়া দাও ।

ভীষ্ম । পতির সকাশে ! দেবি ! কে তোমার পতি ?

অম্বা । সৌভ-নরপতি শাব্ব ।

ভীষ্ম । শাব্ব পতি তব !

সর্বনাশ ! হয় নাই পরিণয় তব ?

অম্বা । হউক বা না হউক—তোমার কি তাহে,
হস্তিনার যুবরাজ । হউক বা না হউক,
অন্তরে পতির পদে বরিয়াছি তারে ।

রমণী শৃগাল সম খল ধূর্ত নহে ;

অস্থির চপল নহে বাতাসের মত

পুরুষের মত শঠ নহে । একবার

রমণী যাহারে করে অন্তরে বরণ,

সেই ভাগ্যবান্ তার পতি আমরণ ।

ভীষ্ম । শাব্বে ভালোবাসো তুমি ?

অম্বা । কেন বাসিব না ?

ভাবিয়াছ যুবরাজ এ ধরণী তলে

তুমি একা যোগ্যপাত্র ভালোবাসিবার ?

ভাবিয়াছ অন্তঃপুরে অন্তঃপুরে নারী'

করিছে তোমারি পূজা কুমুম চন্দনে ?
—হঁা নিশ্চয় ভালোবাসি সৌভরাজে আমি ।

ভীষ্ম । সাবধান দেবি । শাব পামর লম্পট ।

অম্বা । সাবধান যুবরাজ । শাব পতি মম ।

ভীষ্ম । এযে আত্মবলিদান ।

অম্বা । তোমার কি তাহে ?

ভীষ্ম । আমার কি দেবি ? এই আত্মহত্যা তব
করিব না নিবারণ আমি যদি পারি ?
দেবি, বেছে নাও তুমি পতি অগ্ৰজনে ।
করিও না আত্মহত্যা ।

অম্বা । স্পর্ধা যুবরাজ ।

কে চাহে তোমার এই উপদেশবাণী ?
ছেড়ে দাও ।

ভীষ্ম । করিও না আত্মহত্যা দেবি ।

অম্বা । ছেড়ে দাও ।

ভীষ্ম । পারিব না ।, করিও মার্জনা ।

তোমাতে ভগিনী আমি এত ভালোবাসি ।

অম্বা । ভালোবাসো নাহি বাসো কার যার আসে ।

আমার উপরে তব নাহি অধিকার ।

ব্রহ্মচারী ! ছেড়ে দাও । করি এ শপথ—

শাব—সে আমার পতি জীবনে মরণে ।—

ছেড়ে দাও রাজদম্ভ্য ।

ভীষ্ম । তথাস্তু ভগিনী ।

মুক্তদ্বার । যাও দেবি পতির সকাশে ।
আশীর্বাদ করি, তুমি যশস্বিনী হও,
বিবাহে সুখিনী হও !

অম্বা । কে চাহে তোমার
আশীর্বাদ যুবরাজ ? কর আয়োজন
ছেড়ে যাই হস্তিনার বিষাক্ত বাতাস ।

ভীষ্ম । তথাস্তু । প্রস্তুত হও, করি আয়োজন ।
অম্বা নিফল ক্রোধে স্বীয় ওষ্ঠ দংশন করিয়া প্রস্থান করিলেন ।

ভীষ্ম । —কি যুদ্ধ চলিতেছিল অন্তরে আমার
এতক্ষণ—প্রিয়ভগ্নী—জানিতে যত্নপি !
প্রকৃত বীরত্ব এই । বাহুবলে জয়
তুচ্ছ কথা, সাক্ষ্য দেয় পাশবশক্তির ।
দাঁড়িয়ে মানসক্ষেত্রে, নিজ প্রবৃত্তির
সঙ্গে যুদ্ধ করা, তারে করা পরাজয়—
মহুষ্যের প্রকৃত শৌর্য্যের পরিচয় ।
মাধবের প্রবেশ ।

মাধব । দেবব্রত !

ভীষ্ম । কি কাকা !

মাধব । বিচিত্রবীর্য্য বড় কাঁদছে । তুমি শীঘ্র এসো ।

ভীষ্ম । কাঁদছে ? কেন ?

মাধব । জানি না ।

তৃতীয় অঙ্ক ।]

ভীষ্ম ।

[চতুর্থ দৃশ্য ।

ভীষ্ম । আমি যাচ্ছি । তাকে এখানেই নিয়ে আসছি । তুমি এখানে অপেক্ষা কর কাকা । কথা আছে ।

[প্রস্থান]

মাধব । সব যেন গুলিয়ে যাচ্ছে ।

সত্যবতীৰ প্রবেশ ।

সত্যবতী । কে ? ব্রাহ্মণ ?

মাধব । কে ?—সম্রাজ্ঞী ?

সত্যবতী । দেবব্রত কোথায ?

মাধব । সে খোঁজে দবকাব কি সম্রাজ্ঞী ?

সত্যবতী । তাকে বলগে যে আমি একবাব তাব সাক্ষাৎ চাই ।

মাধব । কাবণ ?

সত্যবতী । আমি তাকে, তোমাকেও জিজ্ঞাসা কৰ্ত্তে চাই যে, আমি কি এ সাম্রাজ্যেব কেহ নই, বাজপবিবাবেব কেহ নই, বিচিত্রবীৰ্য্যেব কেহ নই ?

মাধব । কে ব'লেছে ?

সত্যবতী । বুলাব—প্রযোজন নাই । কার্যে ত তাই দেখছি ।

মাধব । কি কার্য সম্রাজ্ঞী ?

সত্যবতী । এই বিচিত্রবীৰ্য্যেব বিবাহসম্পাদন কার্য । কাশিবাজ কণ্ঠাঙ্ঘকে সবলে হরণ কবে' নিয়ে এসে তোমবা ছজন—বালক যুববাজ বিচিত্রবীৰ্য্যেব সঙ্গে বিবাহ দিলে । আমাকে একবাব জিজ্ঞাসাও না কবে' !
যেন—[স্বব ভাঙ্গিয়া গেল]

[১২৫

তৃতীয় অঙ্ক ।]

ভীষ্ম ।

[চতুর্থ দৃশ্য ।

মাধব । সম্রাজ্ঞী ! ঐ বালকের যক্ষ্মাকাশ হওয়ায় বৈশ্ব ব'লে গিয়েছে, যে ও যতই হৃষ্ট থাকবে ততই ওর শরীর ও মনের পক্ষে মঙ্গল ।

সত্যবতী । তার পর—

মাধব । সেই জন্তু আমরা দুজন এই দুটা সুন্দরী চপলা আনন্দময়ী বালিকার সঙ্গে তার বিবাহ দিয়েছি ।

সত্যবতী । এ কথা আমায় পূর্বে একবার জিজ্ঞাসা কর্তে পার্তে ।—
কি নিরন্তর যে ?

মাধব । এব উত্তর সম্রাজ্ঞীর প্রীতিপ্রদ হবে না ।

সত্যবতী । তবু আমি শুন্তে চাই ।

মাধব । সম্রাজ্ঞী এক পুত্রের হত্যাসাধন ক'রেছেন । অপর পুত্র
হত্যা কর্তে দিতে পাবি না ।

সত্যবতী । সাবধান ব্রাহ্মণ !

মাধব । চোখ রাঙ্গাচ্ছ কাকে ধীবরতুহিতা !

সত্যবতী । এতদুব স্পদ্ধা !—পার্শ্বচরগণ ! বন্দী কর ।

পার্শ্বচরগণ মাধবকে বন্দী করিল ।

সত্যবতী । কারাগারে নিয়ে যাও । এই ব্রাহ্মণকে শৃগাল 'দিয়ে
খাওয়ানো । পরে যা হবার হবে ।

ভীষ্মের পুনঃ প্রবেশ ।

ভীষ্ম । ঘরে এত কোলাহল কিসের ? [মাধবকে দেখিয়া ও
সম্রাজ্ঞীর প্রতি চাহিয়া] ও ! বুঝেছি ।—বন্ধন খুলে দাও সৈনিক !

১২৬]

তৃতীয় অঙ্ক ।]

ভীষ্ম ।

[চতুর্থ দৃশ্য ।

সত্যবতী । সাবধান [সৈনিককে]

ভীষ্ম । খুলে দাও !

[সৈনিকগণ বন্ধন খুলিয়া দিল ।]

সত্যবতী । দেবব্রত !

[ভীষ্ম সে দিকে দৃষ্টিপাত না করিয়া চলিয়া গেলেন]

মাধব । সম্রাজ্ঞী ! কি আজ্ঞা হয় [এই বলিয়া ব্যঙ্গভরে জামু
পাতিলেন]—হামভিবাদয়ে । [উঠিয়া প্রস্থান]

সত্যবতী । নেমে যাও বসুন্ধরা পদতল হ'তে,
আর—আব—স্নগাভবে, জড়াইয়া গলে
এই অবজ্ঞাব রশ্মি, আমি বুলে পড়ি
মহাশূত্রে । দ্রবীভূত—অনল প্রবাহ
আমাব সৰ্ব্বাঙ্গে বহে যায়—জ'লে যাই ।
কেন সে আমাবে নাহি কবে ভস্মসাৎ ।

বিচিত্রবীর্য্যেব প্রবেশ ।

বিচিত্রবীর্য্য । মা মা !

সত্যবতী । বৎস !—না না আমি কেহ নহি তোঁর ।

বালক ! বিচিত্রবীর্য্য ! আমি আর তব
মাতা নহি ! আমি কালসাপিনী, যাহার
বিষদাঁত ভেঙ্গে গেছে । আমি পুরাতন
বিশুদ্ধ নীরস বৃক্ষকাণ্ড, যাহা আর

নাহি হয় বিকশিত কুম্ভমে পল্লবে ।
 তুই রাজপুত্র, আর আমি ভিখারিণী !
 যেন আমি এ রাজ্যের কেহ নহি আর,
 পুত্রের জননী নহি ;—যেন—যেন আমি
 রোগীর বমনভোজী পথের কুকুর ।
 আমি তোর মাতা নহি । ভীষ্ম ভ্রাতা তোর ।
 আমি তোর কেহ নহি !—ওকি ওকি বৎস !
 ছুটি মুক্তাফল ধীরে পড়িল গড়ায়ে
 ছুটি আরক্তিম গণ্ডে ! কি হ'য়েছে বৎস ?

বিচিত্রবীৰ্য্য । আমি কেহ নহি তব ?

সত্যবতী । কে বলিল ?

বিচিত্রবীৰ্য্য । তুমি ।

সত্যবতী । না না মিথ্যা বলিয়াছি । সব মিথ্যা কথা ।

আমার সৰ্ব্বস্ব তুই ! এ বিশ্বসংসাবে
 কে আর আমার আছে । ছুটি চক্ষু ছিল,
 এক চক্ষু গেছে, বৎস আর চক্ষু তুই ।
 তুই নয়নের ছাতি, শরীরের প্রাণ,
 বুভুক্ষার খাণ্ড তুই, পিপাসার বারি ।
 —আয় বৎস কোলে আয় । পাপীয়সী আমি,
 তথাপি জননী । অবমানিতা, দলিতা,
 বিশ্বের বর্জিতা আমি—তথাপি জননী ।
 তোরে গর্ভে ধরিয়াছি, তাতে ধরি নাই ;

তৃতীয় অঙ্ক ।]

ভীষ্ম ।

[পঞ্চম দৃশ্য ।

আয় বৎস বক্ষে আয়—সর্ব অপমান
ভুলে যাই প্রাণাধিক ! সর্বস্ব আমার ।

[বিচিত্রবীর্যকে বক্ষে ধারণ]

বিচিত্রবীর্য । মা অন্তঃপুরে চল ! তোমার কোলে মাথা রেখে আমি
মুমোবো ।

পঞ্চম দৃশ্য ।

—*—

স্থান—সৌভরাজ শাস্ত্রের প্রমোদ-ভবন । কাল—সন্ধ্যা ।

শাস্ত্র ও তুহার পারিষদগণ বসিয়া হাস্য পরিহাস করিতেছিলেন । পারিষদ-
গণ রসিকতা করিবার ব্যর্থ প্রয়াস করিতেছিলেন কিন্তু অব্যবহিত
হাস্য রসিকতার অভাব পূর্ণ করিতেছিল ।

১ পারিষদ । আমার আশ্চর্য্য মনে হয় মহারাজ, যে কাশিরাজ-কন্যা
একপি কুলটাব মত আচরণ করেন ।

শাস্ত্র । যখন শুনলাম যে সে স্বেচ্ছায় ভীষ্মের রথে গিয়ে উঠেছে তখন
ধনুর্বাণ পরিত্যাগ করলাম ।

২ পারিষদ । তা মহারাজ ঠিক ক'রেছেন ।

শাস্ত্র । নৈলে ভীষ্মের সাধ্য ছিল যে আমার গ্রাস থেকে শিকার
কেড়ে নেয় ।

[১২৯

তৃতীয় অঙ্ক ।]

ভীষ্ম ।

[পঞ্চম দৃশ্য ।

৩ পারিষদ । রাজকন্যার সঙ্গে শুনেছি এই হস্তিনার যুবরাজের পূর্বে
প্রণয় ছিল ।

শাষ্ম । ছিল বৈ কি !

৪ পারিষদ । তবে মহারাজের গলায় রাজকুমারী মালা দিতে এলেন
যে—বেশ একটু খটকা লাগছে ।

শাষ্ম । তা আর আশ্চর্য্য কি । [পঞ্চম পারিষদের দিকে চাহিলেন]

৫ পারিষদ । তা আর আশ্চর্য্য কি ! মহারাজের চেহারাখানা দেখলে
আমরা যে পুরুষ মানুষ, আমরা প্রেমে পড়ি ; তা কাশিরাজ-কন্যা ।

(সকলে হাসিল)

১ পারিষদ । সে রাজকুমারী তবে ভীষ্মের রথে উঠলেন কেন ?

২ পারিষদ । কুলটার আচরণ ।

শাষ্ম । সে নারী দস্তুর মত কুলটা ।

৩ পারিষদ । বিবাহের আগেই ?

৪ পারিষদ । শুন্ছিলাম মহারাজ, যে ভীষ্ম তাকে ত্যাগ ক'রেছেন ।

শাষ্ম । ভীষ্ম ব্রহ্মচারী কিনা !

৪ পারিষদ । সে ভীষ্মের কাছে কদিন থাকবে । এখানে আসতেই
হবে ।

শাষ্ম । এলেই বা কি আর না এলেই বা কি ?

২ পারিষদ । মহারাজের শতাধিক সুন্দরী পত্নী আছে ।

শাষ্ম । একটা বেশীতে কি একটা কমে কিছু যায় আসে না ।

৩ পারিষদ । যদি সত্যই সে রাজকুমারী মহারাজের কাছে ফিবে
আসে ?

১৩০]

শাশ্ব । আমি তাকে ভীষ্মেব কাছে ফিবে পাঠিয়ে দেবো ।

৪ পারিষদ । তবে এসে নাচতে চাষ নাচুক ।

শাশ্ব হাসিলেন ও চতুর্থ পারিষদের স্বন্ধে থাবুড়া মাবিলেন ।

৫ পারিষদ । মহারাজেব সহস্র গণিকা । আব দবকাব আছে কি ?

শাশ্ব । এই যে নর্তকীবা—এসো অস্থাব দল নাচ গাও ।

নর্তকীবা নাচিতে নাচিতে গাহিতে গাহিতে প্রবেশ কবিল ।

গীত ।

ভাসিয়ে দেরে সাধের তরী পাল তুলে দে' ভেসে চল ।

উঠেছে ঐ উজান বাতাস কছেছ' নদী টলমল ।

যুক্তি মিছে ভাবনা মিছে, দুঃখ পড়ে, থাকনা পিছে,—

ভাস্বো শুধু হাস্বো শুধু কব্ব শুধু কোলাহল ।

কির্ভে সে ত হবেই হবে আবার নীরস কঠিন তটে,

পাওনা দেনা হিসাব নিকাশ কর্তে সে ত হবেই বটে ;

ডোবে যদি ডুববে তরি মর্ক্ব যদি নেহাইত মরি,

মুর্ক্ব না হয় ষ্ঠাবির সঙ্গে খেয়ে খানিক ঘোলা জল ।

অস্থাব প্রবেশ ।

১ পারিষদ । এ আবার কে !

২ পারিষদ । তাইত হে !

৪ পারিষদ । সুন্দরী ত !

৩ পারিষদ । মহারাজ এর পানে একদৃষ্টে চেয়ে রয়েছেন যে ?

৫ পারিষদ । চেনেন না কি ?

শাৰ্ব । কে তুমি রমণী ?

অম্বা । কাশিরাজ-কন্যা আমি ।

শাৰ্ব । ওহো চিনিয়াছি—অম্বা !—অত্যাশ্চর্য্য বটে !

এখানে কি অভিপ্ৰায়ে ? নীরব যে নারী ?

অম্বা । কাশিরাজবালা আজ শাৰ্বরাজদ্বারে
একাকিনী । তথাপি কি হবে উচ্চারিতে
রাজেন্দ্র, প্রার্থনা মম ?

শাৰ্ব । আশ্চর্য্য নিশ্চয় !

হ'তেছি উত্তরোত্তর বিস্মিত স্নন্দরী !

অম্বা । মনে আছে মহারাজ অর্পিয়াছিলাম
বরমাল্য গলে তব আমি স্বয়ংবরা ।
আসিয়াছি পরিণীত পতির সকাশে !

শাৰ্ব । সে কি, আমি পতি তব ?

অম্বা । যে মুহূর্ত্তে আমি
অর্পিলাম বরমাল্য, সে মুহূর্ত্ত হ'তে
তুমি মম পতি মহারাজ । তাই আমি—

শাৰ্ব । আশ্চর্য্য রমণী, তবে বুঝিব কি আমি
আমার পত্নীত্বভিক্ষা কর তুমি বালা !

অম্বা । নহে এ পত্নীত্বভিক্ষা । এ পতিত্বদান ।
স্বয়ংবরসভাস্থলে গিয়াছিলে যবে
তুমি মহারাজ;—তুমি গিয়াছিলে মম

পতিত্ব কবিত্তে ভিক্ষা । সেই ভিক্ষাদান
কবিষাছিলাম আমি । পবে শক্তিবলে
ও দুৰ্বল হস্ত হ'তে লইল ছিনিয়া
সেই ভিক্ষা ভীষ্ম বীৰ । আমি আনিষাছি
সেই ভিক্ষা পুনবায় ভিক্ষাপাত্রে তব ।

শাল । আশ্চর্য্য ! এ স্পদ্ধা বটে !—ফিবে যাও নাবী ।
আমি চাহি না এ দান ।

অহা । না স্বামী ! আমাব
ভিক্ষা ফিবে লইবাব নাহি অধিকাব ।
যে ভিক্ষা দিয়াছি তাহা দিয়াছি, ভূপতি !
নারী যাহা দেয়, তাহা দেয় একেবাবে,
দেয় সে জনেব মত । এত বড দান,
এত অনাবাসে, এত অকাতবে, এত
সহজে, জগতে আব কেহ নাহি কবে ।
একটা হৃদয়বল্ল, একটা জীবন,
একটা মহতী আশা, মহাভবিষ্যৎ,
সুখ দুঃখ স্বচ্ছন্দতা স্বাধীনতা জ্ঞান,
ধর্ম কর্ম শান্তি মোক্ষ, জন্ম জন্মান্তব ;—
একদিনে দান—এক মুহূর্ত্তে—অপবে ;
যা'ব সঙ্গে পূর্বে কভু হয়নি সাক্ষাৎ ;
যা'ব নাম পর্য্যন্ত অজ্ঞাতপূর্বে ; যা'র
জীনিলাক ইতিহাস ;—জানিনা সে জন

স্বর্গের দেবতা কিম্বা নবকের কীট ;—
 তাহারে সর্বস্ব দান—এত বড় দান
 নারী বিনা এ জগতে কেহ নাহি করে ।
 —মহারাজ ! মহাঝম্প দিয়াছি যে আমি,
 জানিনা সুধার কিম্বা গবলের হ্রদে,
 স্নেহ আলিঙ্গনে কিম্বা সর্পের দংশনে ;—
 যে ঝম্প দিয়াছি তাহা দিয়াছি । রোধিতে
 তাহাব সে নিম্ন গতি আব সাধ্য নাই ।

শাশ্ব । [সভাসদকে] অত্যাশ্চর্য্য । সভাসদ দেখিয়াছ কভু
 এ হেন যাচিকা রাজকন্যা ।—যাও নারী !
 সৌভ-নরপতি কভু কবে না গ্রহণ
 ভীষ্মের উচ্ছিষ্ট । যাও, ভীষ্ম পতি তব,
 পতি চাহ যদি ; ভীষ্ম নাহি চাহে আর
 তোমারে যদ্যপি, রহ আমার সভায় ।
 নৃত্য কর মম শত বাবাজনা সনে ;
 দিব অন্ন, দিব বস্ত্র ।

অম্বা । স্বর্গে দেবরাজ
 হান বস্ত্র এই শিরে । আসিয়াছি দিতে
 এই আবর্জনাকূপে আত্ম-বিসর্জন ।
 রজ্জু জুটে নাই ? এই গলিত কুষ্ঠের
 হুর্গন্ধ দূষিত বায়ু এসেছি সেবিতে
 মন্দার সুগন্ধ ছাড়ি ?—সৌভ-নরপতি ।

তৃতীয় অঙ্ক ।]

ভীষ্ম ।

[পঞ্চম দৃশ্য ।

আমি রাজকণ্ঠা নই, কুলাঙ্গনা নই,
আমি বাবান্ধনা । কব শিবে পদাঘাত ।

১ পারিষদ । একি মূর্ত্তি !

২ পারিষদ । মহাবাজ ! নাবী উন্মাদিনী ।

অম্বা । নহি উন্মাদিনী । আসি নাই মহারাজ
তোমাব আশ্রয়ভিক্ষা কবিতে ভূপতি ।
আসিয়াছিলাম দিতে আত্ম-বিসর্জন
গলিত শবের কুণ্ডে ।—কেন ? বলিব না ।
অসহ আলোক এই ।—আয় নেমে আয়
প্রলয়েব অন্ধকার জীবনে আমাব ।
সেই গাঢ় অন্ধকারে আমি ছুটে যাই—
উদ্ধ্বাসে লক্ষ্যহীন এক ভ্রাম্যমাণ
জীবন্ত নবককুণ্ড ।—এই নবধম !
এই নবকের কুমি—তাহারে বরিতে
আসিয়াছিলাম আমি ! রজ্জু জুটে নাই !

৩ পারিষদ । মহারাজ ! নারী আপনাকে গালি দিচ্ছে বোধ হ'চ্ছে ।

অম্বা । এই খানে পড়ে' যাক যবনিকা তবে ।

[কক্ষ হইতে ছুরি বাহিব করিতে উদ্ভত]

২ পারিষদ । তাড়িয়ে দাও ।

শাৰ্দ । ভীষ্মের এ গণিকায় দূর করে' দাও ।

অম্বা । [ছুরি বাহির করিয়া] তবে আমি মরিব না—তুমি মর তবে ।

[বিছায়েগে গিয়া শাৰ্দকে ছুরিকাঘাত]

[১৩৫

তৃতীয় অঙ্ক ।]

ভীষ্ম ।

[পঞ্চম দৃশ্য ।

পারিষদবর্গ । একি ! একি ! [বলিয়া শাব্বকে ঘিরিয়া দাঁড়াইল]

অম্বা । নরহন্ত্রী পিশাচী শৈবরিণী—

সব আমি, শুধু নহি ভীষ্মের গণিকা ।

[অটু হস্ত করিয়া প্রস্থান]

উপরে শিব, উমা ও ব্যাসের প্রবেশ ।

ব্যাস । কি বলিছ বিশ্বস্তর বৃষিতে না পারি ।

পিতা মম পরাশর ? মাতা সত্যবতী ?

জনক মহর্ষি ? দাশ-দুহিতা জননী ?

শিব । লজ্জায় আনতমুখ কেন ঋষিবর ?

পরাশর—ঋষি বটে, তথাপি মানুষ,

দুর্বল মনুষ্য মাত্র ।—স্থলিত চরণ

তামস মুহূর্তে যদি হইয়াছে ঋষি,

করিয়াছে পরাশর প্রায়শ্চিত্ত তার,

যুগব্যাপী তপস্যায়, শুষ্ক অধ্যয়নে ।

—যাও ব্যাস, কামজয় করিতে আপনি

সমর্থ যদিও তুমি,—নিন্দিও পিতার ।

কামজয় কায়মনে, অন্তরে বাহিরে,

পার যদি বৈপায়ন—মহাদেব তুমি ।

ব্যাস । কামজয় করে নাই কেহ বিশ্বতলে ?

শিব । করিয়াছে একজন ।

ব্যাস । কি নাম তাহার ?

তৃতীয় অঙ্ক ।]

ভীষ্ম ।

[পঞ্চম দৃশ্য ।

শিব । ভীষ্ম ।

ব্যাস । দেবব্রত ভীষ্ম ?

শিব । ভীষ্ম দেবব্রত

এক বিশ্বে কামজয়ী—তাই ভীষ্ম নাম ।

কামজয়ী—তাই ভীষ্ম অজেয় জগতে ।

ব্যাস । কিরূপে অজেয় ভীষ্ম ?

শিব । কায়মন তার

করিয়াছে সমর্পণ কর্তব্যে আপন ।

তুমিই দীক্ষিত তারে করিয়াছ ব্যাস

সেই মহাব্রতে বিপ্র । তুমি তাব গুরু ।

ব্যাস । বুঝিয়াছি মহাদেব ।—প্রণাম চরণে ।

[প্রণাম ও প্রস্থান]

শিব । কি আশ্চর্য্য !

উমা । কি হেন আশ্চর্য্য প্রাণেশ্বর !

শিব । জানিতাম প্রিয়তমে এ ব্রহ্মাণ্ডতলে

একা আমি মদনবিজয়ী । দেখিতেছি

মম সমকক্ষ এক আছে বিশ্বতলে ।

গঙ্গার প্রবেশ এবং শিব ও উমাকে প্রণাম ।

শিব । গঙ্গা কি সংবাদ ?

উমা । ভয়ী, কুশল ত তব ?

গঙ্গা । কুশল সর্বথা দেবী ।—মহাদেব ! তব

[১৩৭

দুই পত্নী—এক পত্নী তোমার হৃদয়ে,
আর পত্নী একদিন মস্তকে তোমার
ছিল প্রভু ; আজি সেই তব পদতলে,
তপ্ত ধরণীর বক্ষে । মানবের শোকে
কাঁদি নিশিদিন, আর সহিতে না পারি ।

শিব । কি হেতু জাহ্নবী ?

গঙ্গা । নিত্য পুরুষপীড়িত

অবলা রমণী ।—ঐ দেখ, মহাদেব,
কাশিরাজ-কন্যা অম্বা উপেক্ষিতা সতী—
ফিরে দ্বারে দ্বারে । তার পিতা অসম্মত
করিতে আশ্রয় দান আপন সন্তানে ।
তাই উন্মাদিনী নারী ভিখারিণী আজি
ভীষ্মের প্রেমের দ্বারে ।—মুক্ত কর নাথ,
সত্যপাশ হ'তে এই মুঢ় দেবব্রতে ।

শিব । না গঙ্গা । সংসার হ'তে মুছিয়া দিব না

এ মহা মহিমা । শূণ্য হবে নসুমুতী ।

গঙ্গা । তবে দাও শান্তি এই নারীর হৃদয়ে ।

শিব । দিব আমি ঘাহার যা' প্রাপ্য সুরধুনী !

ফিরে যাও গঙ্গা ! সাধ' কর্তব্য আপন ।

ষষ্ঠ দৃশ্য ।

স্থান—হস্তিনার প্রাসাদ অন্তঃপুরে ভীষ্মের কক্ষ ।

কাল—জ্যেৎমা রাত্রি । অশ্বা ও সুনন্দা ।

অশ্বা । কাঁপিছে চরণ সখি !

সুনন্দা । দৃঢ় কর মন ।

অশ্বা । কি কহিব যুবরাজে ?

সুনন্দা । প্রাণ যাহা চায় !

অবলা নারীর ধর্ম—‘গোপন’ সতত
‘সংঘম’ তাহার দুর্গ, আত্মরক্ষা হেতু ।

কিন্তু যবে এই নারী আক্রমণকারী
বিপরীত জাতিধর্ম রমণীর সখি !

অশ্বা । কিন্তু লজ্জা রমণীর ধর্ম, চিরদিন ।

সুনন্দা । অতীত প্রহর তার । কি না করিয়াছ !

হইয়াছ শাশ্বৎহে যাচিকা রূপসী ।

নামিয়াছ নরহত্যা-গভীরগহ্বরে ।

আর কেন রাজকণ্ঠা ! আক্রমণ কর,

এ যুদ্ধে জীবন পণ ।—মন্ত্রের সাধন

অথবা নিধন-সখি ।—অন্য পথ নাই ।

তৃতীয় অঙ্ক ।]

ভীষ্ম ।

[ষষ্ঠ দৃশ্য ।

অম্বা । কিন্তু দেবব্রত ব্রহ্মচারী ।

সুনন্দা । সংসাবীব

ব্রহ্মচর্য্য ! সারশূণ্য সৌখীন সন্ন্যাস ;

মাতালের সুবাপানপরিহাব সখি ;

মার্জ্জারের নিরামিষব্রত ; কয়দিন

টিকে সহচরী !—ঐ আসে দেবব্রত ।

আমি যাই ।

[প্রস্থান]

অম্বা । সত্য কথা বলিযাছ সখি—

সংসাবীর ব্রহ্মচর্য্য ! যদি নাহি পাবি

টলাইতে এ প্রতিজ্ঞা, আমি নহি নাবী ।

ভীষ্মের প্রবেশ ও অম্বাকে দেখিয়া ভীষ্ম গমনোদ্যত ।

অম্বা । কোথা যাও দেবব্রত ? দাঁড়াও । কি হেতু

পলাইছ দেবব্রত, দর্শনে আমার,

বজনীর আগমনে মার্ত্তণ্ডের মত ।

আমি ঘাতক না দস্যু ? সপ্ত না শাদ্দুল ?

ব্যাদি না তুর্ভিক্ষ ?—প্রিয়তম !—ওকি ? কেন

বদনমণ্ডল তব মুহূর্ত্তে সহসা

কালীবর্ণ হ'য়ে গেল ; যেন কোন মহা

আতঙ্কে বিহ্বল !—কেন ? বল দেবব্রত !

ক'রেছি কি আমি ? কোন্ মহা অপরাধ ?

ভালোবাসিয়াছি মাত্র—আর কিছু'নহে ।

ভীষ্ম । কাহিনী তোমার আমি শুনিয়াছি দেবী—

কিন্তু ক্ষমা কর দেবী ! আমি ব্রহ্মচাৰী ।

অম্বা । মিথ্যা কথা দেবব্রত । তুমি স্কুমার,

তুমি জ্ঞানী, তুমি বীৰ । কিন্তু তুমি নহ

ব্রহ্মচাৰী । কেন মিথ্যা বল দেবব্রত ।

ভীষ্ম । ধবিয়াছি ব্রত ।

অম্বা । ভঙ্গ কর । কত ঋষি

মহর্ষি ব্রহ্মর্ষি যুগে যুগে দেবব্রত

চলিয়াছে নাবীৰ চবণে অনায়াসে

অর্জিত তপস্যা তার । তুমি ঋষি নহ ।

মদনবিজয়ী এক শিব শত্ৰু—তিনি

মহেশ্বৰ । তুমিত ঈশ্বৰ নহ প্রভু ।

কেহ যাহা পারে নাই তুমি কবিয়াছ ?

কামজয় কবিয়াছ তুমি দেবব্রত ?

ভীষ্ম । কামজয় করি নাই । কবিতাম যদি,

তোমাৰে এতই ভালোবাসি, কামজয়ী

হইতাম যদি, তবে তোমাৰে সবলে

আঁকড়িয়া ধবিতাম নিজ বক্ষ মাঝে,

হৃৎপোষ্য শিশু সম নিশ্চিত্ত নির্ভয়ে ।

হায়, যে নারীর বক্ষ পবিত্র শিশুর

ক্ষারিত পীযুষ উৎস, তাহাই বরিষে

যুবার তৃষিত নেত্রে তীব্র হলাহল ।

যাহা দেয় প্রাণ, তাহা প্রাণনাশ করে ;
 যাহাই প্রচার করে মাতৃহ নারীর,
 তাহাই কামের দুর্গ ! যাহা সৌন্দর্য্যের
 দেবালয়, ভকতির প্রার্থনা-মন্দির,
 তাহা লালসার গৃহ দস্যুর বিবর ।
 না না ! আমি নহি কামজয়ী । তাই ডরি
 আপনারে, তাই ডবি রমণীরে, তাই
 মা মা বলে' যার পানে ছুটে যেতে চাই,
 স্নেহের পবিত্র তীর্থে তীর্থযাত্রীসম ;
 তাহা হ'তে উর্দ্ধ্বাসে পলায়ন করি,
 পলায় যেমতি নর অজগর হ'তে । (প্রস্থানোত্ত)

অম্বা । কোথা যাও প্রিয়তম ! দিও না ভাসায়ে
 আমারে অকূল জলে—[জানু পাতিয়া উপবেশন]

ভীষ্ম । কাঁদিও না দেবি !
 বক্ষ পেতে নিতে পারি বজ্রের আঘাত,
 তুচ্ছ করি ক্ষুধাতুর ব্যাঘ্রের গর্জন,
 কিন্তু অশ্রুজলে আমি ডুবে গলে' যাই ।
 অম্বা—এ কি ! আবার এ হৃদয় চঞ্চল !
 না এ প্রবৃত্তিকে আজি করিব নিধন,
 তবে আজি ভগিনীরে বসায় আমার
 হৃদয়ের সিংহাসনে—এ সুলগ্নে আজি
 বরিব জননীপদে । উচ্চারিব আজি

মৃত্যুদণ্ড অঙ্ক বাসনার ; কামনার
করিব নিশ্বাসরোধ ; আসক্তির শিখা
নির্বাণ করিয়া দিব—করিব নিশ্চূল
পাপের কণ্টকতরু !—জননী আমার !

অম্বা । [চমকিয়া] কি করিলে ! কি করিলে ! নিষ্ঠুর ! ঘাতক !
না না মানিব না আমি ! আমি মানিব না !
আমি পড়ে' যাই—ধব ধব প্রিয়তম ।

[পতনোন্মুখী অম্বাকে ধরিয়া]

ভীষ্ম । একি ! কাশিবাজ-কণ্ঠা তুমি । শিশু নহ
তোমাবে কি সাজে এই হীন আচরণ !
ফিরে যাও প্রাণাধিকা হুহিতা আমাব !
তোমাবে জননীপদে ক'রেছি বরণ ।
করিও না কলুষিত হীন উচ্চারণে
সংসাবের সব চেয়ে পবিত্র বন্ধন এই—
জননী সন্তান ।

অম্বা । মিথ্যা কথা দেবব্রত
আমি নহি মাতা তব । তব জননী
কোন কার্য্য করি নাই আমি ! উচ্চারণে
এমন কি মোহ আছে, যাহা শক্তিবলে
সত্যকে বিলুপ্ত করে ?

ভীষ্ম । তুমি কি বুঝিবে ।
মাতৃনামে কত শক্তি তুমি কি বুঝিবে !

কত অর্থ—যাহা কোন অভিধানে নাই,
 কত সুখা—যাহা নাই ইন্দ্রের ভাণ্ডারে ;
 কণ্টকশয্যায় রোগী তীব্র যন্ত্রণায়,
 যবে 'মা' বলিয়ে ডাকে—অর্দ্ধেক যন্ত্রণা
 যেন সে অমৃতহৃদে ডুবে গলে' যায় ।
 মাতৃনামে পশু বশ হয় । মাতৃনাম
 শোকতপ্ত বক্ষঃস্থল সুশীতল করে ;
 শ্রবণ-বিবরে বর্ষে স্বর্গের সঙ্গীত ।
 মাতৃনাম আনন্দে বিহ্বল রসনায়
 জড়াইয়া যায় । ইহা তপ্ত ওষ্ঠাধরে
 বিকম্পিত হয় । ইহা বায়ুর উপরে
 নৃত্য করে । মাতৃনামে ধরণী পবিত্র হয় ।
 মাতৃনামে ধন্য হন স্বয়ং ঈশ্বরী ।
 —মা দমন কর আজি কামিনীত্ব তব,
 দেবী হও । শৃঙ্খলিত কর মা দুর্বল
 এই স্বেচ্ছাচার তব । ধরায় বরিষ
 শান্তির পীযুষধারা । দেখ মা জননী—
 তোমার বক্ষের পরে' জগত ঘুমায় ।
 অস্বা । না বধির আমি । কিছু পাইনি গুণিতে ।
 না না যাইব না । আজি ডুবিব ডুবিব
 অতল নরকে । তবে দেখি শেষবার ।
 —ঢাকো মুখ অন্ধকারে বিমল চন্দ্রমা ।

নক্ষত্র নিভিয়া যাও । বিপুল মেদিনী
রুদ্ধ কর শ্রবণের দ্বার ।

ভীষ্ম । কি বলিছ ?

[অম্বা দীপ উজ্জ্বল করিয়া দিলেন, পরে অবগুণ্ঠন
উন্মোচন করিয়া দিলেন]

অম্বা । চেয়ে দেখ দেবব্রত ।—দেখ ।

ভীষ্ম । দেখিতেছি ।

অম্বা । কি দেখিছ ।

ভীষ্ম । এ ত তুমি নহ । দেখিতেছি
কোন এক উন্মাদিনী সুন্দরী রমণী ।
আরক্তিম শুভবর্ণ পূর্ণ গণ্ড দুটি
কামনামদিরা পানে । চক্ষুর জ্বালায়
জ্বলিছে নিরয়বহি । বিশ্ব-ওষ্ঠ দুটি
সগরল হাশ্বরসে—লালসা-শিথিল ।
অভিশপ্ত খেত বক্র গ্রীবা 'পরে আসি',
পড়িয়াছে অলস বিক্রমে কেশরাশি ।
দেখিতেছি যেন এক কাল-ভুজঙ্গিনী
ধরিয়া মানবী মূর্তি । এক প্রলোভন ।
রক্তমাংসে আচ্ছাদিত এক সর্বনাশ ।
জীবন্ত জাগ্রত এক মহা অভিশাপ ।

অম্বা । এসো প্রিয়তম !—এই হুঃখের সংসার
হুদিন বহিত নয় । ভোগ করে' লও ।

[করধারণ]

ভীষ্ম । [হাত ছাড়াইয়া]

রমণী ! তোমার এই নিষ্ফল প্রয়াস ।
 ভীষ্মের প্রতিজ্ঞা এই—অটল অচল ।
 নহে ইহা ভীষ্মের ভঙ্গুর অঙ্গীকার ।
 নহে ইহা যাজ্ঞার তপশ্চা সন্ধান ।
 ভীষ্মের প্রতিজ্ঞা ইহা, ত্যাগীর শপথ ।
 গ্রহ যদি কক্ষচ্যুত হয় ; চন্দ্র যদি
 অগ্নিবৃষ্টি করে ; নক্ষত্র নিভিয়া যায় ;
 পর্বত ভাঙ্গিয়া পড়ে বালুস্তূপ সম ;
 শুষ্ক হয় সিন্ধুবারি গোম্পদের মত ;
 ভীষ্মের প্রতিজ্ঞাভঙ্গ হবে না কদাপি ।
 ব্রহ্মাণ্ডের বিবর্তন মাঝে, বিক্ষোভিত
 সংসারের আলোড়ন মাঝে, মানুষের
 মিথ্যাবাদ মাঝে, এই ভীষ্মের প্রতিজ্ঞা
 অটল উজ্জল, সব নক্ষত্রের মাঝে
 যেমতি ভাস্বর স্থির ঐ ধ্রুবতারা ।

চতুর্থ অঙ্ক ।

প্রথম দৃশ্য ।

স্থান—পবনুবামেব গৃহ-প্রাঙ্গণ । কাল—প্রভাত ।

পবনুরাম বেদীর উপব বসিয়াছিলেন ।

সম্মুখে অম্বা দাঁড়াইয়াছিলেন ।

অম্বা । আর কিছু নাহি চাহি দেব, শুধু চাহি
টলাইব ভীষ্মেব এ প্রতিজ্ঞা ; নিখল
করিব জীবনব্যাপী তাহার সাধনা ,
ভ্রাস্ত্রিব তাহাব ব্রত ; তাব অহঙ্কাব
কবিব বিচূর্ণ অ্যুজি , ছিন্ন কবি' তাব
ছদ্মবেশ, দেখাইব নগ্ন দেবব্রতে
প্রতাবিত এ মহীমণ্ডলে ।

পবনু । প্রয়োজন ?

অম্বা । আবার হউক প্রতিষ্ঠিত মহীতলে
নারীর মহিমা ; আবার বসুক সিংহাসনে

চতুর্থ অঙ্ক ।]

ভীষ্ম ।

[প্রথম দৃশ্য ।

নির্বাসিত ক্ষমতা নারীর ; ফিরে দি'ক
পুরুষ নারীতে তার গ্ৰাঘ্য অধিকার ।

পরশু । কি প্রকারে রমণী ?

অহা । জানুক চরাচর

এ বিশ্বে পুরুষ প্রভু নহে ; প্রভু নারী ।

দেখাইব ব্রহ্মার্চ্য শির নত করে

যেখানে কিরণ দেয় রূপ রমণীর ।

—কি আশ্চর্য্য ভগবান্ ! মদন—যাঁহার

প্রভুত্ব স্বীকার করে নিখিল জগৎ ;

যাঁর পুষ্পশর বিশ্বজয়ী ; পিতা যাঁর,

শ্রীমধুসূদন ; যাঁহারে কবিশা ভস্ম

মহাদেব মহাদেব ;—তাঁর শরে আজি

অচ্যুত এ তুচ্ছ দেবব্রত !—ভগবান্ !

দূর কর প্রকৃতির মহা অনিয়ম ;

রক্ষা কর রমণীর চির অধিকার ;

চূর্ণ কর এই দর্প !—এই মাত্র চাহি ।

পরশু । ঐ দেবব্রত আসে । দূরে যাওঁ চলে' ।

[অহাঁর প্রশ্নান]

পরশু । একি সত্য কথা ! একি সম্ভবে মানবে !

করিব পরীক্ষা কত দৃঢ় তাঁর ব্রত ।

ভীষ্মের প্রবেশ ।

ভীষ্ম । প্রণত চরণে দাস ।

[প্রণাম]

চতুর্থ অঙ্ক ।]

ভীষ্ম ।

[প্রথম দৃশ্য ।

পরশু । জয় হোক্ দেবব্রত !

ভীষ্ম । করিয়াছ আমারে স্বরণ গুরুদেব !

পরশু । কতদিন দেখি নাই । শীর্ণ হইয়াছ ।

সে তেজস্বী দৃশ্য সৌম্য বদন মণ্ডল

হইয়াছে সুপ্রশান্ত । তীক্ষ্ণ দৃষ্টি সেই

হইয়াছে নত স্নিগ্ধ সজল মলিন ।

ললাটে পড়েছে রেখা, অপাঙ্গে কালিমা ।

যেন কোন দুর্ভাবনা, গভীর নিরাশা

পুষিছ হৃদয়ে বৎস !—কেন দেবব্রত !

কি হ'য়েছে ?

ভীষ্ম । গুরুদেব ! ছিলাম বালক,

হইয়াছি প্রৌঢ় আজি । দিনে দিনে জরা

বিস্তারিছে সর্বদেহে প্রভাব তাহার ।

পরশু । শরীরে সে তেজ নাই ?

ভীষ্ম । না, সে তেজ নাই ।

পরশু । সেই দেবব্রত, আর এই দেবব্রত !

ভীষ্ম । কি কারণ স্বরণ ক'রেছ দাসে আজি ?

পরশু । মনে আছে কাশিরাজকন্যাস্বয়ংবরে

হরিয়া আনিয়াছিলে হুহিতা তাঁহার ।

ভীষ্ম । মনে আছে গুরুদেব !

পরশু । সেই কনীরসী

হুই কন্যা হস্তিনার রাজার মহিষী ;

প্রথমা হুহিতা অম্বা অনুচা অদ্যাপি ।

ভীষ্ম । শুনিয়াছি সেই সমাচার ।

পরশু । অভাগিনী

লইয়াছে আসি আজি আমার আশ্রয় !

ভীষ্ম । বুঝিয়াছি গুরুদেব ।

পরশু । তুমি দেবব্রত

তাহারে বিবাহ কর ।

ভীষ্ম । সে কি গুরুদেব !

পরশু । তুমি স্পর্শ কবিয়াছ রাজহুহিতায় ।

ভীষ্ম । তথাপি বিবাহ অসম্ভব ।

পরশু । অসম্ভব !—

ভালো নাহি বাসো তারে ?

ভীষ্ম । এত ভালোবাসি—

তাহাবে কবিতে স্পর্শ ভয় হয় মনে,

পাছে কলুষিত করি অসতর্ক ক্ষণে

সৌন্দর্যের সেই তপোধন । .

পরশু । অত্যাশ্চর্য্য !

দেবব্রত ! বিবাহ কি পাপ ?

ভীষ্ম । পাপ নহে ।

বিবাহ পুণ্যের রাজ্য । কিন্তু হায় আজি

সেই রাজ্য হ'তে আমি চির নির্বাসিত ।

পরশু । কেন !

চতুর্থ অঙ্ক ।]

ভীষ্ম ।

[প্রথম দৃশ্য ।

ভীষ্ম । ধরিয়াছি ব্রত ।

পরশু । কাহার আজ্ঞায় ?

ভীষ্ম । ঈশ্বরের ।

পরশু । ঈশ্বরের ? কোথায় ঈশ্বর ?

ভীষ্ম । আপন হৃদয়ে গুরুদেব ।

পরশু । কে কহিল ?

ভীষ্ম । ঋষি ব্যাস !

পরশু । শুনিয়াছ সেই আজ্ঞা ?

ভীষ্ম । শুনিয়াছি প্রভু ।

ব্যাপ্ত স্বার্থেব হৃন্দে, সংসাবেব কোলাহলে,

সেই ধ্বনি শুনিতে পাই না নিরন্তর ;

কিন্তু সে মুহূর্ত আসে, যখন তাহাব,

শুনি আচ্ছাদিত স্বর, গভীর আহ্বান,

মধুর সঙ্গীত তাব ।

পরশু । তুমি শুনিয়াছ ?

ভীষ্ম । শুনিয়াছি ।

পরশু । মিথ্যা কথা । আমি গুরু তব

আমি আজ্ঞা করি—কব বিবাহ তাহারে ।

ভীষ্ম । অসম্ভব গুরুদেব !

পরশু । কি কহিলে তুমি ?

ভীষ্ম । অসম্ভব !

পরশু । অসম্ভব, ?

চতুর্থ অঙ্ক ।]

ভীষ্ম ।

[প্রথম দৃশ্য ।

ভীষ্ম । মার্জনা করিও ;

সত্যপাশবদ্ধ আমি—চিরব্রহ্মচারী !

পরশু । তবে কি বুঝিব শিষ্য, অস্বীকৃত তুমি ?

ভীষ্ম । কি করিব গুরুদেব !—এখন আমার

বিবাহ যে করিবার নাহি অধিকার ;

সত্যপাশবদ্ধ আমি ।

পরশু । সত্যভঙ্গ কর ।

ভীষ্ম । মার্জনা করিও ।

পরশু । এই তব গুরুভক্তি !—তুমি শিষ্য মম !

ভীষ্ম । আমি শিষ্য বটে তব । কিন্তু ভীষ্ম আমি !

পরশু । পরশুরামের আজ্ঞা—কর পরিণয় ।

ভীষ্ম । মম মৃত্যুদণ্ড তবে কর উচ্চারণ ।

পরশু । আজ্ঞা করিতেছি ভীষ্ম, আমি ভগবান্—

তাহারে বিবাহ কর ।

ভীষ্ম । গুরুদেব ! পিতা

মরণ-শয্যায় করে ধরিয়া আমারে,

মাগিয়াছিলেন ভিক্ষা—“বিবাহ করিও”

আর আমি মানি দেব, পিতাই জগতে

প্রত্যক্ষ ঈশ্বর । তাঁর আজ্ঞার উপরে

বসিয়েছি, গুরুদেব, কর্তব্যে আমার ।

—প্রণমি চরণে দেব !

[প্রণাম করিতে উদ্ভূত]

চতুর্থ অঙ্ক ।]

ভীষ্ম ।

[প্রথম দৃশ্য ।

পরশু । অস্বীকৃত তবে ?

ভীষ্ম । জানো কি হে ভগবান্ কেন ভীষ্ম নাম
আমাব জগতে ?—পাই নাই এই নাম
সন্তোগবাসনা তৃপ্ত কবিয়া আমাব ।

এই ব্রহ্মচার্যব্রত, এ কঠোব ব্রত,

কুসুমস্তবকশয্যা নহে গুরুদেব ।

—বঞ্চিত সন্তোগসুখে সমস্ত জীবন ;

বঞ্চিত নাবীব প্রেমে সমস্ত জীবন ,

বঞ্চিত সন্তানসুখে সমস্ত জীবন—

যে সন্তান বিশ্বে সর্বসুখমুলাধাব,

যাব মুখ দেখি, নব ভুলে অনায়াসে

সংসারের ছুঃখবাশি, বোগেব যন্ত্রণা,

দাবিদ্র্যের কশাঘাত, দাস্ত্রের তাডনা,

শূন্য প্রহবেব গাঢ় দীর্ঘ অবসাদ,

প্লেবাসে যে পূর্ণ কবে শূন্য নিবাশাব,

শ্রবণে যে দীপ্ত কবে গাঢ় পবকাল ;

আমি সেই পুত্রমুখদশনে বঞ্চিত

আজীবন গুরুদেব ।—একি বড় সুখ !

যাব জন্ত গুরুবাক্য অবহেলা করি ।

পরশু । সেই সুখ পাবে শিষ্য এই পবিগয়ে ।

ভীষ্ম । ক্ষমা কব গুরুদেব, আমি ব্রহ্মচারী ।

পরশু । ভীষ্ম ! এই শেষবাব তবে ! লও বাছি,

[১৫৩

চতুর্থ অঙ্ক ।]

ভীষ্ম ।

[প্রথম দৃশ্য ।

বিবাহ কি মৃত্যু—

ভীষ্ম । মৃত্যু—যদি প্রয়োজন !

পরশু । উত্তম । সাক্ষাৎ তবে পাইবে আবার

সশস্ত্র পরশুরামে পরশু প্রভাতে

কুরুক্ষেত্র রণস্থলে । সশস্ত্র আসিও ।

ভীষ্ম । সশস্ত্র কি হেতু ?

পরশু । মনে হয় দেবব্রত

শৌর্য্যদর্প বড় বাড়িয়াছে তব ;—যাহে

পরশুরামের আজ্ঞা তুচ্ছ কর তুমি ।

সে দর্প করিব খর্ব্ব ।

ভীষ্ম । নাহি স্পর্ধা হেন

যুদ্ধ করি ভার্গবের সনে ।

পরশু । ভীত তুমি ?

ভীষ্ম । ভয় করে বলে আমি জানি না, তথাপি

গুরু কাছে বিনা যুদ্ধে মানি পরাজয় ।

পরশু । ক্ষত্রিয়-সন্তান তুমি ! করিলাম আমি

সমরে আহ্বান, ভীকু !

ভীষ্ম । অনুনয় করি—

সাবধান গুরুদেব । দীপ্ত করিও না

নিদ্রিত ক্ষত্রিয়শৌর্য্য ।

পরশু । একবিংশবার

করিয়াছি নিঃক্ষত্রিয় এ ভারতভূমি ।

চতুর্থ অঙ্ক ।]

ভীষ্ম ।

[প্রথম দৃশ্য ।

ভীষ্ম । তখন ছিল না ভীষ্ম ।

পরশু । স্পর্ধা !

ভীষ্ম । গুরুদেব !

প্রণমে চরণে শিষ্য ।

পরশু । সশস্ত্র আসিও ।

কুরুক্ষেত্র রণস্থলে পবন প্রভাতে ।

ভীষ্ম । উত্তম । এ গুরু-আজ্ঞা করিব পালন ।

প্রণমে চরণে ভীষ্ম ।

পরশু । যাও দেবব্রত,

রহিও প্রস্তুত ।

ভীষ্ম । আমি বহিব প্রস্তুত ।

[প্রস্থান]

পরশু । আশ্চর্য্য । ক্ষত্রিয়-ভীষ্ম ! ইহাও সম্ভব !

ধনু প্রিয় শিষ্য মম । এ হেন অটল

নহে হিমালয় । সত্য, এও কি সম্ভব !

পরীক্ষা করিব শক্তি তব প্রতিজ্ঞার—

ও প্রতিজ্ঞা সহে কিনা পরশুর ধার !

চতুর্থ অঙ্ক ।]

ভীষ্ম ।

[দ্বিতীয় দৃশ্য ।

দ্বিতীয় দৃশ্য ।

—

স্থান—শয়ন-কক্ষ । কাল—সন্ধ্যা ।

বিচিত্রবীৰ্য্য শয়ান । পার্শ্বে—সত্যবতী ।

সত্যবতী । দিবা অবসান প্রায় । ধীরে ধীরে ধীরে

সব স্নান হ'য়ে আসে । সূর্য্য অস্তে যায় ।

হারিয়েছি এক পুত্রে আমি অভাগিনী,

অপরটি ম্রিয়মাণ অস্তিম শয্যায় ।

চক্ষুর সম্মুখে ঐ ধীরে ধীরে ধীরে,

ঘনাইয়া আসে মৃত্যু অপাঙ্গে তাহার ।

নিবারি তাহার গতি হেন সাধ্য নাই ।

—হাসিছে বিচিত্রবীৰ্য্য । স্বপ্ন দেখিতেছে ।

বিচিত্রবীৰ্য্য । মা মা !

সত্যবতী । কি কি বৎস ? চম্কে উঠলে কেন ?

বিচিত্রবীৰ্য্য । মা ! আমি কোথায় ?

সত্যবতী । কেন ! প্রাসাদকক্ষে !

বিচিত্রবীৰ্য্য । ও !—এ সকাল না সন্ধ্যা ?

সত্যবতী । সন্ধ্যা ।

বিচিত্রবীৰ্য্য । ওঃ— [পুনরায় চক্ষু মুদ্রিত করিলেন]

সত্যবতী । কেমন আছ বাবা ?

চতুর্থ অঙ্ক ।]

ভীষ্ম ।

[দ্বিতীয় দৃশ্য ।

বিচিত্রবীৰ্য্য । বেশ আছি মা । [কাসি]

সত্যবতী । সত্য বেশ আছ ?

বিচিত্রবীৰ্য্য । সত্যই বেশ আছি ।—দাদা কোথায় ?

সত্যবতী । বাইবে । ডাকবো ?

বিচিত্রবীৰ্য্য । না, এখন দবকাব নেই । যাবার আগে যেন দেখা হয় ।

সত্যবতী । সে কি বৎস ! ও কথা বলতে নাই ।

বিচিত্রবীৰ্য্য । দেখ ভুল না ।

সত্যবতী । আমি তাঁকে ডেকে আনি ।

বিচিত্রবীৰ্য্য । না, তিনি ত সৰ্বদাই আমার পাশে বসে' আছেন ।
সমস্ত রাত্রি তাঁর চক্ষে নিদ্রা নাই । কত গল্প করেন । মা এমন দাদা
কারো হয় না । [কাসি] একটু জল দাও ত মা !

[সত্যবতী জল দিলেন]

বিচিত্রবীৰ্য্য । ঐ সূর্য্য অস্ত যাচ্ছে । ঐ দেখ মা—[কাসি]

সত্যবতী । কি বৎস !

বিচিত্রবীৰ্য্য । ঐ বাড়ী গুলি । তাদের উপর সূর্য্যের শেষ স্বর্ণ রশ্মি
এসে লেগেছে । কি সুন্দর !

সত্যবতী । অতি সুন্দর ।

বিচিত্রবীৰ্য্য । আর আমার উপরও জীবনের শেষ রশ্মি এসে
লেগেছে ।—আচ্ছা মা, মানুষ ম'লে কোথায় যায় ?

সত্যবতী । সে কথা কেন বৎস ?

বিচিত্রবীৰ্য্য । না, তাই জিজ্ঞাসা করছি,—আচ্ছা, আকাশ এত নীল
কেন ?

[১৫৭

চতুর্থ অঙ্ক ।]

ভীষ্ম ।

[দ্বিতীয় দৃশ্য ।

সত্যবতী । বিধাতার সৃষ্টি ।

বিচিত্রবীৰ্য্য । আমার বোধ হয়—মৃত্যু ঐ রকম নীল, ঐ রকম অসীম ।—আচ্ছা মা, দাদাকে দেখলে ত খুব বীর বোধ হয় না [কাসি]
—বালিশটা ঠিক করে দাও ত মা ।

[সত্যবতী তাহাই করিলেন]

বিচিত্রবীৰ্য্য । বরং মনে হয় যেন স্নেহ দিয়ে তাঁর সমস্ত শরীরখানি তৈরি । কিন্তু বড় গম্ভীর । যেন সমুদ্র । [কাসি] কেন মা ?

সত্যবতী । জানি না বৎস ।

বিচিত্রবীৰ্য্য । দাদা যদি বিয়ে কর্তেন, বোধ হয় সুখী হতেন । বিয়ে কর্তেন না কেন ?

সত্যবতী । ওঃ—

বিচিত্রবীৰ্য্য । ঐ ! ঐ ! আবার তুমি মুখ ঢাকছ । কেঁদ না মা । আমি দেখি দাদার বিয়ে'ব কথা হ'লেই তুমি কাঁদ ।—কেঁদ না ।

সত্যবতী । না বাবা ! কিন্তু ও কথা জিজ্ঞাসা করিস্ না বাপু, আর সব কথা বল্—শুধু—ঐ—কথা বাদ ।

বিচিত্রবীৰ্য্য । কেন মা ? আজ ব'লতে হবে—আমি শুনে তবে মৰ্ব্ব । [কাসি] দেখি পরপারে গিয়ে সেখান থেকে যদি তাঁর জন্তু আর তোমার জন্তু কোন শান্তির সংবাদ পাঠাতে পারি । বল মা ।

সত্যবতী । তোমার দাদা স্বর্গের দেবতা, মর্ত্যের মানুষ নয় । তাঁকে আমরা ঠিক বুঝতে পারিনে । তিনি এ স্থল, কঠিন, আলোকে অন্ধকারে মেশা, স্বার্থরাজ্যের কেহ নন । তিনি কোথা থেকে যেন এসেছেন । তিনি ত্যাগের মহামন্ত্র মুখে প্রচার কর্তে আসেন নি, কার্যে দেখাতে এসেছেন ।

১৫৮]

চতুর্থ অঙ্ক ।]

ভীষ্ম ।

[দ্বিতীয় দৃশ্য ।

বিচিত্রবীৰ্য্য । বল মা আবও বল । দাদার কথা বল । তাঁর
জীবনের ইতিহাস অনেক বাব তোমার মুখে শুনেছি মা । [কাসি]
আবাব বল শুনি । সে যেন এক মায়াময় কাহিনী—যত শুনি ততই শুন্তে
ইচ্ছা হয় । [কাসি]—মা একটু জল ।

[সত্যবতী জল দিলেন]

সত্যবতী । বড কষ্ট হচ্ছে ?

বিচিত্রবীৰ্য্য । না কিছু না । ঐ চাঁদ উঠছে । কি সুন্দর !
[চন্দ্রের প্রতি চাহিয়া বহিলেন]

সত্যবতী । আব একবার ঔষধ সেবন কব ।

বিচিত্রবীৰ্য্য । চুপ!—অদ্ভুত ।

সত্যবতী । কি অদ্ভুত ?

বিচিত্রবীৰ্য্য । মা ! একবার বাজবধুদেব ডাকো ত মা । তাদের
একটা গান শুন্তে ইচ্ছা কচ্ছে' [কাসি]—তাদের গান, তাদের গান
শুন্তে বড ভালোবাসি । তাবা আমার বড ভালোবাসে ।—কিন্তু আমি
তাদের সুখী কর্তে পার্লাম না । [কাসি] একবার ডাকো ত মা ।

সত্যবতী । এই ডেকে দিচ্ছি । [সত্যবতীর প্রস্থান]

বিচিত্রবীৰ্য্য । গান শুন্তে শুন্তে মবি । এই পূর্ণ জ্যোৎস্নালোকে
ঐ নীল আকাশের নীচে, গান শুন্তে শুন্তে মবি । [কাসি]

অম্বিকা ও অম্বালিকার প্রবেশ ।

বিচিত্রবীৰ্য্য । অম্বিকা, অম্বালিকা । একটা গান গাও ত । সেই
গান—সে দিন সন্ধ্যায় যেটি গাইছিলে ।

[১৫৯

উভয়ের গান ।

নীল আকাশের অসীম ছেবে ছড়িয়ে গেছে চাঁদের আলো ।
 আবার কেন ঘরের ভিতর আবার কেন প্রদীপ জ্বালো ।
 রাখিস না আর মাথার ঘেরে, স্নেহের বঁধন ছিঁড়ে দেবে—
 উধাও হ'বে মিশিয়ে যাই, এমন রাত আর পাবোনা লো ।
 পাপিয়ার ঐ আকুল তানে আকাশ ভুবন গেল ভেসে ;
 ধামা এখন বীণাব ধ্বনি, চূপ করে' শোন' বাইরে এসে ;
 বুক এগিয়ে আসে মরণ, মারের মত ভালোবেসে—
 এখন যদি মর্তে না পাই, তা'হলে আমার মরণ ভালো ।
 সাক্ষ আমার ধূলা খেলা—সাক্ষ আমাব বেচা কেনা ;
 এয়েছি করে' হিসেব নিকেশ যাহার যাহা পাওনা দেনা ।
 আজি বড়ই শ্রান্ত আমি—ওমা আমার তুলে নে না,
 যেখানে ঐ অসীম সাদাঘ—মিশেছে ঐ অসীম কালো ।

ভীষ্ম ও মাধবের প্রবেশ । পিছনে অলক্ষিতভাবে সত্যবতী ।

ভীষ্ম । এখন কেমন আছ ভাই ? [পরীক্ষা করিয়া] এ কি !—

এ যে হিম ! অসাড়—

মাধব । [সভয়ে] সে কি দেবব্রত !

ভীষ্ম । [পুনরায় পরীক্ষা করিয়া] মৃত্যু হ'য়েছে ।

মাধব । বৎস ! প্রাণাধিক ! [মৃতদেহ সবেল জড়াইয়া ধরিলেন]

সত্যবতী । পুত্র ! পুত্র !—

[মূর্ছিত হইয়া পড়িয়া গেলেন । অম্বিকা ও অম্বালিকা ভীতনেত্রে
 পরস্পরের মুখের দিকে চাহিয়া রহিলেন । ভীষ্ম দ্বার ধরিয়া দাঁড়াইয়া
 বহিলেন]

তৃতীয় দৃশ্য ।

স্থান—হস্তিনাব প্রাসাদ । কাল—অপরাহ্ন ।

মাধব ও দাশবাজ ।

- মাধব । স্বয়ংববসভা থেকে তোমায় উঠিয়ে দিলে ?
দাশ । তা দিলে ।
মাধব । বেশ বোঝা গেল ?
দাশ । পবিষ্কাব ।
মাধব । তাব পবে বাজাদেব সঙ্গে ভীষ্মের যুদ্ধ হোল ?
দাশ । তা হোল ।
মাধব । তুমি যুদ্ধ ক'বেছিলে ?
দাশ । তা ক'রেছিলাম ।
মাধব । তুমি কোন্ পক্ষে ছিলে ?
দাশ । কোন পক্ষেই ছিলাম না ।
মাধব । মাঝখানে ছিলে ?
দাশ । ঠিক নয় ।
মাধব । তবে ?
দাশ । একধারে—
মাধব । তীরু ছুড়েছিলে ?

চতুর্থ অঙ্ক ।]

ভীষ্ম ।

[তৃতীয় দৃশ্য

দাশ । তা ছুড়েছিলাম ।

মাধব । কাকে ?

দাশ । . . তা জানি না ।

মাধব । চোখ বুঁজে ?

দাশ । হুঁ ।

মাধব । তাব পব বুঝি তুমি দৌড় দিলে !

দাশ । তা দিলাম ।

মাধব । এতদিন কোথায় ছিলে ?

দাশ । বনে ।

মাধব । সেখানে কি দেখলে ?

দাশ । বাঘ ।

মাধব । এব আগেই যে বল্লে—বাণী ।

দাশ । তা হবে !

মাধব । তাব পব ?

দাশ । তার পব তাড়া কর্লে ।

মাধব । কে ? বাঘ না বাণী ?

দাশ । সেটা ঠিক বুঝতে পারলাম না ।

মাধব । তাড়া কর্লে ?

দাশ । কর্লে ।

মাধব । আর তুমি বুঝি দে দৌড় ।

দাশ । আমি দে দৌড় ।

মাধব । একবাবে এখানে এলে ?

১৬২]

চতুর্থ অঙ্ক ।]

ভীষ্ম ।

[তৃতীয় দৃশ্য ।

দাশ । তা এলাম ।

মাধব । তোমাব মন্ত্রী কোথায় ?

দাশ । মবেছে ।

মাধব । কিসে মোল ?

দাশ । আমাব বাণে ।

মাধব । তোমাব বাণে ?

দাশ । তাইত পবে দেখলাম ।

মাধব । ও !—তুমি যে সেই চোখ বুঁজে বাণ মোবছিলে, তাতে
মন্ত্রীব গায়ে লেগেছিল ?

দাশ । তাই ত বোধ হ্ছে ।

মাধব । তুমি মব নি ?

দাশ । না ।

মাধব । বেঁচে আছ !

দাশ । তা বোধ হয়, আছি ।

মাধব । কোথায় আছ ?

দাশ । মাঝখানে ।

মাধব । কিসের মাঝখানে ?

দাশ । একদিকে যুদ্ধ আব একদিকে বাণী ।

মাধব । বাণী ? না বাঘ ?

দাশ । বাঘ ।

মাধব । তুমি বোধ হয় ক্ষেপে গিয়েছো ?

দাশ । বোধ হয় গিয়েছি !

চতুর্থ অঙ্ক ।]

ভীষ্ম ।

[তৃতীয় দৃশ্য ।

মাধব । এখন কি কর্বে ?

দাশ । তাই ভাবছি ।

মাধব । এখানে থাকবে ?

দাশ । তাই ভাবছি ।

মাধব । বাড়ী ফিরে যাবে ?

দাশ । ও বাবা !

মাধব । তোমার স্ত্রী কি রকম দেখতে ?

দাশ । ওরে বাবা !

মাধব । দেখ দাশরাজ তোমার একটা উপদেশ দেই ।

দাশ । কি ?

মাধব । বাড়ী ফিরে যাও ।

দাশ । স্ত্রীর কাছে ?—ও বাবা !

মাধব । দেখ, স্ত্রী যেমনই হোক, স্ত্রীর মত দরকারী মানুষও আর পাবে না ।

দাশ । সে কি !

মাধব । এই দেখ মাহিনা দিয়ে লোক রাখো—দেখবে যে, যে
রাঁধে সে বাসন মাজে না, যে বাসন মাজে সে 'ছেলে মানুষ করে নী ।
কিন্তু এক স্ত্রী দ্বারা জুতো সেলাই থেকে 'চণ্ডীপাঠ পর্যন্ত সব চলে ।
এমন স্ত্রী ছেড়ে না ।

দাশ । কথাটা সত্যি । ও বাবা [কম্পন]

মাধব । কি ?

[দাশরাজ নেপথ্যে তর্জনী নির্দেশ করিলেন]

মাধব । ঐ দাশরাজী বটে !—রোস আমি ঝগড়া মিটিয়ে দিচ্ছি ।

১৬৪]

চতুর্থ অঙ্ক ।]

ভীষ্ম ।

[তৃতীয় দৃশ্য ।

দাশবাজীর প্রবেশ ।

[দাশবাজ মাধবেব পশ্চাতে লুকাইলেন]

দাশবাজী । ওবে পোডাব মুখো ! শেষে আবার জামাই বাড়ী এসে
জুটেছো । ওবে হতচ্ছাড়া মিসে—

মাধব । অত দ্রুত নয় দাশবাজী । শুনুন—ও শব্দগুলো অশ্লীল ।

দাশবাজী । তাই কি—

মাধব । এটা ঠিক পতিভক্তিব লক্ষণ নয় ।

দাশবাজী । ভাবি ত পতি, তাকে আবার ভক্তি ।

মাধব । পতি যাই হোক, সে পতি । এ জন্নে ত আব দ্বিতীয়
পতি হবাব যো নেই । তাব সঙ্গে বনিয়ে চলতেই হবে । নহিলে
জীবনটা চিবদিন অশান্তিতেই যাবে ।

দাশবাজী । তা সত্যি কথা ।—এখন বাড়ী এসো ।

মাধব । যাও দাশবাজ । তোমাব স্ত্রী এবার বেশ নরম ভাষার
ডাকছেন ।—যাও ।

দাশবাজ । উনি প্রীষই আমায় বড অপমান কবেন ।

দাশবাজী । আমি বলে' তোমাকে অপমান কবি । নৈলে তোমাকে
কেউ অপমানও কবে না ।—যাও না কোন জায়গায়, দেখি কে অপমান
করে ।

দাশবাজ । কেন করবে না । সেদিন স্বয়ংবব সভায় অপমান ত কর' ।

দাশবাজী । তোমায় অপমান কর' । সে কি ! মানুষকেই মানুষ
অপমান করে । ঠেকিকে কেউ অপমান করে ?—শুনেছো ?

[১৬৫

চতুর্থ অঙ্ক ।]

ভীষ্ম ।

[চতুর্থ দৃশ্য ।

মাধব । ছি ছি ছি ! আপনার স্বামী কি টেঁকি । আর অপমান কর্বেন না ।

দাশরাজ্ঞী । আচ্ছা—এখন বাড়ী এসো ।—আর অপমান কর্বে না । এসো ।

মাধব । যাও ।—গিয়ে হাত ধর ।

[দাশরাজ ধীরে ধীরে গিয়া সভয়ে দাশরাজ্ঞীর হাত ধরিলেন]

মাধব । ও ঠিক হচ্ছে না । ভয় কোরো না ।

দাশরাজ । কি কর্বে ?

মাধব । একটু আদর কর ।

দাশরাজ্ঞী । সে আর একদিন হবে । [টানিয়া লইয়া গেলেন]

মাধব । আশ্চর্য্য বটে ।

চতুর্থ দৃশ্য ।

—••••—

স্থান—গঙ্গাতীর । কাল—প্রত্যুষ ।

অনেক লোকে স্নান করিতেছিল । তাহাদের গীত ।

পতিভোকারিনি গঙ্গে ।

শ্রামবিটপিষন তট বিম্বিনি, ধূসরভরঙ্গভঙ্গে !

কত নগ নগরী তীর্থ হইল তব চূষি চরণবুগ মাই,

কত নরনারী ধস্ত হইল মা তব সলিলে অবগাহি ।

বাহিছ জননি এ ভারতবধে—কতশত যুগ যুগ বাহি',
 করি' সুশ্রামল কত মরু প্রান্তর শীতল পুণ্যতরঙ্গে ।
 নারদকীর্তনপুলকিতমাধববিগলিতককণা ক্ষরিতা,
 ব্রহ্মকমণ্ডলু উচ্ছলি' ধূর্জটীজটিলজটা 'পর বরিতা,
 অম্বর হইতে সম শতধার জ্যোতিঃপ্রপাত তিমিরে—
 নামি' ধরার হিমাচলমূলে—মিশিলে সাগর সন্ধে ।
 পরিহরি' ভবসুখদুঃখ যখন মা, শায়িত অস্তিম শবনে,
 বরিষ শ্রবণে তব জলকলরব, বরিষ সৃষ্টি মম নয়নে,
 বরিষ শাস্তি মম শঙ্কিত প্রাণে, বরিষ অমৃত মম অঙ্গে—'
 মা ভাগীরথি । জাহ্নবি । সুরধুনি । কলকজোহিনি গঙ্গে ।

গঙ্গা । হইয়াছে শত্রুযুদ্ধ বহুদিন ধরি'
 ভীষ্ম ও পরশুবামে, এই নদীতটে,
 বিনা জয় পবাজয় । দেখেছে সংসার
 সে যুদ্ধ নির্ঝাঁক ভয়ে, শুনেছে বিশ্বরে
 সমুদ্রনির্ঘোষসম সমবকল্লোল ।
 তথাপি অপবাজিত ভীষ্ম এতদিনে ।
 ধন্য ভীষ্ম ! 'ধন্য পুত্র !

ব্যাসের প্রবেশ ।

ব্যাস । জননি জাহ্নবি
 প্রণমে চরণে ব্যাস !
 গঙ্গা । কি সংবাদ ব্যাস ?

ব্যাস । জননি কি দেখি আজি তব তটতলে !
একি ভয়ঙ্কর ঘোর অবৈধ সংগ্রাম
মনুষ্য ও ভগবানে ; ক্ষত্র ও ব্রাহ্মণে ;
শুরু আব শিষ্যে । আর তুমি মা দেখিছ
নিঃস্পন্দ নির্ঝাক্ ভয়ে ?

গন্ধা । ভয়ে নহে ব্যাস—

মহানন্দে পুত্রগর্বে গরবিনী আমি ।
একদিকে শুরুদেব, শিষ্য অন্তর্দিকে ;
বিশ্বের বিপক্ষে ক্ষত্র ; দেব ভগবান্
বিপক্ষে, তাঁহার সৃষ্ট মনুষ্য ; তথাপি
সমরে অপরাজিত হিমাচলসম
অটল যুঝিছে ভীষ্ম !—কে দেখেছে কবে ?
কার হেন পুত্র ব্যাস !—

ব্যাস । তথাপি জননি

ব্রাহ্মণ ক্ষত্রিয়ে এই অন্তায় সংগ্রাম ।

গন্ধা । কভু নহে । বৎস ব্যাস ! একবিংশবার

নিঃক্ষত্রিয় ধরাতল ক'রেছে ভার্গব—

উঠিয়াছে ভীষ্ম সেই রক্তবীজ হ'তে

উদ্ধত ব্রাহ্মণদর্প ধরু করিবারে ।

ব্যাস । কিন্তু মানুষের যুদ্ধ ঈশ্বরের সনে—

ইহা কি সঙ্গত, বৈধ, উচিত জননি ।

গন্ধা । বৎস ষ্ট্রিপায়ন ! এই মানবজীবন

নহে কি অনন্ত এক জীবন সংগ্রাম
 ঈশ্বরের সনে নিত্য ? মৃত্যু একদিকে,
 আর তার কৃষ্ণবর্ণ পিশাচের দল ;
 অগ্নিদিকে অসহায় দুর্বল মানব ।
 তার হুঃখে কত দীর্ঘ দিবস রজনী
 নিভৃতে নির্জনে কাঁদি—নিষ্ফল ক্রন্দন
 পাষণে এ মস্তকের রক্তাক্ত আঘাত,
 —তুমি কি জানিবে ব্যাস ! তুমি কি বুঝিবে ?

ব্যাস । তথাপি জননি—

গন্ধা । ব্যাস ! ভ্রান্তিব সাগরে
 পতিত মনুষ্য, তবু নিজ শক্তিবলে
 নির্ভয়ে চলিয়া যায় তবঙ্গ গর্জনে
 দলি' পদতলে,—একি সামান্য ব্যাপার !
 গাঢ় অন্ধকার হ'তে মার্ত্তণ্ডের মত
 চলিয়াছে সভ্যতার আলোকিত পথে,—
 'এ কি তুচ্ছ ? অভাবের গর্ভে জন্ম তার,
 স্বার্থের দ্বন্দ্বের ক্রোড়ে লালিত মানব,
 উঠিয়াছে শক্তিবলে ত্যাগের শিখরে ;
 এ কি অতি সহজ গৌরব ঋষি ব্যাস ?
 আর মনুষ্যের শ্রেষ্ঠ আমার সম্মান—
 যাহার চরণ-তলে মরণ আপনি
 শাস্তমূর্ত্তি পড়ে' আছে, ত্যাগের নিশ্চয়

কশাঘাতে ভীত শির অবনত করি'
 ব্যাস । কিন্তু ঈশ্বরের সঙ্গে—
 গঙ্গা । আমার নিকটে
 আছেন ঈশ্বর এক—তিনি মহাদেব
 এক তাঁর আঞ্জা মানি ।

মহাদেবেব প্রবেশ ।

মহাদেব । তবে সুরধুনি—
 আমার আদেশ, শাস্ত কর এ বিগ্রহ ;
 নির্ঝাপিত কর অগ্নি তব শাস্তি জলে ;
 ইচ্ছামৃত্যু দেবব্রত, অমর ভার্গব ;
 এ যুদ্ধের শেষ নাই । যুদ্ধ যদি হয়
 আর কিছু দিন গঙ্গে, হইবে প্রলয় ।
 গঙ্গা । যথাদেশ প্রভু ! কিন্তু কাড়িয়া লইলে
 মহাদেব, মাতৃগর্ভ মাতৃবক্ষ হ'তে ।
 মহাদেব । এই যুদ্ধে ভার্গবের হবে পরাজয় ।

[মহাদেবের প্রস্থান]

গঙ্গা । তাহাই হউক । তবে যাও ঋষিবর ।

[প্রস্থান]

ব্যাস । আর নাহি দ্বेष ; ভ্রাস্ত নহে চরাচর ;
 আশ্চর্য্য প্রমাদ ;—সত্য শঙ্কর শঙ্কর ।

[প্রস্থান]

ভীষ্মের প্রবেশ ।

ভীষ্ম । কোথায় ভার্গব ?—এই মৃত্তিস্তম্ভ'পরে
করিব অপেক্ষা তাঁর [তাহার উপর দাঁড়াইয়া]

—কতদূর দেখা যায়

পরপারে ঘনশ্যাম তরু রাজি 'পরে
স্বাগত চুস্বন সম পড়িয়াছে আসি'
উষার কনক রশ্মি ; হেথা প্রসারিত
ধূসর সৈকত। মধ্যে বহিছে জাহ্নবী ।
জননি ! ও প্রসারিত বারিবন্ধ তব,
অপার করুণান্নিগ্ধ ঐ সমুদ্রত
স্নেহআলিঙ্গন তব, মুগ্ধ করে মন ;
দূর করে ঘেষ ; শাস্ত কবে উদ্বেলিত
হিংসা অহঙ্কার ।—মাতা প্রণমি চরণে ।

[প্রণাম ও উপবেশন]

পরশুরামের প্রবেশ ।

পরশুরাম । এই যে বসিয়া দেবব্রত ।—দেবব্রত !

ভীষ্ম । [চমকিয়া] আসিয়াছ গুরুদেব ! [প্রণাম]

পরশু । উঠ বীর । আজি

নির্ম্মল প্রভাতে, এই জাহ্নবীর তীরে,

ঐ আরক্তিম নীল আকাশের তলে,

বিতস্তিপ্রমাণ দূরে দাঁড়ায়ে ছুজনে

হস্তে খড়্গা, দেহে বর্শ, শিরে শিরস্ত্রাণ,

বন্ধনেত্র, দৃঢ়মুষ্টি, নগ্ন ভূমিতলে,
কবিবে সমর—ভীষ্ম ও পরশুরাম ।
আজি স্থির হইবে কে শ্রেষ্ঠ বাহুবলে—
ভীষ্ম না পরশুরাম । লহ তববারি ।

ভীষ্ম । কেন যুদ্ধ গুরুদেব ! চেয়ে দেখ দূরে—
কি অপূর্ব ! পরপাবে ঐ সূর্য্য উঠে
পূর্বদিক্ আলোকিত হ'য়ে আসে ধীরে ।
দিবার নিশার এই শান্ত সন্ধিস্থলে
এই মৃদু বসন্তেব পবনভিল্লোলে
গঙ্গার পবিত্র তীরে যুদ্ধ কেন আর ?

পরশু । দেখিব ব্রাহ্মণ বড় অথবা ক্ষত্রিয়
এ ছাপর যুগে ।

ভীষ্ম । কিরূপে আঘাত আমি
করিব গুরুর দেহে চক্ষুব সন্মুখে ?

পরশু । তব সর্ব পাপরাশি ধৌত হ'য়ে যাবে
তোমার রক্তের স্রোতে । ভীষ্ম যুদ্ধ কর ।
তোমাতে সমরে আমি ক'রেছি আহ্বান ।
তুমি লহ অসি, আমি কুঠার আমার,
যে কুঠারে করিয়াছি একবিংশবার
নিঃক্ষত্রিয় বসুমতী ।—ভীষ্ম অস্ত্র লও ।

ভীষ্ম । তবে তাই হোক ! আজি লক্ষ্য কর তবে
স্বর্গ মর্ত্য রসাতল অপূর্ব সংগ্রাম—

চতুর্থ অঙ্ক ।]

ভীষ্ম ।

[চতুর্থ দৃশ্য ।

[ভীষ্মের তরবারিৰ আঘাতে ভার্গবের কুঠার হস্তচ্যুত হইল ।

পরশুরাম বসিয়া কুঠাব পুনবায় লইলেন]

ভীষ্ম । আর নহে ! [তরবারি ফেলিয়া দিলেন]

পরশু । সে কি ভীষ্ম ! মানিব না আমি পবাজয় ।

যুদ্ধ কর, যুদ্ধ কর—

ভীষ্ম । প্রভু—

পরশু । যুদ্ধ কর ।

দেবব্রত দাঁও গুরুদক্ষিণা আমারে ।

যুদ্ধ কর । যুদ্ধ কর ।—এই শেষবার

কিন্তু এই একবারে প্রলয় হইবে ।

লহ তরবারি ভীষ্ম ! বিলম্ব না সহে ।

[কুঠার উঠাইলেন]

[উভয়ের মধ্যে নদী গঙ্গা প্রবাহিত হইল, পরে নদী প্রশস্ত হইতে
প্রশস্ততর হইতে লাগিল । সঙ্গে সঙ্গে পরশুরাম অস্তহিত হইলেন ।

পরে তাহার মধ্য হইতে গঙ্গা উখিত হইলেন]

গঙ্গা । সাধু ! দেবব্রত সাধু ! ধনু পুত্র মম !

দেখ বৎস, চেয়ে দেখ, বিশ্ব রোমাঞ্চিত

ভীষ্মের অসম শৌর্য্যে ।—ঐ চেয়ে দেখ,

বীরবর, ঐ উর্দ্ধে স্বর্গে দেবগণ

করে পুষ্পবৃষ্টি ভীষ্ম তোমার মস্তকে ।

চতুর্থ অঙ্ক ।]

ভীষ্ম ।

[পঞ্চম দৃশ্য ।

পবনুরামের প্রবেশ ।

পবনুরাম । আর চেয়ে দেখ বীব পরশুরামের
শুরুগর্বে স্ফীতবক্ষ ।—ধন্য দেবব্রত !
ধন্য আমি । আমি শুদ্ধ করিতেছিলাম
পরীক্ষা তোমারে । ভীষ্মে করিতে সংহার
আসে নি পরশুরাম । দেখিলাম সত্য,
শৌর্যো কি সাহসে ত্যাগে, বিশাল জগতে,
তোমাব তুলনা নাই ।—ধন্য শিষ্য মম,
—দেবব্রত ! প্রাণাধিক ! দাও আলিঙ্গন ।

[আলিঙ্গন]

পঞ্চম দৃশ্য

---•••••---

স্থান—হস্তিনাব প্রাসাদ-অন্তঃপুর । কাল—রাত্রি ।

সত্যবতী একাকিনী ।

গীত ।

কি স্থখে জীবন রাধি ।

আমার, চন্দ্রসূর্য্য নিভে গেছে অন্ধ আমার দুটি আঁখি ।

দেখি শুধু চারিধার

ঘন ঘোর অন্ধকার,

কেবু আর কেন আর কেন আর বেঁচে থাকি ।

[১৭৫

সত্যবতী । হুই পুত্রহারা আমি, ঘৃণিতা দলিতা
 বিধবা মহিষী আমি—অনন্তযৌবনা !
 বর বটে ঋষি ।—ধন্য জগজ্জননী !
 অসীম ককণা তোর ! সার্থক মা তোর
 দয়াময়ী নাম !—না না বৃথা অনুযোগ ।
 কারো দোষ নহে মাতা, এ দোষ আমার ।
 উঠিয়াছিল এ দম্ভ ভেদিয়া অম্বর,
 রক্তবর্ণ করি' চক্ষু নিয়মের পানে,
 তুমি এক পদাঘাতে তাহারে নিক্ষেপ
 করিলে ভূতলে মাতা মিশিতে কর্দমে ।
 সংসারে ধর্ম্মেব ছুর্গ করিয়াছিলাম
 অবরোধ স্বদভরে, সে ছুর্গ তেমতি,
 অক্ষত অচ্যুত গর্বে শির উচ্চ করি'
 দাঁড়াইয়া আছে ; আর আমি পড়ে' আছি
 বিলুপ্তিত পদতলে, ঘৃণিত, দলিত ।
 অয় হোক মহেশ্বরী—তব শৃঙ্খলার । •
 —প্রচণ্ড মার্ত্তণ্ড ওই মেঘে ঢেকে আসে,
 বহিছে শীকরস্নিগ্ধ শীতল সমীর—
 ঘুম আসে শ্রান্ত নেত্রপুটে । নিদ্রা যাই । [ভূমিতলে নিদ্রিত]
 ভীষ্ম ও ব্যাসের প্রবেশ । সঙ্কে মুক্তা ।

মুক্তা । এইখানেই ত ছিল গো !

ভীষ্ম । ঐ যে ঐখানে নিদ্রিত ।

চতুর্থ অঙ্ক ।]

ভীষ্ম ।

[পঞ্চম দৃশ্য ।

ব্যাস । এই যে আমার মা !

সত্যবতী । [নিদ্রিত অবস্থায়] না না আমার স্পর্শ করো না—
আমায় স্পর্শ করো না—আমি কুমারী—

মুক্তা । ঐ দেখ স্বপ্ন দেখছে—

ভীষ্ম । মাঝে মাঝে কি এই রকম ঘুমের ঘোরে বকেন ?

মুক্তা । হাঁ গো হাঁ ।

ভীষ্ম । এত শীর্ণ হ'য়ে গিয়েছেন !

সত্যবতী । না ব্রাহ্মণ, না ব্রাহ্মণ—আমি বর চাই না, আমি বর
চাই না । আমায় ছেড়ে দাও, আমায় ছেড়ে দাও । তোমার পারে
পড়ি । ছেড়ে দাও ।

ব্যাস । অভাগিনী !

সত্যবতী । আমার পুত্র কোথায় ? আমার—

ব্যাস । এই যে তোমার পুত্র মা !

সত্যবতী । কে ! কে ! [উঠিলেন]

ভীষ্ম । ইনি মহর্ষি ব্যাস ।

ব্যাস । আরো এক পরিচয়—দ্বীপে জন্ম মম,

তাই নাম দ্বৈপায়ন ; কৃষ্ণ বর্ণ মম,

তাই নাম ধরি আমি কৃষ্ণদ্বৈপায়ন ।

সত্যবতী । • দ্বীপে জন্ম ?

ব্যাস । পিতা মম ঋষি পরাশর ।

ভীষ্ম । ধর কেহ রাজমহিষীরে ।

[মুক্তা ধরিল]

সত্যবতী । [ক্ষীণস্বরে] তার পর ?

ব্যাস । মাতা মম সত্যবতী—শান্তনু-মহিষী ।

সত্যবতী । বৎস—বৎস !—একি ! মম ঘুরিছে মস্তক—

ক্ষমা কর দেবগণ । ধৌত কর পাপ ।

আপনার পুত্রে পুত্র বলে' ডাকিবার

দেহ অধিকার ।—বৎস ব্যাস !—না না আমি

কি প্রলাপ বকিতেছি !—ঋষিবর ! আমি—

এই ধীবরের কণ্ঠা, এই অভাগিনী

শান্তনুর বিধবা মহিষী, এই নারী

দেশপূজ্য ঋষিবর ব্যাসের জননী ?

ব্যাস । আমার জননী তুমি ।

সত্যবতী । তোমার জননী !—

বৎস ! বৎস !—সত্য ?—মাতা আমি পুত্র তুমি !

আমি কলঙ্কিনী, তুমি ভারতবিখ্যাত

ঋষি ব্যাস ।—বৎস ব্যাস ! 'স্মরি' এই বাণী

আমারে করিছ ঘৃণা ?—না না করিও না ।

এ কথা ঘোষিত কর নিষ্ঠুর ঙ্গণে—

'মৎস্যগন্ধা, কলঙ্কিনী, ভ্রষ্টা, পাপীয়সী

পতিহন্ত্রী'—রাষ্ট্র কর । শুদ্ধ বৎস, তুমি

ঘৃণা করিও না । ঘৃণা করুক জগৎ ;

তুমি করিও না ঘৃণা । আমি কলঙ্কিনী—

ব্যাস । তথাপি পুত্রের কাছে জননী জননী ।

তুর্ধ অঙ্ক ।]

ভীষ্ম ।

[পঞ্চম দৃশ্য ।

চিরদিন । আশীর্ব্বাদ কর মাতা ।

[জানু পাতিলেন]

ভীষ্ম । ওকি !

পাপিনীব পদতলে ঋষি দ্বৈপায়ন !

ব্যাস । জননীৰ পদতলে পতিত সস্তান ।

জননী পুত্রের গুরু ; গুরুৰ আচার

বিচারে শিষ্যেব কোন নাহি অধিকার ।

ব্রাহ্মণেব চেয়ে বড় জননী ; ঋষিব

চেয়ে বড় জননী ;—স্বর্গেব চেয়ে বড় ।

ভীষ্ম । কিন্তু যে কুলটা নাবী !

ব্যাস । দেবব্রত ! তুমি

মহৎ, তথাপি তুমি কৃত্রিয়সস্তান ;

কুমার মহিমা বুকিবাব শক্তি নাই ।

কৃত্রিয়েৰ মহত্বের চরম শিখরে

উঠিয়াছ ভীষ্ম । তথাপি পড়িয়া আছ

ব্রাহ্মণের বহু নিম্নে ।

ভীষ্ম । ব্রাহ্মণ ভার্গব

ক'রেছিল শিরশ্ছেদ কুলটা মাতার ।

ব্যাস । 'ব্রাহ্মণ ভার্গব' ভীষ্ম ? হাঁ ব্রাহ্মণ বটে,

কুঠার যাহার অস্ত্র । স্বধর্ম্ম ছাড়িয়া

যে ব্রাহ্মণ কত্রধর্ম্ম আলিঙ্গন করে,

সে আর ব্রাহ্মণ নয় । শাস্ত্র ছাড়ি'

[১৭৯

শস্ত্রচর্চা ব্রাহ্মণের কার্য্য নহে । তাই
ভার্গবের পরাজয় রাঘবের কাছে ।
ব্রাহ্মণের পরাজয় ক্ষত্রিয়ের কাছে ।
ভগবান্ পরাজিত মনুষ্যের কাছে ।

ভীষ্ম । শুনিব না গুরু-নিন্দা ।

[প্রস্থানোত্তত]

ব্যাস ।

দাঁড়াও গাঙ্গেয় !

শোন বীর । ক্ষত্র তুমি । শস্ত্রচর্চা কর,
শাস্ত্রচর্চা করিও না । কক্ষচ্যুত হইও না—
প্রলয় হইবে । [সত্যবতীকে] দেবি ! জননি আমার !
ব্যাসের পুণ্যের বলে, সর্ব পাপরাশি তব
ধোত হ'য়ে যাক্ । মম বরে স্নান করি'
উঠ মা—সকল পাপ যাও তবে ভুলি' ।
ব্যাসের জননী তুমি—দাঁও পদধূলি ।

সত্যবতী । একি স্বপ্ন ? একি সত্য ?—একি প্রহেলিকা !

একি ব্যঙ্গ ?—এ যে—কিছু বুঝিতে পারি না ।

[সত্যবতী পতনোগ্রস্তী হইলেন, গঙ্গা প্রবেশ করিয়া তাঁহাকে ধরিলেন]

গঙ্গা । সত্যবতী !—স্থির হও !

সত্যবতী । [ক্ষীণস্বরে] কে তুমি রমণি !

গঙ্গা । আমি গঙ্গা সপত্নী তোমার । গর্ভে মম
ধরিয়াছি দেবব্রতে । চিরদিন কাঁদি
মানবের দুঃখে—এই মহা অধিকার

পাইয়াছি বিশ্বস্তর হইতে ভগিনি !
 সমুদ্রত আম্পর্কার দর্প চূর্ণ করি ;
 ব্যথিতের সঙ্গে করি অশ্রু বিসর্জন ;
 স্নানিতের গলদেশ জড়াইয়া ধরি
 সহবেদনায় ; অনুতাপ ধৌত করি
 শান্তিবারি দিয়া ।—দিদি ! মম অশ্রুজলে
 তব পূর্বপাপরাশি ধৌত হ'য়ে যাক্ ।

ষষ্ঠ দৃশ্য ।

স্থান—পর্বতপ্রান্তে শ্মশান । কাল—সন্ধ্যা ।
 গিরিচূড়ায় তপস্কারতা অস্থা । শ্মশানে মহাদেব ও ভূতগণ ।

ভূতদিগের গীত ।

ভূতনাথ ভব ভীম বিভোগা বিভূতিভূষণ ত্রিশূলধারী ।
 ভূজঙ্গশৈল্যেব কিংগণভীরণ ঈশান শঙ্কর শ্মশানচারী ।
 বামদেব শিতিকণ্ঠ উমাপতি ধূর্জটি পশুপতি রুদ্র পিনাকী,—
 মহাদেব মৃড় শঙ্কু বৃষধ্বজ ব্যোমকেশ ত্র্যম্বক ত্রিপুরারি ।
 স্থাপু কপর্দী শিব পরমেশ্বর মৃত্যুঞ্জয় গঙ্গাধর স্মরহর
 পঞ্চবক্ত, হর শশাঙ্কশেখর কুন্তিবাস কৈলাসবিহারী ।

[ক্রমে ক্রমে প্রভাত ও ভূতগণের তিরোধান]

চতুর্থ অঙ্ক ।]

ভীষ্ম ।

[ষষ্ঠ দৃশ্য ।

মহাদেব । কে তুমি তপস্শাবতা পর্বত-শিখরে ?

অম্বা । [নয়ন উন্মীলিত করিয়া] কে আপনি ?

মহাদেব । আমি মহাদেব ।

অম্বা । [উঠিয়া] মহাদেব !

[পর্বত-শিখর হইতে নামিলেন]

অম্বা । কাশিরাজকণ্ঠা অম্বা প্রণমে চরণে ।

মহাদেব । কুমারি ! কি হেতু এই তপস্শা কঠোর ?

কুসুমকোমল দেহ করিছ কাতর—

অনশনে অনিদ্রায় কি হেতু সুন্দরি ?

কি চাহ রমণী তুমি ?

অম্বা । ভীষ্মের নিধন,

আর সে আমার হস্তে—এই মাত্র চাহি ।

মহাদেব । সে কি নারী ! এই তব যৌবনপ্লাবিত

রমণীয় বরতনু বিশীর্ণ করিছ

হিংসায় সুন্দরি ? একি রমণীরে সাজে,

রাজপুত্রি ?

অম্বা । কেন নাহি সাজে মহেশ্বর ?

পুরুষ কি ভাবে—তার সব অবিচার

সব অত্যাচার নারী সহিবে নীরবে,

মাথা হেঁট করি' ? তার নিশ্চয় কঠিন

বিষাক্ত ছুরিকা নারী করিবে আহ্বান

বাড়াইয়া গলদেশ ? তার মর্মান্বদাহী

প্রজ্ঞানার বিনিময়ে বর্ষিবে নিয়ত

স্নিগ্ধ বাবিধাবা ?

মহাদেব । তাই কার্য্য রমণীব ।

অম্বা । আব পুরুষেব কার্য্য নিত্য অত্যাচাব,

নিত্য নির্যাতন ।—না না কবি না স্বীকাব—

হিংসা নিত্য ধর্ম্ম পুরুষেব, বমণীব

ধর্ম্ম শুধু তাই নিত্য মাথা পেতে নেওয়া ।

মহাদেব । তাই বমণীব কার্য্য । সহিষ্ণু বমণী—

স্নেহবতী, প্রেমময়ী, সেবাময়ী সদা

এ জগতে ; পুষ্পদল মধ্যে শতদল—

শুধু ফুল বিকশিত, শুধু ঢল ঢল

টল টল সবসীব সুবিমল জলে ।

—এই ত নাবীব ধর্ম্ম । বমণী যত্বপি

বিসর্জন কবে জলে ধর্ম্ম বমণীর,

পৃথিবী হইতে লুপ্ত হইবে গবিমা ।

অম্বা । ' তাই হৌক মহাদেব । আমার কি তাহে !

ব্রহ্মাণ্ড বক্ষাৰ ভার আমি লই নাই ।

যাঁব সৃষ্টি তিনি বক্ষা করুন তাহারে ।

মহাদেব ।• শুন বৎসে !—

অম্বা । শুনিবাব নাহি অবসর ।

ভীষ্ম-নাশ প্রতিজ্ঞা আমাব । তাহা হ'তে

টলাইতে পাবিবে না একপদ । বর

দিবে কি দিবে না । আমি প্রতিহিংসা চাই :
দিবে কি দিবে না ?

মহাদেব । যদি না দেই রমণি ?

অম্বা । পুনরায় করিব এ তপস্যা, শঙ্কর !

এ বর দিবে না ? দিতে হইবে তোমায় ।

তুমি কি নিয়মাধীন নহ ? স্বেচ্ছাচারী

তুমি কি ধূর্জটি ? দিতে হইবে তোমায় ।

শুনিয়াছি একান্ত সাধনা মহীতলে

নিষ্ফল হয় না কভু—পাপপুণ্যে ভেদ

নাহি এইখানে প্রভু । একান্ত সাধনা

সফল হইতে হবে—হইতেই হবে,

ইহজন্মে কিংবা পরজন্মে একদিন ।

হবে না নিষ্ফল কভু তপস্যা কাহার ।

দিবে কি দিবে না বর ?

মহাদেব । অসাধ্য আমার

এই বরদান । নারী—চাহ অশ্রু বর ।

ইচ্ছামৃত্যু দেবব্রত । তাহারে বিনাশ

অসম্ভব ; যদি তার ইচ্ছা নাহি হয় ।

অম্বা । আমার সাধনাবলে—এই দেবব্রত,

শুধু ইচ্ছা নয়, যোড়করে জানু পাতি'

মাগিবে আপন মৃত্যু ।—মহাদেব আমি

বিতণ্ডা করিতে নাহি চাই । আমি চাহি

চতুর্থ অঙ্ক ।]

ভীষ্ম ।

[ষষ্ঠ দৃশ্য ।

ভীষ্মের নিধন, আর সে নিধন, এই
কুসুমকোমল হস্তে ;—দিবে কি দিবে না ?

দূরে সন্ন্যাসিবশে ভীষ্মের প্রবেশ ।

মহাদেব । অগ্রবর চাহ ।

অশ্বা । নাহি চাহি অগ্র বর ।

মহাদেব । অতুল সম্পত্তি !

অশ্বা । নাহি চাহি ।

মহাদেব । অনন্ত যৌবন ?

অশ্বা । আমি কিছু নাহি চাহি ।

এই এক বর চাহি । দিবে কি দিবে না ?

মহাদেব । আশ্চর্য্য রমণী তুমি !

অশ্বা । আশ্চর্য্য রমণী !

মহাদেব । আশ্চর্য্য এ প্রতিহিংসা ।

অশ্বা । অতীব আশ্চর্য্য ।

—দিবে কি দিবে না এই বর ভূতনাথ ?

কহ । যদি নাহি দাও, যাও আজ তবে ।

পুনরায় তপস্তার করি আয়োজন ।

দিবে কি দিবে না বর কহ মৃত্যুঞ্জয় ?

মহাদেব । তথাস্তু ।—কিন্তু এ জন্মে নহে । পরজন্মে ।

ক্রপদতনয়রূপে জন্মিবে ধরায়

আবার রমণি ! কিন্তু নারীত্ব তোমার

[১৮৫

ছাড়িতে হইবে, হিংসার প্রবৃত্তি-বশে,
 হইবে পুরুষ অর্ক, অর্কেক রমণী—
 পরজন্মে ।—পুরুষের হস্তী হবে নারী !
 হেন পৈশাচিক বর দিতে নাহি পারি ।
 দিলাম এ বর নারী ।

অম্বা ।

কৃতার্থ কিঙ্করী ।

প্রণত চরণে দাসী [প্রণাম] ।

মহাদেব । আশ্চর্য্য রমণী ! [অন্তর্ধান]

অম্বা । রমণীর প্রতিহিংসা দেখুক জগৎ ;
 রমণীব প্রতিহিংসা দেখুক দেবতা ;
 রমণীর প্রতিহিংসা—মরিলেও যাহা
 নাহি যায় । • এর পরে 'হুর্কল রমণী'
 কেহ বলিবে না ; এর পরে রমণীর
 ক্রোধরক্ত চক্ষু দেখি' হাসিবে না কেহ ।
 এর পরে পুরুষ নির্ভয়ে রমণীরে
 করিবে না পদাঘাত । নারীর ক্রন্দনে •
 প্রত্যেক অশ্রুর বিন্দু জলিয়া উঠিবে
 অগ্নির স্ফুলিঙ্গ সম ; তার দীর্ঘশ্বাস
 ধ্বনিবে পুরুষকর্মে সর্পের গর্জন ।
 রমণীর আর্তনাদ উচ্চারিবে তার
 মৃত্যু অভিশাপ ।—দেখ ভীষ্ম, দেখ বিশ্ব তবে
 নারীর পিশাচী মূর্তি । নারীর হৃদয় হ'তে

চতুর্থ অঙ্ক ।]

ভীষ্ম ।


[ষষ্ঠ দৃশ্য ।

সব মুছে যাক—ভক্তি মেহ ক্রোধ ঘৃণা,
শুধু এক—প্রতিহিংসা—প্রতিহিংসা বিনা ।

[প্রস্থান]

ভীষ্ম । বুঝিয়াছি রাজকণ্ঠা, প্রত্যাখ্যাতা তুমি,
ধ'রেছ ভৈরবী-বেশ ।—হায় যদি আমি
পারিতাম কায়মনে গলিয়া যাইতে
করণা-সমুদ্রে এক, এ দাহ তোমার
করিতাম নির্ঝাপিত সেই সিদ্ধুজলে ।
—বিশ্বপতি ! আমারে এ বর দাও, যেন
আমার এ রক্তে যদি তৃপ্ত হয় নারী,
তাহা যেন হাশ্বমুখে ঢেলে দিতে পারি ।

পঞ্চম অঙ্ক ।



প্রথম দৃশ্য ।

স্থান—কুরুসভা । কাল—প্রভাত ।

দুর্যোধন, দুঃশাসন, দ্রোণ, ভীষ্ম আদি কুরুকুল আসীন ।

সম্মুখে—শ্রীকৃষ্ণ ।

কৃষ্ণ । মহারাজ দুর্যোধন ! ধৃতরাষ্ট্র গতাস্থ মহারাজ বিচিত্রবীর্যের জ্যেষ্ঠ পুত্র, পাণ্ডু কনিষ্ঠ । ধৃতরাষ্ট্র অন্ধ, তাই রাজ্য পান নাই ; পাণ্ডু রাজা হ'য়েছিলেন । তোমরা একশ ভাই ধৃতরাষ্ট্রের পুত্র, অতএব রাজপুত্র নও—রাজপৌত্র । কিন্তু যুধিষ্ঠিরাদি পাণ্ডুর এই পাঁচ পুত্র রাজপুত্র । এই রাজ্য তা'দের । অন্ততঃ এ রাজ্যে তাদের অর্ধাংশ আছে, তা' থেকে কেউ তা'দের বঞ্চিত ক'র্তে পারে না ।

দুঃশাসন । কিন্তু তাঁ'দের অংশ—মায় জ্ঞী পর্য্যন্ত যুধিষ্ঠির পাশা খেলে হারিয়েছেন । আমরা তবু জ্ঞী ফিরিয়ে দিয়েছি ।

কৃষ্ণ । অন্ধক্রীড়ার প্রায়শ্চিত্ত তাঁ'রা যথেষ্ট ক'রেছেন । রাজপুত্র হ'য়ে ছাদশ বর্ষ বনবাসী হ'য়েছেন, এক বৎসর ছদ্মবেশে পরের দাস

পঞ্চম অঙ্ক ।]

তীয় ।

[প্রথম দৃশ্য

ক'বেছেন । এখন তাঁ'বা পাঁচ ভাইয়ের জন্ত পাঁচখানি গ্রাম চান।
এই মাত্র ।

দুর্যোধন । তা'বা রাজ্য চায় ত যুদ্ধ কবে' নিক । ভীম যে বড়
প্রকাশ্য সভায় শাসিবে গিয়েছিল যে গদাঘাতে আমার চূর্ণ কর্বে—আব^১
এই দুঃশাসনের বক্তৃপান কর্বে ।

দুঃশাসন । দাদা সে কথা তোলাব দবকাব কি ? রাজ্য ফিবিয়ে
দিচ্ছি না । রাজ্য আমাদেব । ফিবিয়ে দিচ্ছি না । সোজা কথা ।

কৃষ্ণ । কিন্তু যুধিষ্ঠিব অর্ধরাজ্যও চাহেন না ।

দুঃশাসন । সিকিও দেবো না ।

কৃষ্ণ । সিকিও চান না । পাঁচখানি গ্রাম চান মাত্র ।

দুঃশাসন । একখানিও নয় ।

দুর্যোধন । যুদ্ধ কবে' নিক । ভীম যে বড়—

দুঃশাসন । আবাব দাদা ভীমের নাম কব কেন ? দিচ্ছি না
—সোজা কথা ।

কৃষ্ণ । শকুনি । তুমি ক্রমাগত দুর্যোধনের কাণে কাণে কি কইছ ?
তুমিই এই ষড়যন্ত্রেব মূল ।

শকুনি । [যেন সাস্চর্য্য] আমি ?

কৃষ্ণ । মহারাজ দুর্যোধন । আমি তোমায় উদাব হ'তে বলছি না,
দাতা হ'তে বলছি না, দেবতা হ'তে বলছি না । তুমি এখন হস্তিনাব
রাজ্য, ভাবতেব সম্রাট । রাজ্যাব কর্তব্য—সুবিচাব । বিচার কব ।
তা'রা তোমাব ভাই । তা'রা বলবান্ ; বিরাট যুদ্ধে তার পরীক্ষা হ'য়ে
গিয়েছে । তা'রা ক্ষমাশীল ;—ঐতবনে গান্ধর্ববিভ্রাটে তার প্রমাণ

[১৮৯

পঞ্চম অঙ্ক]

ভীষ্ম ।

[প্রথম দৃশ্য ।

পেয়েছে। তা'বা নিবীহ ; পাঁচখানি গ্রাম চায় মাত্র—যখন শ্রায়মতে
এই রাজ্যই তা'দেব। এমন ভাইকে ক্ষেপিও না। এমন ভাইকে পর
কোরো না। সর্বনাশ হবে।

দ্রোণ । যান বাসুদেব ! আপনাব বক্রুতা এখানে ফলবতী হবে
না। এ মকভূমি। এতে বৃষ্টিব জল দাঁড়ায় না।

কৃষ্ণ । শকুনি ! পাপ যা ক'রবার তা ক'বেছো। আব বাড়িও না।
কূলে কূলে ছাপিয়ে উঠেছে। মাত্রা পূর্ণ হ'য়েছে। ধর্ম আব সৈবে না।
দেখ, তুমি চেষ্টা ক'লে এ যুদ্ধ নিবাবণ ক'তে পাবো।

শকুনি । [সাস্চর্য্যে] আমি ?

কৃষ্ণ । ইঁ তুমি। তুমি এদেব মাতুল। তুমি এদেব মন্ত্রী। 'তুমিই
এই ক্ষমতাব সুবা দুর্ঘ্যোধনকে পান কবিয়ে মত্ত কবে' তুলেছো। তুমি
এ বাজ-হর্ম্যাতল পাপেব প্রস্তুবে মণ্ডিত ক'বেছো। তুমি—কি মন্ত্রবলে
ছানি না—এদের—বিশেষতঃ এই অবোধ যুবকেব মন অধিকার কবে'
ব'সেছো।

শকুনি । [সাস্চর্য্যে] আমি ! না বাসুদেব। আমি এব মধ্যে নাই।

কৃষ্ণ । তবে এক্ষণি এব কাণে কি পবামর্শ দিচ্ছিলে ?

শকুনি । [সাস্চর্য্যে] আমি !—ও—আমি 'জিজ্ঞাসা কচ্ছিলাম যে
এমন বাদলা ক'বেছে এখন—এঁ—এঁ—এঁ—আজ এঁ—খিচুড়ি ক'লে
হয না !

কৃষ্ণ । খিচুড়ি যা ক'রবার তা ক'বেছো, বেশ খিচুড়ি পাকিয়েছো।

শকুনি । আব একটু—

কৃষ্ণ । তুমি ত দেখি সব বুঝেছো। তুমি বড় কূট, বড় বুদ্ধিমান।

১৯০]

পঞ্চম অঙ্ক ।]

ভীষ্ম ।

[প্রথম দৃশ্য ।

তুমি যে রাজ্যে একটা সৰ্বনাশ আনছো—এ তুমি যে নিজে বুঝছো না, তা আমি বিশ্বাস করি না ।

শকুনি । শ্রীকৃষ্ণ ! আমি কিছু করছি না । কচ্ছেঁ যা তা অদৃষ্ট !
নহিলে ধর্মরাজ যুধিষ্ঠির বনে যান, আর তার স্থানে মহারাজ
দুর্যোধন—

দুর্যোধন । কি বলছো মামা ?

শকুনি । আব দুর্যোধন—ভীষ্ম, বিদুর, দ্রোণ, কৃপ এমন সব ভালো
ভালো ব্যক্তি থাকতে এক শকুনিকে করে রাজ্যের মন্ত্রী ?

দুর্যোধন । সে কি মামা ?

শকুনি । অদৃষ্ট কেউ খণ্ডা'তে পারবে না । অদৃষ্টে যদি থাকে যে
দুঃশাসনের রক্ত ভীমসেন পান করবেই, তা করবে—

দুঃশাসন । তা করবে কেন ?

শকুনি । —আর দুর্যোধনের উরুদেশ ভীমের গদাঘাতে ভাঙবে ত
ভাঙবেই ।

দুর্যোধন । সে কি মামা ?

শকুনি ।' আরে বাপু, মামা মামা করছিস্ কেন ? তোদের মামা
তোদেরই আছে । কেউ কেড়ে নিচ্ছে না । অদৃষ্ট কেউ খণ্ডা'তে পারে
না । তোর মামা ত মামা তোর—

কৃষ্ণ । তবে পাণ্ডবদের কাছে কি এই বার্তা নিয়ে যেতে হবে ?

দুর্যোধন । হাঁ । তাঁদের ব'লবেন যে দুর্যোধন পাণ্ডবদের বিনা
যুদ্ধে সূচ্যগ্র পরিমাণ ভূমিও দিবে না ।

কৃষ্ণ । বেশ ! তবে আমি চ'ললাম ।

পঞ্চম অঙ্ক ।]

ভীষ্ম ।

[প্রথম দৃশ্য ।

শকুনি । সে কি ! আমরা আপনাকে নিমন্ত্রণ করে' এনেছি—এই উৎসব আয়োজন দেখছেন, এ সব আপনারই জন্ত । দেখছেন ?

কৃষ্ণ । দেখছি বৈকি । বিরাট আয়োজন । কিন্তু ভক্তির চাইতে কীর্তন বেশী ।

দুর্যোধন । সে কি ?

কৃষ্ণ । [শকুনিকে] মামা এবা কেউ কিছু বুঝতে পার না । বুঝছি তুমি আর আমি ।—তবে যাই মহারাজ ।

শকুনি । যাবার পূর্বে কিঞ্চিৎ জলযোগ—আপ্যায়ন—

কৃষ্ণ । কাজ কি ? কথাবার্তায়ই যথেষ্ট আপ্যায়িত হ'য়েছি । আর প্রয়োজন নাই । [প্রস্থানোত্তর]

দুর্যোধন । [দুর্যোধনকে] ধর ।

কৃষ্ণ । আমাকে ধ'রবে । হারে মূর্খ ! আমি নিজে ধরা না দিলে কেউ আমায় কি ধ'র্তে পারে ?—মামা ! এবার সেখানে সেখানে কোলাকুলি ।

দুর্যোধন । যাও—এগোও ।

[দুর্যোধন, কৰ্ণ ইত্যাদি কৃষ্ণকে ধরিতে অগ্রসর হইলে, বিশ্বাস্তরমূর্তি কৃষ্ণ চীৎকার করিয়া হাসিয়া উঠিলেন ও তাহাদের প্রতি স্থির দৃষ্টিপাত করিয়া ব্যঙ্গবিনয়ে মাথা হেঁট করিয়া কহিলেন—“তবে আসি মহারাজ” এই বলিয়া শ্রীকৃষ্ণ অস্তহিত হইলেন]

দুর্যোধন । কেউ ধ'র্তে পারেন না ?

দুর্যোধন । না । তাঁর চক্ষে একটা কি দেখলাম । মনে হোল তাতে সৃষ্টি-স্থিতি-প্রলয়—একসঙ্গে । স্তম্ভিত হ'য়ে গেলাম ।

১৯২]

পঞ্চম অঙ্ক ।]

ভীষ্ম ।

[প্রথম দৃশ্য ।

দুর্যোধন । আর তোমরা ?

কর্ণ । ঐ রকম মনে হোল ।

দুর্যোধন । কি রকম ?

কর্ণ । বর্ণনা ক'র্তে পারি না । একসঙ্গে ভয়, উল্লাস, হুঃখ, কক্ৰণা, স্নেহ । সে যে ঠিক কি মনে হোল বোঝাতে পারি না ।

দুর্যোধন । সব অপদার্থ । এই নিয়ে আমি যুদ্ধ ক'র্তে যাচ্ছি ?

শকুনি । গ্রহ !

দুর্যোধন । কৃষ্ণ কোথা গেলেন ?

কুপাচার্য্য । পাণ্ডব-শিবিরে ।

দুর্যোধন । তিনি তবে পাণ্ডবের পক্ষ নিচ্ছেন ।

কুপাচার্য্য । হাঁ মহাবাজ ।

দুর্যোধন । তবে যে আপনি বলেন মামা যে এ যুদ্ধে কৃষ্ণ আমাদেরই পক্ষে হবেন !

শকুনি । বাপুহে ! ভুল হবার যো নাই । আমি গণে' দেখিছি ।

দুঃশাসন । কি গণে' দেখেছেন ?

শকুনি । যে এ যুদ্ধে তোমাদেরই কৃষ্ণপ্রাপ্তি হবে । আমার গণনা কি ভুল হয় ?—তোমাদের কৃষ্ণপ্রাপ্তি না হওয়া পর্য্যন্ত আমি তোমাদের পক্ষ ছাড়ছি নে । যাই, তাব আয়োজন কবিগে যাই ।—গণনা ভুল হবার যো নাই !

[প্রস্থান]

দুঃশাসন । কোন ভয় নাই দাদা । কৃষ্ণ তাঁর দশকোটি নারায়ণী সেনা আমাদের দিয়েছেন । আর তিনি স্বয়ং এ যুদ্ধে অস্ত্র ধ'র্কেন না ঐতিহ্য ক'রেছেন । একা তিনি পাণ্ডবের পক্ষে থেকে কি ক'র্কেন ?

পঞ্চম অঙ্ক ।]

ভীষ্ম ।

[প্রথম দৃশ্য ।

গান্ধারীর প্রবেশ ।

গান্ধারী । হৃষ্যোধন !

[হৃষ্যোধন সিংহাসন হইতে উঠিলেন । এবং অন্য সকলে স্বীয় স্বীয় আসন পরিত্যাগ করিলেন ।]

হৃষ্যোধন । কি কারণ কৌরব-জননি
রাজসভাস্থলে ?

গান্ধারী । তবে সন্ধি অসম্ভব ?

হৃষ্যোধন । সন্ধি অসম্ভব ।

গান্ধারী । বৎস ! ফিরাইয়া দাও
রাজ্য যুধিষ্ঠিরে ।

হৃষ্যোধন । সে কি !

গান্ধারী । এ রাজ্য তাহার ।

হৃষ্যোধন । সে কি মাতা !

গান্ধারী । হৃষ্যোধন ! আমি মাতা তব ।

আজ্ঞা করিতেছি—রাজ্য ফিরাইয়া দাও ।

হৃষ্যোধন । কিন্তু পিতা—

গান্ধারী । বৃদ্ধ অন্ধ জনক তোমার—

ছটি চক্ষু অন্ধ, মেহে অন্ধ ততোধিক !

তাঁহার সম্মতি ? আমি আজ্ঞা করিতেছি ।

মাতা আমি, করি আজ্ঞা—রাজ্য ফিরে দাও
যুধিষ্ঠিরে ।

হৃষ্যোধন । কিন্তু পিতা—পিতা চিরদিন ।

গান্ধারী । আর মাতা চিরদিন মাতা বুঝি নহে ?
 কে তোরে ধরিয়াছিল জঠরে যুবক ?
 কেবা স্তন্য দিয়াছিল ? কে করিয়াছিল
 ভৃত্য সম সেবা নিত্য ?—পিতা না জননী ?
 —হায় বিধি !—এই পুত্র !—গর্ভ-যন্ত্রণার
 মুচ্ছিত শ্রুতি, সেই মুচ্ছাভঙ্গে তার,
 প্রসারে হুঁহস্ত শুধু সন্তানের তরে,
 তিস্কালক তাম্রখণ্ড অন্বেষণ করে
 বাড়াইয়া হস্ত, অন্ধ ভিক্ষুক ধেমতি ;—
 পুত্রমুখদরশনে যেন জননী
 প্রসব-বেদনা তীব্র সুখে বেজে উঠে ।
 সে পুত্র—বর্জিত শুধু স্নেহে জননীর—
 তার পরে মাতা যেন তাব কেহ নয় ।
 জননীর অনুরোধ—যেন কিছু নয়,
 নতজানু ভিক্ষুকের সাক্ষ যুক্তকর
 হৃৎকল প্রার্থনা মাত্র ।—ওরে ! ওরে মূঢ় ।
 এই যে জননী তোর ভিক্ষা চাহিতেছে,
 সেও রে অবোধ, তোরই মঙ্গলের তরে ।
 আপনার জন্ম নহে ।—পুত্র ! বৃথিত্বেরে
 রাজ্য ফিরাইয়া দাও !

হর্ষোদন । কদাপি না মাতা ।

গান্ধারী । উদ্ধৃত যুবক ! আজি অন্ধ মদভরে

পঞ্চম অঙ্ক ।]

ভীষ্ম ।

[প্রথম দৃশ্য]

মাতৃ-আজ্ঞা তুচ্ছ করিও না । সর্বনাশ
তোমার শিওরে জাগে !

শকুনি । পাণ্ডবের দূত
উত্তর লইয়া গেছে ! ভগ্নি ! ফিরিবার
পথ নাহি আর ।

গান্ধারী । পথ আছে মূঢ়মতি !
ধর্মের প্রশস্ত পথ মুক্ত চিবদিন ।
—রাজ্য ফিরাইয়ে দাও ।

দুর্যোধন । পাবিব না মাতা !

গান্ধারী । পুত্র থাক নাহি থাক—ধর্ম জয়ী হোক !

[প্রস্থান]

দুর্যোধন । ও কি !

দুঃশাসন । বজ্রাঘাত-ধ্বনি—

দুর্যোধন । প্রাসাদ-শিখরে !

[দুর্যোধন, ভীষ্ম ও দ্রোণ ভিন্ন সকলে সসবাস্তে নিক্রান্ত]

ভীষ্ম । কেন পাণ্ডু দুর্যোধন ! কি ! কাঁপিছ কেন ?

এখনও সন্দেহ আছে ভাবী পরিণামে ?

দুর্যোধন । কি কহিছ পিতামহ ! জিনিব সমর ।

যার পক্ষে ভীষ্ম দ্রোণ কৃপ অদরাজ—

ভীষ্ম । পাণ্ডবের পক্ষে জনাৰ্দ্দিন ।

পঞ্চম অঙ্ক ।]

ভীষ্ম ।

[প্রথম দৃশ্য ।

দুর্যোধন । কুরুপক্ষে
দশকোটি নারায়ণী সৈন্য ।

ভীষ্ম । পাণ্ডবের
পক্ষে জনাৰ্দ্দিন ।

দুর্যোধন । এই অক্ষৌহিনী সেনা—

ভীষ্ম । একদিকে বিংশ অক্ষৌহিনী, একদিকে
ধর্ম্ম । আর সর্বধর্ম্মমূল জনাৰ্দ্দিন ।
যতো ধর্ম্মস্ততঃ কৃষ্ণো যতঃ কৃষ্ণস্ততো জয়ঃ ।

[প্রস্থান]

দুর্যোধন । এ কি অন্ধকার । ঘন নীল কাদম্বিনী
ছেয়ে আসে অসীম আকাশে । বৃষ্টি ঐ
নামিল মুষলধারে ।

—জয় ! পরাজয় !

এ যোদ্ধার পাশাখেলা—মাহাতে জীবন পণ ।

—না না প্রাণ দিব, তবু মান নাহি দিব ।

—কে ? ও ! জ্যোৎস্নাচার্য্য !—একদৃষ্টে কি দেখিছ ?

জ্যোৎস্না । দেখিতেছি এক মহা রক্তপঙ্কাজান
সম্মুখে আমার । আর সেই স্বান করি'
উঠিছে পাণ্ডব ঐ ।

দুর্যোধন । কেন গুরুদেব ?

জ্যোৎস্না । মহাত্মা ভীষ্মের উক্তি শুনিলে কোরব !

[১১৭]

“যতো ধর্মস্তুতঃ কৃষ্ণো যতঃ কৃষ্ণস্তুতো জয়ঃ” ।

কদাপি হয় নি মিথ্যা ভীষ্মের বচন ।

হর্ষ্যোধন । তবে কেন কোরবের পক্ষে পিতামহ ?

দ্রোণ । ভীষ্মেরে বুঝি না, কিন্তু একথা নিশ্চয়,

ভীষ্মের বচন কভু মিথ্যা নাহি হয় ।

[হর্ষ্যোধন ভিন্ন সকলের প্রশ্নান]

হর্ষ্যোধন । যতই হ’তেছি অগ্রসর, গাঢ়তর

হ’য়ে আসে অন্ধকার ।—কে মাতুল !

শকুনিব প্রবেশ ।

শকুনি । আমি ।

হর্ষ্যোধন । পুনরায় সভাস্থলে কি হেতু মাতুল ?

শকুনি । মহারাজ !—দেখিয়াছি ভবিষ্যৎ—

হর্ষ্যোধন । কা’র ?

শকুনি । এ যুদ্ধের । এ সমরে জয় সুনিশ্চিত—

তা সে যে দিকেই হোক । কিন্তু ইহা ক্রব

রহিবে তোমার সত্য “যায় যদি প্রাণ,

না ছাড়িব রাজ্যধণ্ডা”—জানিয়াছি স্থির ।

হর্ষ্যোধন । কে বলিল !

শকুনি । দেখিয়াছি বিদ্যাৎ অন্ধরে

লিখিত মেঘের গাঢ় কৃষ্ণ আস্তরণে ।

হর্ষ্যোধন । দেখিয়াছ ?

পঞ্চম অঙ্ক ।]

ভীষ্ম ।

[দ্বিতীয় দৃশ্য ।

শকুনি । দেখিয়াছি । কোন ভয় নাই ।

দুর্যোধন । অকস্মাৎ বিপবীত বহিছে বাতাস । [প্রস্থান]

শকুনি । মূৰ্খ । কিছু বুঝনাক ? এত অন্ধ তুমি ।

এ যুদ্ধে কোববকুল হইবে নিশ্চল ।

—কি লাভ আমার তাহে ? আব কিছু নহে—

শুদ্ধ সে সামান্য—যৎসামান্য সন্তোষ ।—

স্বভাব আমার—কবি যাব গৃহে বাস,

যাব থাই, আমি কবি তাব সর্বনাশ ।

দ্বিতীয় দৃশ্য ।

—••••—

স্থান—কোবববাজ-অস্তঃপুৰ । কাল—সন্ধ্যা ।

অম্বিকা ও অস্থালিকা ।

গীত ।

যেন এমনিই হেসে চলে' বাই ।

বয়সের ক্রটি, অরার ক্রটি—

চরণের তলে দলে' বাই ।

আপনার দিকে কিরেও চাবো না,

হৃৎখের সীমা ঘেঁষেও বাবো না,

পাবো কি পাবো না হবে না ভাবনা,
পরের দুঃখে গলে' যাই !

অস্থিকা । বেশ গান !

অস্থালিকা । খাসা !

অস্থিকা । আচ্ছা, আমরা যে এখন গান গাই কি হিসাবে ?

অস্থালিকা । কেন ! বিধবা হ'লে কি গানও গাইতে নেই ?

অস্থিকা । কিন্তু বুড়ী হ'য়েছি'স্ যে !

অস্থালিকা । কবে থেকে !

অস্থিকা । তা জানিনে । তবে হ'য়েছি'স্ !

অস্থালিকা । সে কি !—বুড়ো হলাম, কিন্তু টের পেলাম না ! এত
বড় ভয়ানক অবস্থা ।

অস্থিকা । তোর সব চুল পেকে গিয়েছে !

অস্থালিকা । তা যাক্ । মন ত পাকে নি ।

অস্থিকা । তা সত্য বোন্ । আমাদের কাছে পৃথিবী সেই চির-
নূতন, জীবন এখনও এক মধুময় স্বপ্ন ।

অস্থালিকা । —বৈধব্যও যে স্বপ্ন-ভঙ্গ 'ক'র্ত্তে পারে নি, মৃত্যুও
প্রাণভয়ে যে স্বপ্ন ভঙ্গ 'ক'র্ত্তে চায় নি,—সে এত মধুর !

অস্থিকা । কিন্তু মা (যদিও বাইরে সেই ১৪ বৎসরের মেয়েটি
আছেন কিন্তু) অন্তরে বুড়িয়ে গিয়েছেন ।

অস্থালিকা । মনে মনে কি ভাবেন, আর নিজের মনে বিড়-বিড়-
করে' কি বকেন ।

পঞ্চম অঙ্ক ।]

ভীষ্ম ।

[দ্বিতীয় দৃশ্য ।

অম্বিকা । সে যে—তিনি ভীষ্মতর্পণ করেন ।

সত্যবতীর প্রবেশ ।

সত্যবতী । অম্বিকা !

অম্বিকা । [অগ্রসর হইয়া] কি মা !

সত্যবতী । তোরা দু'জন এখানে ?

অম্বালিকা । [অগ্রসর হইয়া] ঠিক অনুমান ক'রেছো মা । আমরা এখানে ।

সত্যবতী । এখানে দু'জনে কি কর্ছিঁস্ ?

অম্বিকা । ছেলেমানুষি কর্ছিঁ ।

অম্বালিকা । আর তুমি দিবারাত্র মুখ ভার করে' ভাবো কেন তাই ভাব্ছিঁ ।

সত্যবতী । আমি 'ভাবি কেন' ?—তোরা ভাবিস্ না ?

অম্বালিকা । কৈ ! কিছু বুঝতে পার্ছিঁ না । তুই পার্ছিঁস্ দিদি ?

অম্বিকা । কিছু না ।—আচ্ছা, ভাব্বো কেন মা ?

সত্যবতী । ভাব্বি কেন !—কুরুপাণ্ডবে মহাযুদ্ধ বেধেছে । তোদের একজনের পৌত্রেরা আর একজনের পৌত্রের সঙ্গে মরণ বাঁচন পণ করে' এ রণে প্রবৃত্ত হ'য়েছে,—আর তোরা ভাব্বার বিষয় পেলিনে ?

অম্বিকা । কৈ ? না ! তুই এতে কিছু ভাব্বার বিষয় পেলি অম্বালিকা ?

অম্বালিকা । কৈ ! বুঝতে ত পার্ছিঁনে ।

[২০১

পঞ্চম অঙ্ক ।]

ভীষ্ম ।

[দ্বিতীয় দৃশ্য ।

সত্যবতী । তোরা অবশ্য মনে মনে এ যুদ্ধে নিজের নিজের পৌত্র-
দের জয়কামনা কর্ছিসনে ?

অশ্বিকা ও অস্থালিকা । কৈ ! মনে ত পড়ছে না ।

সত্যবতী । আচ্ছা । এখন ত বুঝ্ছিস্ যে তোদের পৌত্রদের মধ্যে
ভীষণ যুদ্ধ বেধেছে ।

উভয়ে । তা বুঝ্ছি ।

সত্যবতী । এ যুদ্ধে তোরা কোন্ পক্ষের জয়কামনা করিস্ ?

উভয়ে । উভয় পক্ষের ।

সত্যবতী । দুব ! উভয় পক্ষেরই কখন জয় হয় ?

অশ্বিকা । কেন হবে না ।

অস্থালিকা । বল ত ?

সত্যবতী । এ যুদ্ধে হয় পাণ্ডব—নয় ত কৌরবকুল নিশ্চল হবে ।
তোদের এ বিষয়ে কোন চিন্তা হ'চ্ছে না ?

অশ্বিকা । কোথায় ?—তোর হ'চ্ছে বোন্ ?

অস্থালিকা । কিছু না !

অশ্বিকা । যা হবার তা হবে ।—কেমন ?

অস্থালিকা । তা ভেবে কি হবে ।—কি বলিস্ ?

সত্যবতী । হয়ত উভয় কুল নিশ্চল হবে ।

অশ্বিকা । তাও হ'তে পারে । কি বলিস্ ?

অস্থালিকা । কেন হবে না ।

সত্যবতী । আর মৃত্যুর কৃষ্ণ প্রেত দীর্ঘ পদে সেই রণ-ক্ষেত্রেব
হুর্গন্ধ বাতাসে বিচরণ কর্বে ।

২০২]

পঞ্চম অঙ্ক ।]

ভীষ্ম ।

[দ্বিতীয় দৃশ্য ।

অশ্বিকা । বোঝা গেল না । তুই কিছু বুঝলি ?

অশ্বালিকা । কিছু না । বড় বেশী সংস্কৃত ।

সত্যবতী । কিন্তু তোবা মনে মনে কোন্ পক্ষের জয় কামনা করিস্ ?

অশ্বিকা । দু'পক্ষেরই জয় হয় না ?

সত্যবতী । না । এক পক্ষেরই জয় হয় ।

অশ্বালিকা । বাজি চটে না ?

সত্যবতী । না ।

অশ্বিকা । তবে অশ্বালিকার পৌত্রদেব জয় হোক ।

অশ্বালিকা । না না অশ্বিকার পৌত্রদেব জয় হোক ।

সত্যবতী । সে কি । যদি পাণ্ডবকুল নিশ্চূল হয়—

অশ্বিকা । অশ্বালিকা কাঁদবে ।

অশ্বালিকা । হুঁস্ ।

সত্যবতী । আব যদি এই যুদ্ধে কৌরবকুল নিশ্চূল হয়—

অশ্বালিকা । অশ্বিকা কাঁদবে ।

অশ্বিকা । ব'য়ে গেল ।

সত্যবতী । আব—আব—যদি উভয় কুল নিশ্চূল হয় ।

অশ্বিকা । মা জীবনের মন্দ দিকটাই কেবল ভেবে বৃথা কেন
কষ্ট পাচ্ছেন ।

অশ্বালিকা । যখন কাঁদতে হয় কাঁদা যাবে । তা'ব এখন কি !

অশ্বিকা । সংসাবে দুঃখ তোমার ধর্মাব জগ্ন যুচ্ছে । তাকে ফাঁকি
দাও ।

অশ্বালিকা । কেবল ফাঁকি দাও ।

[২০৩

পঞ্চম অঙ্ক ।]

তীয় ।

[দ্বিতীয় দৃশ্য ।

অধিকা । আর যদি হুঃখখারের উপর এসে পড়ে—

অস্থালিকা । হেসে উড়িয়ে দাও ।

অধিকা । যত পারো ।

অস্থালিকা । বাস্ ।

অধিকা । ঐ এক ঝাঁক পায়রা উড়ে যাচ্ছে রে—দেখ্ দেখ্ দেখ্ !

অস্থালিকা । বাঃ বাঃ !

[উভয়ের প্রস্থান]

সত্যবতী । এই অন্তরের চাক্র অনন্তযৌবন

বন্দী করে ব্যাধির জ্রকুটি, সন্ধি করে

জরার লুণ্ঠন সনে, সুপ্ত করে ভয়,

ব্যাপ্ত করে বিশ্ব এক আনন্দ সঙ্গীতে ।

এর কাছে কি, ছার এ অনন্তযৌবন !—

অনমিত মেরুদণ্ড, অবিলোল দেহ,

অগলিত দস্তপাঁতি, অপলিত কেশ—

কি করিবে, যবে এই হৃদয় শ্মশান ।

—বর বটে ঋষি !—যাহা ভূজঙ্গের মত

আমারে বেষ্টিয়া আছে । —বর ফিরে লও

ঋষিবর । আমারে এ কারাগার হ'তে

মুক্ত করে' দাও । এই অন্তঃসারহীন

জীর্ণ রম্য হন্য—যাক্ ভেঙ্গে পড়ে' যাক্ ।

শেষ কর রূপের এ ব্যঙ্গ অভিনয় !

তৃতীয় দৃশ্য ।

—••*••—

কৃষ্ণ একাকী গাহিতেছিলেন ।

গীত ।

আজি সেই বৃন্দাবন কেন মনে গড়ে হায় !
 আজি এ বিজন তীরে—সেই সব পুনরায় !
 সেই যমুনার হাওয়া, সে হুবাসে ভেসে যাওয়া,
 সে নীরব পথ চাওয়া, সে শারদ জ্যোৎস্নায় ।
 অধরে শুধু সে বাঁশি, অন্তরে শুধু সে হাসি,
 গুনি শুধু জলরাশি—উছলিত যমুনার ।
 সেই সব সেই সব করি আজ অনুভব—
 কাহার নুপুর রব দূরে ঐ শোনা যায় ।

'যুধিষ্ঠিরাদি পাণ্ডবদিগের প্রবেশ ।

কৃষ্ণ । কি ধর্মরাজ ! রাত্রিকালে সদলবলে যে আমার কাছে এসে
 উপস্থিত ? নিজেও ঘুমোবে না—আর কাউকেও ঘুমোতে দেবে না ।

যুধিষ্ঠির । তুমি ঘুমুচ্ছিলে নাকি বাসুদেব ?

কৃষ্ণ । ঘুমুচ্ছিলাম কি না জানি না !—তবে স্বপ্ন দেখছিলাম । কি
 মধুর স্বপ্ন !—ভেঙে গেল ।—যাক । এখন ঋষির একটা নিশ্চয়ই আছে ।

পঞ্চম অঙ্ক ।]

ভীম ।

[তৃতীয় দৃশ্য ।

যুধিষ্ঠির । খবর কিছু নাই

কৃষ্ণ । তবে ?

যুধিষ্ঠির । একটা মন্ত্রণা ক'র্ত্তে এলাম ।

কৃষ্ণ । রাত্রে ?

যুধিষ্ঠির । উপদেশ চাই ।

কৃষ্ণ । চাও নাকি !—কি বিষয়ে ? উপদেশ আমি খুব দিতে পারি ।

যুধিষ্ঠির । একা ভীমের হাতে সমস্ত পাণ্ডবসৈন্য বিনষ্ট হয় যে বাসুদেব !

কৃষ্ণ । ক্রমাগত পাণ্ডবসৈন্য ক্ষয়ই হ'চ্ছে বটে, সে কথা সত্য ।

যুধিষ্ঠির । এ যুদ্ধে আমাদের জয়শা নাই ।

কৃষ্ণ । সেই রকম তু এখন বোধ হ'চ্ছে ।

ভীম । তুমি শেষে এই কথা ব'লছো বাসুদেব !

কৃষ্ণ । ব'লছি বৈ কি । তুমি না মহাবীর ? তোমার গদা কৈ ? কি নীরব রৈলে যে ! গদা ! দুঃশাসনের রক্তপান ক'র্ত্তে না ? কর । —আর অর্জুন ! খাণ্ডবদাহন ক'রেছিলে যে ! বিরাট যুদ্ধ জয় ক'রেছিলে যে ! আরও কি কি ক'রেছিলে । তোমার গাণ্ডীধ কি ঘুমুচ্ছে ?

ভীম । এ সময়ে ওরকম পরিহাস ভালো লাগে না বাসুদেব ।

কৃষ্ণ । উপাদেয় পরিহাস সব সময় মনে আসে না ভাই ।—কি ভায়া নকুল সহদেব—এক কোণে বসে' মিট মিট করে' চাইছ যে !

যুধিষ্ঠির । এখন উপায় ? উপদেশ দাও বন্ধু !

কৃষ্ণ । তাই ত । সহদেব আমার বাঁশিটা দাও ত ।

২০৬]

পঞ্চম অঙ্ক ।]

ভীষ্ম ।

[তৃতীয় দৃশ্য ।

যুধিষ্ঠির । বাঁশি কেন ?

কৃষ্ণ । অনেকদিন বাজাইনি । দাও ।

যুধিষ্ঠির । তা এই সময়ে—

কৃষ্ণ । মন স্থির ক'র্ত্তে দাও ।

[কৃষ্ণ বাঁশি লইয়া খানিক বাজাইলেন]

নকুল । আপনি যে বাঁশি বাজা'তে আরম্ভ করলেন ।

সহদেব । বর্ত্তমান বিষয়ের সঙ্গে এর কোন রকম সংশ্রব দেখা যাচ্ছে না ।

কৃষ্ণ । [বাঁশি রাখিয়া গম্ভীর ভাবে] যুধিষ্ঠির ! ভীষ্ম জীবিত থাকতে এ পক্ষে জয়াশা নাই । আমি তবে দ্বারকা'য় ফিরে যাই ।

সহদেব । সোনার চাঁদ আর কি ! যুদ্ধ বাধিয়ে দিয়ে তার পর সরে' প'ড়'বার যোগাড় !

নকুল । একে বলে—গাছে উঠিয়ে দিয়ে মই কেড়ে নেওয়া ।

যুধিষ্ঠির । কেশব ! এ ঘোর বিপদে একা তুমি মাত্র ভরসা ।

কৃষ্ণ । আমি কি করব ? আমি ত এ যুদ্ধে অস্ত্র ধরব না প্রতিজ্ঞা করে' এসেছি । আমার নারায়ণী সেনা বিপক্ষ-পক্ষে । অর্জুন মন দিয়ে যুদ্ধ কচ্ছে' না । আমি কি করব ?

যুধিষ্ঠির । . অর্জুন মন দিয়ে যুদ্ধ কচ্ছে' না ?

কৃষ্ণ । না । রণক্ষেত্রে আমার কেবল সারথ্য করবার কথা । তার চেয়ে বেশী করছি ।

ভীষ্ম । কি কচ্ছ' ! ছাই কচ্ছ' ।

[২০৭

পঞ্চম অঙ্ক ।]

ভীষ্ম ।

[দ্বিতীয় দৃশ্য ।

কৃষ্ণ । কচ্ছি না ! যুদ্ধের প্রারম্ভে আমি তিন ঘণ্টা কাল ধরে' রণক্ষেত্রে অর্জুনকে উপদেশ দিইছি । উপদেশ দেবার কোন কথা ছিল না । কিন্তু অতখানি উপদেশ বৃথাই গেল । অর্জুন হিম, অনড় । বাণ মাচ্ছে—আর সঙ্গে সঙ্গে যেন হাই তুলছে । নৈলে অর্জুন যদি যুদ্ধ করে—দেবরাজের কাছে যার অস্ত্রশিক্ষা, শিবের কাছে যে পাণ্ডপত অস্ত্র লাভ ক'রেছে, যে শস্ত্রশিক্ষায় ব্রহ্মচারী—ত জয় মুষ্টিগত ।—কিন্তু সে যদি যুদ্ধক্ষেত্রে বাহ্যযুদ্ধ ছেড়ে আমার সঙ্গে কেবল বাগ্‌যুদ্ধ করে, তবে আমার বিদায় দাও ।

যুধিষ্ঠির । অর্জুন ! ভাই ! তুমি মন দিয়ে যুদ্ধ কচ্ছ'না ?

অর্জুন । আমি কি করব দাদা ? জ্ঞাতিবধে আমার হাত ওঠে না, হৃদয় অবসন্ন হয় । আমি কি করব দাদা !

কৃষ্ণ । হাত ওঠাও । অবাধ্য হৃদয়কে দৃঢ় কর ।

যুধিষ্ঠির । [কাতর ভাবে] অর্জুন !—

কৃষ্ণ । আর অর্জুনই বা কি করবে ! যুদ্ধের প্রারম্ভে তুমিই তর্ক করে' ওকে দমিয়ে দিলে । জ্ঞাতিবধ, জ্ঞাতিবধ করে' জালাতন ক'র্লে ! যার বা প্রাপ্য, যার প্রতি যার যে কর্তব্য, আমি বলে' দেব । বিচাবণ করবার তোমরা কে ? ভীষ্মবধ তুচ্ছ ব্যাপার, অর্জুন যদি মনে করে ।

অর্জুন । ভীষ্ম ইচ্ছামত্ব ।

কৃষ্ণ । তবে আর কি ! নিজা যাও ।—তর্ক কোরো না অর্জুন । নিজের কর্তব্য কর, ক্ষাত্রধর্ম পালন কর । আব সব ভার আমার উপর ।

যুধিষ্ঠির । [সান্নিধ্যেরে] অর্জুন !—

অর্জুন । আচ্ছা দাদা, তাই হবে ।

পঞ্চম অঙ্ক ।]

ভীষ্ম ।

[তৃতীয় দৃশ্য ।

কৃষ্ণ । ইচ্ছামৃত্যুর বন্দোবস্ত আমি করছি । এসো মা ! তোমার একটা কাজ ক'র্ত্তে হবে । আচ্ছা কি ক'র্ত্তে হবে ভেবে পরে ব'লবো এখনই । এখন তোমরা যাও ।

[কৃষ্ণ ভিন্ন সকলের প্রস্থান]

[কৃষ্ণ আবার বাঁশি বাজাইতে লাগিলেন]

ব্যাসের প্রবেশ ।

কৃষ্ণ । কেও ? ঋষিবর ব্যাস ?—প্রণাম চরণে ।

ব্যাস । ধন্য তুমি ! পরমেশ ! কে পদে কাহার
প্রণমে ? তোমার প্রভু, লীলা বোঝা ভার । [প্রণাম]

প্রতারণা ! প্রতারণা ! নিত্য প্রতারণা !

একি করিতেছ তুমি দেব নারায়ণ !

দূর ভবিষ্যতে যদি অবোধ মানব

চলে সবে তোমার পদাঙ্ক লক্ষ্য করি'

ঢাকিয়া যাইবে পৃথ্বী প্রতারণাজালে ।

কৃষ্ণ । সাবধান নর ! তুমি মনুষ্য সসীম,

'অসীম ঈশ্বর । ভিন্ন ধর্ম্ দু'জনার ।

নিত্য আমি ক'ত হত্যা করি বিশ্বতলে,

মনুষ্য পতঙ্গ কীট—জানো কি মানব ?

মেঘ ঋপদের খাদ্য ; ভেক ভুজঙ্গের ;

কীট পতঙ্গের ভক্ষ্য । এ ব্রহ্মাণ্ডময়

চ'লেছে সংগ্রাম নিত্য আত্মরক্ষা তরে ।

—এই ঈশ্বরের কার্য্য ।

পঞ্চম অঙ্ক ।]

ভীষ্ম ।

[তৃতীয় দৃশ্য ।

ব্যাস । কেন ?

কৃষ্ণ । সাবধান !

নরের অবোধ্য সেই উদ্দেশ্য মহান্ ।

ব্যাস । মানুষ কি তাহার বাহিরে ?

কৃষ্ণ । কভু নহে ।

এ মহা সংগ্রামে ব্যাস মানুষ একাকী
সমর্থ ছাড়িতে স্বার্থ । বাহিরে তাহার
বাহিরের সঙ্গে যুদ্ধ—স্বার্থের প্রসার ।
কিন্তু অগ্নি বন্দ তার দিয়াছি অস্তুরে—
নিজ প্রবৃত্তির সঙ্গে নিজ প্রবৃত্তির ।
ব্রহ্মাণ্ডে সমগ্র আমি ; সারাংশ মানুষ ।
এ ছুঙ্কের ক্ষীর নর—এই পাদপের
পুষ্প সুকুমার । ব্যাস ! এ সৃষ্টি আমার ।
মানুষ মানুষ হ'লে হইবে তাহার
ঈশ্বরের চেয়ে বড় ।

ব্যাস । সে কি নারায়ণ !

ঈশ্বরের চেয়ে বড় মানুষ !!!

কৃষ্ণ । নিশ্চয় ।

অর্থাৎ সে মানুষ—মানুষ যদি হয় ।

ব্যাস । ওকি কৃষ্ণ ! তব চক্ষে জল, মুখে হাসি ।

কৃষ্ণ । তুনিবে মহর্ষি ব্যাস, বাজাইব বাঁশি ? [বংশী-বাদন]

চতুর্থ দৃশ্য ।

—o:*:o—

স্থান—কুরুক্ষেত্র । কাল—রাত্রি ।

ভীষ্ম একাকী ।

ভীষ্ম । এ শূন্য জীবন আর ভালো নাহি লাগে ।
দিনে দিনে ক্ষীণ হ'য়ে আসে পরমায়ু ।
দেখিয়াছি সহচর বন্ধু অনুচবে
নিমগ্ন হইতে ধীরে কালসিন্ধু-জলে ;
আর আমি চলিয়াছি ভাসি' কালস্রোতে,
ক্লান্ত অবসাদভারে, বিগতবৈভব
শীর্ণ অবশেষ ল'য়ে ।—ধীরে অন্ধকারে
ছেয়ে আসে জীবনের কর্মরঙ্গভূমি ।
তুষারসম্পাতহিম শিখবে দাঁড়ায়
দেখিতেছি অতীতের সান্নিধ্য উপত্যকা ।—
আর ভালো নাহি লাগে এ রক্ষ নির্জন ।

গান্ধারী ও কুন্তীব প্রবেশ ।

ভীষ্ম । কে ।

[উভয়ে প্রণাম করিলেন]

পঞ্চম অঙ্ক ।]

ভীষ্ম ।

[চতুর্থ দৃশ্য ।

ভীষ্ম । কি সংবাদ কুন্তী ! পাণ্ডবের কুশল ত ?

কুন্তী । যথাসম্ভব কুশল । কুন্তী আমার পুত্রগণ আজ নিরুৎসাহ,
ভয়াকুল, ত্রিয়মাণ, নিজ্জীব ।

ভীষ্ম । কেন মা ?

কুন্তী । যুধিষ্ঠির জয়াশা ত্যাগ ক'রেছে । সে পুনরায় বনে যাবার
জন্য প্রস্তুত হ'য়েছে ।

ভীষ্ম । কেন ? স্বয়ং শ্রীকৃষ্ণ যার পক্ষে, তার কিসের ভয় কুন্তী ?
কত মুনি ঋষি যার চরণাশুভ্র ধ্যান করে' পায় না, তিনি যে দিকে স্নেহে
বাঁধা, তার আবার জয়াশা নাই ?

কুন্তী । কিরূপে জয় হবে দেব ? এই নয় দিনের যুদ্ধে সমস্ত সৈন্য
কাতর, জর্জর । আর কয়দিন এ সৈন্য আপনার শরাঘাতের সম্মুখে
দাঁড়িয়ে থাকবে দেব ? আমরা যুদ্ধে জয় চাই না । আমরা বনে, যাচ্ছি ।
তাই দিদির কাছে বিদায় নিতে এসেছিলাম ।

ভীষ্ম । কিন্তু তোমার পুত্র ধনঞ্জয় মহাবীর ।

কুন্তী । ধনঞ্জয়ের মত পৃথিবীর শত বীর একা ভীষ্মের সমকক্ষ নয় ।
একা ধনঞ্জয় কি ক'রে ?

গান্ধারী । মহামতি ! আপনি ছুর্যোধনের পক্ষ ত্যাগ করুন ।

ভীষ্ম । সে কি গান্ধারী !

গান্ধারী । জানি, আপনি কোরবের পিতামহ । কিন্তু আপনি
পাণ্ডবেরও পিতামহ । সংগ্রামে এক পৌত্রের পক্ষ হ'য়ে অপর পৌত্রের
বিপক্ষে অন্তর্ধারণ ভীষ্মকে সাজে না । আপনি ছুর্যোধনের পক্ষ
পরিত্যাগ করুন ।

২১২]

পঞ্চম অঙ্ক ।]

ভীষ্ম ।

[চতুর্থ দৃশ্য ।

ভীষ্ম । তা পারি না গান্ধারী । হুর্যোধন রাজা । আমি প্রজা ।
রাজ্য বিপদে তাকে রক্ষা করা প্রত্যেক প্রজার কর্তব্য ।

গান্ধারী । হুর্যোধন রাজা নয় । হুর্যোধন পরস্বাপহারী দস্যু ।
একজনের সম্পত্তি লুণ্ঠন করে' রাজা উপাধি নিয়ে সিংহাসনে বসলেই
রাজা হয় না দেব ।

ভীষ্ম । সে কি গান্ধারী ! হুর্যোধন তোমার পুত্র ।

গান্ধারী । হাঁ হুর্যোধন আমার পুত্র ।—পিতা ! আপনি জানেন,
মাতার কাছে তা'র পুত্র কি জিনিষ ? সে তার দেহের শক্তি, নয়নের
দীপ্তি, অন্ধের যষ্টি, রোগীর ঔষধ, মুমূর্ষুর হবিনাম । সে তার জীবন-
মকভূমির নির্ঝর, সংসারসমুদ্রের তরণী, ইহজন্মের সর্বস্ব, পরজন্মের
আশা, জন্ম জন্মান্তরের পুণ্যরাশি । সে তার যজ্ঞগায় স্রষ্টা, শোকে সাধনা,
দৈন্ত্রে ভিক্ষা, নিরাশায় ধৈর্য্য ।—হুর্যোধন আমার সেই পুত্র । কিন্তু যখন
সেই পুত্র ণায়ের সত্যের বিবেকের ধর্ম্মেব বিপক্ষে,—তখন সে আমার
কেউ নয় । যখন সেই পুত্র পাপের সিংহাসনে বসে', অন্যায়ের রাজদণ্ড
ধরে', দুর্নীতির শাসন জগতে দৃঢ় করে,—তখন সে আমার কেউ নয় ।
যখন সেই পুত্র রাজ্যে অশান্তি, অরাজকতা উচ্ছৃঙ্খল অত্যাচার নিয়ে
আসে—তখন ইচ্ছা হয়—কি ব'লবো পিতা—তখন ইচ্ছা হয় যে আমি
আত্মহত্যা করি, তখন অনুতাপ হয় যে ছেলেবেলায় তাকে 'মুন ধাইয়ে'
মারিনি কেন ।—পিতা ! আমি হুর্যোধনের জননী । আমি ব'লছি,
আপনি হুর্যোধনকে ত্যাগ করুন ।

ভীষ্ম । কিন্তু গান্ধারী ! আমি তার অন্ন খেয়েছি ।

গান্ধারী । 'এত বিনয় ! এ সাম্রাজ্য হুর্যোধনের নয়, হুর্যোধনের

[২১৩

পঞ্চম অঙ্ক ।]

ভীষ্ম ।

[চতুর্থ দৃশ্য ।

পিতার নয়, এ সাম্রাজ্য ভীষ্মের ।—দুর্যোধনের অন্ন আপনি খেয়েছেন !
না! দুর্যোধন এতদিন ধরে' আপনার কৃপাদত্ত অন্ন খাচ্ছে ।—আর তাই
যদি হয়, অন্নদাতা যদি হত্যা ক'র্ত্তে বলে, আপনি কি তাই করবেন ?

ভীষ্ম । এ হত্যা ?

গান্ধারী । এ হত্যা । আর এ একটা হত্যা নয়, এ সহস্র সহস্র
হত্যা । যুদ্ধ নাম দিলেই কি হত্যা আর হত্যা নয় । মহারাজ পাণ্ডুর
পুত্র পাণ্ডবেরা পাঁচখানি গ্রাম চেয়েছে । মদোনত্ত দুর্যোধন উত্তর দিয়েছে
“বিনা যুদ্ধে সূচ্যগ্র পরিমাণ মৃত্তিকা দিব না ।” আর সেই দৃষ্ট স্বেচ্ছাচার,
ধর্মবীর ভীষ্ম বাহুবলে প্রচার কচ্ছেন ।

ভীষ্ম । গান্ধারী ! বুঝতে পাচ্ছি—এ অন্য় । কিন্তু বিপদে
রাজাকে ত্যাগ ক'র্ত্তে পারেন না । ভীষ্ম জীবন থাকতে কৃতল্প হ'তে
পারেন না ।

গান্ধারী । কুন্তী ! দিদি !—এ অরণ্যে রোদন । ভীষ্ম বড় রাজভক্ত !
কর্তব্যের জন্ত মাতা পুত্রকে ত্যাগ ক'র্ত্তে পারে, ভীষ্মদেব রাজাকে ত্যাগ
ক'র্ত্তে পারেন না । চল দিদি ! [প্রস্থানোদ্যত]

ভীষ্ম । দাঁড়াও ।

[উভয়ে দাঁড়াইলেন]

ভীষ্ম । না যাও । [গান্ধারী ও কুন্তী চলিয়া গেলেন । ভীষ্ম
পাদচারণ করিতে লাগিলেন]

তাহাই হউক তবে ।—আত্মহত্যা পাপ ।

আগ্নি করিব সে পাপ, যাইব নরকে

স্থাপিতে ধর্মের রাজ্য এই ধরাতলে ।

পঞ্চম অঙ্ক ।]

ভীষ্ম ।

[চতুর্থ দৃশ্য ।

সত্য কথা !—অধর্মের পক্ষে বটে আমি ।
—তথাপি—তথাপি—রাজভক্তি, কৃতজ্ঞতা—
উভয়ের পিতামহ—বিষম সংশয় !—
এ মহা অগ্রায়—আর ইচ্ছামৃত্যু আমি ।
—কিন্তু হেন সংঘটন আপন মৃত্যুর—
নহে কি সে আশ্চর্য্য । তাহাই হউক ।
—ওকে ! ওকে ছায়াকপী ?

ছায়ামূর্তি । প্রতিহিংসা—

ভীষ্ম । প্রতিহিংসা !

ছায়ামূর্তি । প্রতিহিংসা মম

কালি পূর্ণ হবে ভীষ্ম রুধিরে তোমার ।

ভীষ্ম । কিরূপে ?—কোথায় যাও ? কহ সমাচার
আমার মৃত্যুর । কহ ।

ছায়ামূর্তি । কালি পুনবায়

কুরুক্ষেত্র-রণস্থলে—পাইবে সাক্ষাৎ ।

[অন্তর্হিত]

ভীষ্ম । চলিয়া গিয়াছে মূর্তি মিশা'য়ে তিমিরে ।

আশ্চর্য্য ! উত্তম । তবে আর দ্বিধা নাই ।

কৌরবকুলের প্রবেশ ।

দুর্যোধন । পিতামহ !

ভীষ্ম । [চমকিয়া] কে ?—কৌরব ?

কি সংবাদ ?

[২১৫

পঞ্চম অঙ্ক ।]

ভীষ্ম ।

[চতুর্থ দৃশ্য ।

হৃষ্যোধন । পিতামহ ! ধন্য শৌর্য্য তব
পলাইছে রণস্থল ছাড়িয়া পাণ্ডব ।
ঐ শুন পলায়ন-কোলাহলধ্বনি ।

ভীষ্ম । বৎস ! উঠা পলায়ন-কোলাহল নহে,
ঐ ধ্বনি পাণ্ডবের উৎসব-কল্লোল ।

হৃঃশাসন । উৎসব-কল্লোল !

ভীষ্ম । উহা করিছে সূচনা
ভীষ্মের পতন বণে, দশম দিবসে !

হৃষ্যোধন । ভীষ্মের পতন রণে ?

ভীষ্ম । হৃষ্যোধন ! ভাই !
আজি শেষবার বলি—ক্রান্ত হও রণে ।
এখনও সময় আছে । নহিলে নিশ্চূল
হইবে কোরবকুল সমরে নিশ্চয় ।

শকুনি । ভীষ্মের বচন কভু মিথ্যা নাহি হয় ।

হৃঃশাসন । মাতুল !

শকুনি । বিজয়লক্ষ্মী বড়ই চঞ্চলা ।

ভীষ্ম । বৎস ! শেষবার বলি—ক্রান্ত হও রণে ।

হৃষ্যোধন । কখন না । পিতামহ ! দিব এই প্রাণ ;
কোরবমর্যাদা নাহি দিব বলিদান ।

ভীষ্ম । এ দৈব !—সামান্য নর আমি কি করিব !
আমি দেখিতেছি দূরে—যে কাল অনল
জ্বলিল সর্মরে আজি ভ্রাতৃঘেবরুণী,

কুরুক্ষেত্র-রণস্থলে, কালে সে অনল
হবে ব্যাপ্ত পরিব্যাপ্ত সমগ্র ভারতে,
রাবণের চিতাসম যুগে যুগে তাহা
অলিবে অনন্ত কাল । জানিও নিশ্চয় ।

শকুনি । ভীষ্মের বচন কভু মিথ্যা নাহি হয় ।

ভীষ্ম । ফিরে যাও স্ব স্ব গৃহে । সুখে নিদ্রা যাও ।

[কৌরবগণের নতমুখে প্রস্থান]

ভীষ্ম । কিছুদিন হ'তে আশে পাশে দেখিতেছি
মরণের ছায়া । আজি আসিয়াছে দ্বারে ।
শুনিয়াছি তাহার সে গভীর আহ্বান ।

ব্যাসের সহিত শ্রীকৃষ্ণের প্রবেশ ।

কৃষ্ণ । ভীষ্ম !

ভীষ্ম । একি ! বাসুদেব ! প্রণমি চরণে ।

—ঋষিবর প্রণমি চরণে তব ।

ব্যাস । স্বস্তি ।'

কৃষ্ণ । বুঝিয়াছ কেন আমি শিবিরে তোমার,
গভীর নিশীথে ভীষ্ম !

ভীষ্ম । বুঝিয়াছি দেব !

নীলাময় তুমি অন্তর্যামী ভগবান্ ।

এই আত্মহত্যা পাপ, তোমার ইচ্ছায়,

—আশীর্বাদ কর—যেন ধোত হ'য়ে যায় ।

কৃষ্ণ । চেয়ে দেখ ব্যাস ! একি দেখেছ কখন ?—

এত বড় ত্যাগ ! হেন নিঃস্বার্থ জীবন ?

ব্যাস । দেবব্রত ! দেবব্রত ! এও কি সম্ভব !

ধন্য ভাই, ধন্য তুমি । ধন্য আমি ব্যাস,

—যে আমি তোমার গুরু । দেবব্রত ! আজি

শিষ্যের নিকটে গুরু ক্ষুদ্র হ'য়ে যায় ।

কৃষ্ণ । কহিতেছিলাম ব্যাস—ঈশ্বরের চেয়ে

মহৎ মানুষ—যদি মানুষ সে হয় ।

ভীষ্ম ! আমি নির্বিকার ! চেয়ে দেখ তবু

আমার নয়নে জল ।—ভক্ত ! নরোত্তম !

পুণ্যশ্লোক ! মহাভাগ ! যোগী ! বীবর !

ত্যাগের আদর্শ ! পাপ স্পর্শিবে তোমায় ?

সাধ্য তার ?—দেখ ঐ তব মহিমায়

তব পদতলে পাপ কেঁদে গলে' যায় ।

পঞ্চম দৃশ্য

—o:*:o—

স্থান—রণক্ষেত্রপ্রান্ত । কাল—প্রদোষ ।

কৃষ্ণ, অর্জুন ও শিখণ্ডী ।

কৃষ্ণ । কি দেখিছ ধনঞ্জয় ! নির্বাক্ বিশ্বয়ে
দাঁড়িয়ে সমরাস্রগে ? উঠ বথে বীব ।
যুদ্ধ কর ।

অর্জুন । কি আশ্চর্য্য দেবকীনন্দন !
দেখিতেছ বাসুদেব এই ।—

কৃষ্ণ । কি অর্জুন ?

অর্জুন । হেন যুদ্ধ দেখিয়াছ কভু কি যাদব ?
ঐ দেখ ভীষ্মেব জ্যামুক্ত শরজাল
করিয়াছে অবরুদ্ধ সূর্য্য-করজালে
প্রলয়ের মেঘসম আসি' । ঐ দেখ
অসির পিঙ্গল দীপ্তি খেলিছে বিদ্যৎ ।
একা ভীষ্ম যুদ্ধ করে শত ভীষ্ম প্রায়,
বজ্রসম হানে বাণ বন্ধে অরাতির ।
ঘিরিছে সহস্র সৈন্ত চারিদিকে তাঁর—
নিমেষে বাণের স্পর্শে ছিন্ন ভিন্ন হ'য়ে

পঞ্চম অঙ্ক ।]

ভীষ্ম ।

[পঞ্চম দৃশ্য ।

পড়ে ভূমিতলে । ঐ ঘন বাণ্য বাজে
ঐ রণকোলাহল, মৃত্যুর কল্লোল,
সঙ্গে তুরঙ্গের হেঁষা, করীর বৃংহিত
ছাপিয়া উঠেছে ভীষ্ম কোদণ্ড-টঙ্কার ।
ভীষ্মেরও এ হেন যুদ্ধ কভু দেখি নাই ।

কৃষ্ণ । সত্যই আশ্চর্য্য, পার্থ !

অর্জুন । ঐ দেখ পলাইছে পাণ্ডব-সংহতি ।

পশ্চাতে একাকী ভীষ্ম চালাইছে রথ,

মত্ত প্রভঞ্জনসম মেঘের পশ্চাতে ।

ক্ষীতবক্ষ, দৃঢ়মুষ্টি, আলীঢ়চরণ,

বৃদ্ধ অঙ্গে স্বেদধারা দ্রুত বহে' যায়,

বদ্ধ গুণ্ডদ্বয়ে মৃত্যু, নয়নে প্রলয়,

একি সে স্থবির ভীষ্ম কিংবা বজ্রপাণি !

ধনু পিতামহ ! ধনু ভীষ্ম ! ধনু বীর !

হেন যুদ্ধ—কি উল্লাস ! বুঝি ভীষ্ম আজি

ছাড়া'য়ে উঠেছে ভীষ্মে ।

নেপথ্যে । পালাও পালাও !

ধনুর্কাণহস্তে যুধিষ্ঠিরের প্রবেশ ।

যুধিষ্ঠির । অর্জুন ! এখানে !

কৃষ্ণ । কিছু বলিও না—পার্থ

করিতেছে উপভোগ সময় সুন্দর !

পঞ্চম অঙ্ক ।]

ভীষ্ম ।

[পঞ্চম দৃশ্য ।

যুধিষ্ঠির । অর্জুন ! অর্জুন !

অর্জুন । [চমকিয়া] দাদা !

যুধিষ্ঠির । এখানে কি হেতু ?

অর্জুন । ঋণিক বিশ্রাম তরে ।

যুধিষ্ঠির । এদিকে নিশ্চল
হইল পাণ্ডব-সৈন্য !

নেপথ্যে । পালাও পালাও ।

যুধিষ্ঠির । ঐ শুন আর্তনাদ !—ঐ দেখ চেয়ে

পাণ্ডববাহিনী ভেদি' বিদ্রাতের মত,

ঘর্ষরিয়া রথচক্র বিজয়-উল্লাসে

আসে বীর । পার্শ্ব ! যুদ্ধে অগ্রসব হও ।

অর্জুন । এই যাইতেছি যুদ্ধে । কোন ভয় নাই ।

কৃষ্ণ । ঘুম ভাঙ্গিয়াছে ধনঞ্জয় ?

অর্জুন । আজি তবে—

ভীষ্ম ও পার্থের মত সমরসংঘাতে

প্রলয় হইবে । রথ চালাও সারথি ।

কৃষ্ণ । শিখণ্ডী রহিও তুমি পার্থের সম্মুখে ।

দৃশ্য পরিবর্তন ।

যুদ্ধাঙ্গন—সমরবেশে ভীষ্ম ।

ভীষ্ম । এ নহেত শিখণ্ডীর বাণ !—অর্জুনের শর

বজ্রসম বাজে বক্ষে ।—হানো বাণ যত •

পারো ধনঞ্জয় । বক্ষ দিতেছি পাতিয়া ।
 আজ তবে শেষ । “ রথ চালাও সারথি
 রণক্ষেত্র মধ্যস্থলে । সবার সম্মুখে
 সমরে পড়িবে ভীষ্ম । দেখুক জগৎ ।

ষষ্ঠ দৃশ্য ।

—:~:—

স্থান—কৌরবের অন্তঃপুর । কাল—সন্ধ্যা ।

অম্বিকা ও অম্বালিকা বেড়াইতে বেড়াইতে গল্প করিতেছিলেন ।

অম্বিকা । এই দশ দিন ধরে’ যে ক্রমাগত যুদ্ধ হ’চ্ছে,—তবু বিজয়-
 লক্ষ্মী যে বড় চুপচাপ করে’ বসে’ আছেন !

অম্বালিকা । নিদ্রা যাচ্ছেন বোধ হয় ।

অম্বিকা । স্বপ্ন দেখছেন ।

অম্বালিকা । নাক ডাকছে ।

অম্বিকা । ভীষ্ম যুদ্ধ কচ্ছে’ন ?

অম্বালিকা । তা কচ্ছে’ন বৈ কি ।

অম্বিকা । এই দশদিন ধরে’ ?

অম্বালিকা । ক্রমাগত ।

পঞ্চম অঙ্ক ।]

ভীষ্ম ।

[ষষ্ঠ দৃশ্য ।

অম্বিকা । এই বুড়ো মানুষটাকে এরা অমর পেয়ে বড্ডই বেশী
খাটিয়ে নিচ্ছে !

অম্বালিকা । “অমর পেয়ে” কি রকম ! ভীষ্ম কি অমর ?

অম্বিকা । অমর বৈ কি !

অম্বালিকা । না, ইচ্ছামৃত্যু ?

অম্বিকা । সমানই কথা । ইচ্ছা করে’ কে ম’র্ত্তে চায় ?

অম্বালিকা । সত্য দিদি সাধ করে’ কে এই পৃথিবী ছাড়তে চায় ?
—সে এত সুন্দর !

অম্ববসনা অম্বকেশা গান্ধারীর প্রবেশ ।

গান্ধারী । শুনেছিচ্ছিস্ মা ?

অম্বিকা ও অম্বালিকা । কি মা !

গান্ধারী । এ কাল সমরে আজ ভীষ্মের পতন হ’য়েছে !

[অম্বিকা ও অম্বালিকা প্রস্তরমূর্ত্তির গায় দাঁড়াইয়া রহিলেন]

গান্ধারী । কি মা ! চুপ করে’ রৈলি যে ! একদৃষ্টে আমার পানে
চেয়ে র’য়েছিচ্ছিস্ যে !—যেন ছই পাষণ-প্রতিমা !—কঁাদছিচ্ছিস্ না মা ?
ওরে তোরা চাঁচিয়ে কঁাদ—সঙ্গে আমিও কঁাদি । আমার কান্না আস্ছে
না ! কে যেন কণ্ঠরোধ ক’রেছে । কঁাদ মা !

অম্বিকা । গান্ধারী—

গান্ধারী । কি !—থেমে গেলি যে ! কথা ক’ ! কঁাদ ! কি হ’য়েছে
বুঝতে পেরেছিচ্ছিস্ !—তবু কঁাদলিনে মা ! [অম্বালিকাকে] !—কৈ !
ঐ যে ঠোঁট নড়্ছে ! কি ব’ল্ছিচ্ছিস্ ? আরও চাঁচিয়ে, আরও চাঁচিয়ে !
এই প্রলয়ের ঝড়ে কিছু শুন্তে পাচ্ছিনা । আরও চাঁচিয়ে !

[২২৩

অম্বিকা । ভীষ্মের পতন হ'য়েছে ? পৃথিবীতে ভীষ্ম নাই ?

গান্ধারী । আছে—রণক্ষেত্রে উত্তরায়ণের অপেক্ষায় ভীষ্মদেব শর-
শয্যায় শুয়ে আছেন । মৃত্যু এখনও তাঁকে স্পর্শ ক'র্ত্তে সাহস করেনি !
দূরে দাঁড়িয়ে আছে । কিন্তু তার পর ?

অম্বালিকা । তার পর !

গান্ধারী । জানি না । ভীষ্মের মৃত্যুর পরে কি হবে জানি না ।
ঐ আকাশ কি ঐ রকম নীল থাকবে ? বাতাস বৈবে ? মানুষ হেঁটে
বেড়াবে, কথা কহিবে ? আর আমবা !—আমরা বেঁচে থাকবো ?

অম্বিকা । কি হোল বোন্ ।

অম্বালিকা । কি হোল দিদি !

গান্ধারী । এই দীর্ঘ শূণ্য শুষ্ক জীবন পরের জন্তই বহন
ক'রেছো—আব আজ ম'লে তাও পরের জন্ত ! এত বড় জীবন, এত-
খানি মমতা, এতখানি শক্তি সব পবের জন্ত ! আর নিজের জন্ত
—শুধু অক্ষয় কীর্তি ।

অম্বিকা । এ কি ! এ যে দুঃখভারে হুয়ে প'ড়ে যাচ্ছি, মাটির
সঙ্গে মিশিয়ে যাচ্ছি । কোথায় গেল ঋষির বর—সেই হর্ষ, সেই দীপ্তি,
হৃদয়ের সেই অনন্ত যৌবন, যার শক্তিবলে পতির বিয়োগ দুঃখ হেসে ঘাড়
পেতে নিয়েছিলাম, জরার উপর এতদিন রাজত্ব ক'রে এসেছিলাম !—বোন্ !

অম্বালিকা । কখন কাঁদিনি ! তাই দুঃখের সেই নিরুদ্ধ বারিবাশি
এসে এ হৃদয় ভেঙ্গে চূরে ভাসিয়ে দিয়ে যায় যে দিদি !—

অম্বিকা । কাঁদ চেষ্টিয়ে কাঁদ । দুঃখ অশ্রু হ'য়ে নেমে যাক,
চীৎকারে চারিদিকে ছড়িয়ে পড়ুক ।

পঞ্চম অঙ্ক ।]

তীয় ।

[বঠ দৃশ্য ।

গান্ধারী । ও কে ?

স্থবির সত্যবতীর প্রবেশ ।

সত্যবতী । ওরে ! তোরা আছিস্ ?

গান্ধারী । এ যে সত্যবতী !—একি ! এক মুহূর্ত্তে স্থবির ! সেই
অনন্ত-যৌবনা—

সত্যবতী । কৈ ! কেউ নাই !

অস্থিকা । এই যে আমরা আছি মা !

সত্যবতী । অস্থালিকা !

অস্থালিকা । এই যে মা !

সত্যবতী । কৈ দেখতে পাচ্ছি না তুত ।

গান্ধারী । এ কি ! অন্ধ !

সত্যবতী । অস্থিকা ! অস্থালিকা ! কোথায় তারা !

উভয়ে । এই যে মা আমরা !

সত্যবতী । হাঁ মা বলে' ডাক্ । মা বলে' ডাক্ । [স্বীর বক্ষে
হাত দিয়া] 'এই জায়গায় ।—এই জায়গায়—ডাক্ ! ডাক্—মা বলে'
ডাক্ ! যেমন সে' ডেকেছিল । সে আমার একদিন মা বলে'
ডেকেছিল । তার পর—

অস্থিকা । মা সাধনা দাও মা ।

গান্ধারী । আজ কে কাকে সাধনা দেয় !

সত্যবতী । আর মা কোলে আর ! বক্ষে আর !—কোথা আছিস্
তোরা ? দেখতে পাচ্ছিনে !—বক্ষে আর মা ! [সরোদনে] বক্ষে আর মা !

পঞ্চম অঙ্ক ।]

ভীষ্ম ।

[ষষ্ঠ দৃশ্য ।

তোদের বক্ষে জড়িয়ে ধরে', ঘুমিয়ে পড়ি । [উভয়কে বক্ষে জড়াইয়া]
কৈ ! শীতল হয় না ত । জলে' গেল ! জলে' গেল !—ওঃ !

গান্ধারী । দিদি !

সত্যবতী । কে গান্ধারী ! আছিস্ ? বেচে আছিস্ ? বেশ
হ'য়েছে ! আর তিন পুরুষ একসঙ্গে চৈচিয়ে কাঁদি । এক সঙ্গে—
এক সুরে ।—[সুরে]

সে যে আমার নিখিল জগৎ,

সে যে আমার অন্তঃস্থল ;

সে যে আমার মুখের হাসি,—

সে যে আমার চোখের জল ।

সে যে আমার—সে যে আমার—সে যে আমার—

ওঃ ! জলে' গেল ! জলে' গেল !

সে যে আমার বুকের আলা,

সে যে আমার গলার হার ;—

সে যে আমার—চাঁদের আলো,

সে যে আমার অন্ধকার ।

সে যে আমার—

সঙ্গে সঙ্গে গা অস্থিকা, গা অস্থালিকা ।—

সে যে আমার হৃথের মরণ,

সে যে আমার হৃথের গান ;

সে যে আমার নিশার প্রভাত,

সে যে আমার অবসান ।

সে যে আমার—

পঞ্চম অঙ্ক ।]

ভীষ্ম ।

[ষষ্ঠ দৃশ্য ।

[হাততালি দিয়া ভঙ্গী সহকারে]

সে যে আমার ইহ ভঙ্গী,

সে যে আমার পরপার—

সে যে আমার বিজয় ভেরী,

সে যে আমার হাহাকার ।

সে যে আমার—সে যে আমার—

—বৎস ! প্রাণাধিক পুত্র আমার !

গান্ধারীব আলিঙ্গনে মূর্ছিত হইয়া পড়িলেন ।

অম্বিকা ও অম্বালিকা । [ঘেবিষা] মা ! মা !

গান্ধারী । বীণার তাব ছিঁড়ে গিয়েছে, মৃত্যু হ'য়েছে ।

অম্বিকা ও অম্বালিকা । [একত্রে] মৃত্যু হ'য়েছে ?

গান্ধারী । মৃত্যু হ'য়েছে ।

অম্বালিকা অম্বিকা একদৃষ্টে পরস্পরের পানে চাহিয়া রহিলেন !

সপ্তম দৃশ্য ।

স্থান—সমরাস্থান । কাল—প্রভাত ।

অর্জুন ও শিখণ্ডী চলিয়া যাইতেছিলেন ।

শিখণ্ডী । সমরে প'ড়েছে ভীষ্ম । কাতর কি হেতু

তবে তুমি ধনঞ্জয় ? মুহূমানসম,

চলিছ দুর্বল পদে, ঠেলিছে চরণ !

অর্জুন । শিখণ্ডী ! হৃদয় মম বড়ই দুর্বল ।

অন্তরে বাজিছে সেই এক ভগ্ন ধ্বনি—

“কি করিলি ধনঞ্জয় । যেই বন্ধ'পরি

শুয়ে নিদ্রা যাইতিসু, সেই বন্ধে তুই

কেমনে হানিলি বজ্র ?”—পিতামহ যবে

দেখিলেন পৌত্র করে তীক্ষ্ণ শরাঘাত

বৃদ্ধ পিতামহ-বন্ধে ; বড় অভিমানে

রাখিলেন ধনুর্বাণ ; দিলেন প্রসারি'

প্রসারিত লোলবন্ধ । লক্ষ করি নাই

রণোন্মত্ত আমি তবে ।—অর্জুনের শরে

নিহস্ত ভীষ্মের হত্যা !

শিখণ্ডী ।

কে বলিল বীর ?

ভীষ্ম ত আমার শরে পণ্ডিত সমরে ।

অর্জুন । শিখণ্ডী ! যখন নিম্নে নিখাত পর্বত,

তর্জনীর স্পর্শমাত্র হয় ভূমিসাৎ ।

শিখণ্ডী । বৃথা ক্ষোভ । ঘটয়াছে যাহা ঘটবার ।

অর্জুন । দেখিলে না বীরবর ! পড়িলেন আজি

সমরে কিরূপ ভীষ্ম ? যেন জ্যোতিষ্মান্

প্রদীপ্ত মধ্যাহ্ন-সূর্য্য খসিয়া পড়িল ।

কাপিয়া উঠিল বিশ্ব, সহসা আকাশ

প্রলয়ের অন্ধকারে ছেয়ে গেল । স্বর্গে

দেবতার হাহাকার স্পষ্ট শুনিলাম ।

আর [রুদ্ধকণ্ঠে]—চল যাই পিতামহ সন্নিধানে ।

শিখণ্ডী । [যাইতে যাইতে] ভীষ্মের পতনে আজি কেন এ উল্লাস

অস্তুরে আমার পার্থ ? কে যেন কহিছে

কর্ণে মম “পূর্ণ তব প্রতিহিংসা আজি !”

—একি পার্থ ?

অর্জুন । সে কি স্বীর ?

শিখণ্ডী । যাইব না আমি ।

তুমি যাও ধনঞ্জয় !

অর্জুন । সে কি বীরবর ?

শিখণ্ডী । পারিব না ।—পারিব না । যাও ধনঞ্জয় !

[উভয়ের বিপরীত দিকে প্রস্থান]

অষ্টম দৃশ্য ।



স্থান—কুরুক্ষেত্র । কাল—সন্ধ্যা ।

শরশয্যা'পরি ভীষ্ম ।

সন্মুখে পাণ্ডব ও কোরবপক্ষ সকলে দণ্ডায়মান ।

দ্রোণ । পাণ্ডব কোরবকুল ! বৎসগণ ! আজ
প্রকাণ্ড হত্যার লীলা আরম্ভ হইল ।
সমরে প'ড়েছে ভীষ্ম ! • কালের করাল
কৃষ্ণ ধারাপাতে লিখ কৃধির অক্ষরে
প্রথমে ভীষ্মের ক্ষম । শীঘ্র পূর্ণ হবে
এ কৃষ্ণ তালিকা ।

বিহ্বর । কোন চিন্তা নাই । কেহ
রহিবে না কুরুক্ষেত্রে এ কালসমরে ।

কৃপাচার্য্য । ভীষ্মের পতন আজি করিছে সূচনা
এ যুদ্ধের ভাবী পরিণাম ।

যুধিষ্ঠির । পিতামহ !
অত্যধিক হইছে যন্ত্রণা ?

ভীষ্ম । কিছু নহে ।
—হৃষ্যেয়ধন !

পঞ্চম অঙ্ক ।]

ভীষ্ম ।

[অষ্টম দৃশ্য ।

দুর্যোধন । পিতামহ !

ভীষ্ম । বুলিয়া পড়িছে শির, দাও উপধান ।

[দুর্যোধন অত্যন্তম উপধান আনিয়া ভীষ্মের মস্তকের নীচে দিলেন]

ভীষ্ম । [তাহা সরাইয়া সহাস্ত্রে]

ভীষ্মের এ উপধান !—অর্জুন ! অর্জুন !

[অর্জুন স্বীয় তুণ ভীষ্মের মস্তক-তলে রাখিলেন]

ভীষ্ম । অর্জুন ভীষ্মেরে চিনে !—কি বল অর্জুন !

অর্জুন । পিতামহ ক্ষমা কর । ঘুরিছে মস্তক ;

দেখিতেছি অন্ধকার ।

ভীষ্ম । না না বৎস, তুমি

ধনঞ্জয় ! সাধিয়াছ কর্তব্য আপন,

আমি যাহা করি নাই । দুর্যোধন ! জল—

দুর্যোধন । [স্বর্ণভৃঙ্গার পূর্ণ করিয়া জল আনিয়া]

পান কর বারি পিতামহ !

ভীষ্ম । এই বারি !—

দাও বারি ধনঞ্জয় !

[অর্জুন গাণ্ডীবে শরসংযোজনা করিয়া পৃথিবী বিদ্ধ করিলেন ।

তখন ভোগবতী-জল উৎস-আকারে উঠিয়া ভীষ্মের মুখে ছড়াইয়া পড়িল]

ভীষ্ম । তৃপ্ত হইলাম !

উদ্ভ্রাস্তভাবে গান্ধারীর প্রবেশ ।

গান্ধারী । পিতা পিতা । [ছড়াইয়া ধরিলেন] কোথা যাও

ভীষ্মদেব ?—করি' নিঃস্ব এই বিশ্বতলে !

[২৩১

কোথা যাও মহাভাগ ! অন্ধকার করি'
এই দীন মর্ত্য ভূমে ! যাইও না—পিতা ।
মানবগৌরব-রবি ! কৌরবকল্যাণ !
আমার সন্তানকুল করেছে আশ্রয়
তোমারে, তোমারই দেব মুখ চেয়ে আছে
বিপদসাগরে এই মহা ঝটিকায় ;
তাহাদের একা ফেলে কোথা যাও দেব !

ভীষ্ম । শাস্ত হও মা গান্ধারী ! তোমারে কি সাজে
এই অধীরতা—তুমি শত পুত্রবতী ।

গান্ধারী । কিন্তু এ যে শত পুত্র শোকের অধিক ।
কৌরবসহায় তুমি চিরদিন পিতা ।
—মা না যাইও না । উঠ ! ধর ধনুর্বাণ ।
—কৌরবের 'শত্রুকুল ভঙ্গ করে' দাও ।

ভীষ্ম । শোক করিও না ! ধর্ম হইয়াছে জরী !
গান্ধারী ! উৎসব কর ।

গান্ধারী । সত্য কথা পিতা ।
ধর্ম হইয়াছে জরী—কোন ছুঃখ নাই ।
বাজাও বিজয় বাণ । দ্রোণে বলি দাও,
কর্ণে বলি দাও, দুর্যোধনে বলি দাও,
ধর্ম জরী হোক ! পিতা ! কোন ছুঃখ নাই ।
গঙ্গার প্রবেশ ।

গঙ্গা । কৈ বৎস দেবব্রত ! বৎস ! দেবব্রত !

পঞ্চম অঙ্ক ।]

ভীষ্ম ।

[অষ্টম দৃশ্য ।

ভীষ্ম । কে ডাকিছ সেই প্রিয় পরিচিত স্বরে,
শৈশবের পুরাতন সেই নাম ধরি' ;
ডাকিতেন যেই নামে জননী আমার ?

গঙ্গা । আমি সে জননী তোর ।

ভীষ্ম । প্রণমি চরণে । [প্রণাম]
পাণ্ডব কোরবকুল ! প্রণম চরণে !
[সকলে প্রণাম করিলেন]

গঙ্গা । কে হেনেছে মৃত্যুবাণ অশ্রায় সমরে,
আমার পুত্রের বক্ষে ।

কুন্তী । অশ্রায় সমরে নহে ;
শ্রায় যুদ্ধে হইয়াছে ভীষ্মের পতন ।

গঙ্গা । হেন বীর জন্মে নাই এই ত্রিভুবনে,
শ্রায় যুদ্ধে বধ করে সন্তানে আমার ।
হেন পুত্রে গর্ভে ধরি নাই !—কে আমার
পুত্রহন্তা ! কহ ।

অর্জুন । [অগ্রসর হইয়া আসিয়া]
আমি সেই নরাধম ।

গঙ্গা । তুমি ? তুমি ক্ষুদ্র বীর ? শ্রায়যুদ্ধে তুমি
সাধিয়াছ ভীষ্মের নিধন ? অসম্ভব ।
—যে হানিল মৃত্যুবাণ, অশ্রায় সমরে
আমার পুত্রের বক্ষে, স্বীয় পুত্রশোকে
দহিবে সে, দিলাম এ অভিশাপ আমি !

[২৩৩

পঞ্চম অঙ্ক ।]

ভীষ্ম ।

[অষ্টম দৃশ্য ।

ভীষ্ম । কি করিলে ! কি করিলে ! জননী জাহ্নবী !
ফিরে লও অভিশাপ ।

অর্জুন । না না পিতামহ ।

—দাও অভিশাপ দেবি জননী জাহ্নবী ।
যত চাহো, যত পারো, দাও অভিশাপ ।
পুত্রশোক তুচ্ছ অতি । শত পুত্রশোক
সম বাজে এই দুঃখ হৃদয়ে জননী—
যে আমি ভীষ্মের হস্তা ! দাও অভিশাপ,
যত পারো দাও দুঃখ, এ মহাদুঃখের
বিরাট অনলকুণ্ডে ;—ভস্ম হ'য়ে যা'বে ।
—পিতামহ—[স্বর বন্ধ হইল]

ভীষ্ম । শাস্ত হও বৎস, ধনঞ্জয় !
কেহ করে নাই বধ । ইচ্ছামৃত্যু আমি !
—জননী বিদায় দাও ।

গঙ্গা । যাও নরোত্তম !

স্বীয় ধামে ফিরে যাও । বৎস দেবব্রত
প্রাণাধিক ; দেব তুমি দেবের মতই
করিয়াছ মর্ত্যভূমে জীবন ধারণ—
অনাসক্ত, নিষ্কলঙ্ক, দুর্জয়, উজ্জল ।

যাও বৎস ! শিরে লহ মাতৃপদধূলি । [প্রস্থান]

ভীষ্ম । কোরব পাণ্ডবকুল ! রাত্রি সমাগত ।
অন্ধকার হ'য়ে আসে ।—গৃহে ফিরে যাও ।

পঞ্চম অঙ্ক ।]

ভীষ্ম ।

[অষ্টম দৃশ্য ।

উন্মুক্ত সমর-ক্ষেত্রে, শরশয্যা'পুরি
একাকী জাগিব আমি । গৃহে ফিরে যাও !
মা গান্ধারী !—কৌরব পাণ্ডবে আজ্ঞা কর ।

গান্ধারী । পাণ্ডব কৌরবকুল গৃহে ফিবে চল ।

[সকলে স্ব স্ব গৃহে চলিয়া গেল ; অন্ধকার হইয়া আসিল]

ভীষ্ম । আজ তুমি দেখা দাও হে করুণাময় ।
জগতের গুরু কৃষ্ণ ! পাপীর আশ্রয় ।
পাপী আমি ! নরাধম আমি । দেখা দাও ।
জীবনের মরণেব এই সন্ধিস্থলে,
ভয়ানক গভীর মুহূর্তে—এ সঙ্কটে
এসে দেখা দাও নাথ ! দেখিতেছি আমি
সম্মুখে দিগন্তচূষী সমুদ্র অসীম ;
শুনিতেছি সমুদ্রের তরঙ্গগর্জন ।
দেখা দাও দেখা দাও দয়াময় হরি !

শ্রীকৃষ্ণের আবির্ভাব ।

কৃষ্ণ । আমি আছি দেবব্রত । কোন ভয় নাই ।

ভীষ্ম । এই যে আমার কৃষ্ণ । দয়াময় হরি !
অস্তিমে দেখাও পথ, দাও পদতরী ।

কৃষ্ণ । হে ত্যাগী সন্ন্যাসী ভীষ্ম ! যোগী ! কৰ্ম্মবীর !
ঐ দেখ উদ্ভাসিত ধর্ম্মের মন্দির
কালের গগনচূষী শিখরে বিরাজে ।

[২৩৫

পঞ্চম অঙ্ক ।]

ভীষ্ম ।

[অষ্টম দৃশ্য ।

ঐ উঠে ধূপ, শুন্ ঐ শব্দ বাজে ;
চলে' যাও ত্যাগী দীর—কোন চিন্তা নাহি ;
তরনী প্রস্তুত তীরে । চলে' যাও বাহি'
স্বীয়পুণ্যক্রবজ্যোতিরানোকিত পথ ।
—তোমার অক্ষয় কীর্ত্তি ঘোষিবে জগৎ ।

শবনিকা পতন ।

—

